

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ

НИЗОМИЙ НОМИДАГИ ТОШКЕНТ ДАВЛАТ ПЕДАГОГИКА  
УНИВЕРСИТЕТИ

**С.Аширбоев, И.Азимов**

**ЎЗБЕК ТИЛИНИНГ ТАРИХИЙ  
ГРАММАТИКАСИ**

**фанидан ўқув қўлланмаси**

**ТОШКЕНТ – 2012**

## **Аннотация**

«Ўзбек тилининг тарихий грамматикаси» курси ўзбек тили ва адабиёти йўналиши бўйича таълим олаётган талабаларга мўлжалланган. Унда ўзбек тилининг мустақил тараққиёт босқичидан то бизнинг асримизгача бўлган даврдаги хусусиятлари тўғрисида сўз боради. Кўлланмада тарихий фонетика, тарихий морфология, тарихий синтаксис акс этган.

Ўзбек тили фактлари тарихий хронология тамойиллари асосида ёритилади. Таъкидлаш жоизки, ушбу қўлланмада ўзбек тили тарихи, тарихий грамматикаси бўйича тўпланган тажрибалар, мавжуд қўлланмалардаги материаллардан фойдаланилди.

## Кириш

Режса:

1. Ўзбек тилининг тарихий грамматикаси тил тарихи фанларидан бири сифатида.
2. Ўзбек тили тарихий грамматикасининг манбалари.
3. Ўзбек тили тарихий грамматикасининг ўрганилиши тарихи.

Ўзбек тилининг тарихий грамматикаси ўзбек тили тарихи фанининг бир тармоғидир. Маълумки, тил тарихи ўзбек тили фонетик системасининг, грамматик қурилиши ва лексикасининг тарихидир. Ўзбек тили тарихи ўзаро боғлиқ бўлган икки мустақил предметни ўз ичига олади. Бу предметлар – ўзбек тилининг тарихий грамматикаси ва адабий тил тарихидир. Бу икки предмет ички бир-бирига боғлиқ бўлишига қарамасдан, уларнинг ўрганиш усуллари, текшириш обьектлари бир-биридан фарқ қиласди. Тарихий грамматика тилнинг фонетик системаси тараққиётини, грамматик структурасининг ривожланишини ўрганади. Лекин тил ҳодисаларининг ижтимоий ҳодисалар билан бўлган муносабатини, услублар тараққиётини ва уларнинг турли қўринишларини, тилнинг нормаси каби масалалар унинг текшириш обьектидан четда қолади. Буларни эса адабий тил тарихи текширади.

Тил тарихини ўрганиш ҳозирги замон ўзбек тилини тушуниш, яъни бу тил узоқ асрлар мобайнида давом этган мураккаб тарихий жараёнлар самараси эканини англаш имконини туғдиради. Ўзбек тили узоқ давр ва асрларнинг тарихий маҳсулидир. Ўзбек тили тарихда маълум бўлган бошқа тиллар каби узоқ тараққиёт босқичини бошидан кечирди. У жамият ва халқ тарихи билан узвий боғлиқ ҳолда уруғ тилидан қабила, қабила тилидан халқ ва халқ тилидан миллий тилга қараб тараққий этиб келди. Узоқ давом этган бу жараёнда ўтмиш асрлардаги тил ҳодисалари кейинги асрлардаги тил ҳодисаларидан фарқланиб қолди. Ҳар бир ўтмиш давр, тарихий ҳодисалар тилда ўз изларини сақлаб қолди. Натижада ҳозирги замон ўзбек тили унинг ўтмишидан узоқлашиб кетди. Ижтимоий-тарихий тараққиётнинг талабларига жавоб беролмаган тил ҳодисалари астасекин умумтил алоқасидан чиқиб кетди. Уларнинг ўрнини замона талаби билан пайдо бўлиб келган янги ҳодисалар ишғол этди. Шунинг натижасида юқорида айтилганидек, ҳозирги ўзбек тили ўзининг ўтмишидан узоқлашиб қолди. Бу ҳодисаларни ёзув ёдгорликларида акс этилган ҳодисалар билан чоғиштирилганда кўриш мумкин.

Тарихдан маълумки, тилнинг структура элементлари узоқ ўтмиш давр ичида бир хилда ўзгариб келмади. Ижтимоий-тарихий тараққиёт даставвал тилнинг лексикасига ўз таъсирини ўтказади ва шунга қўра тилнинг бошқа таркибий қисмларига қараганда унинг луғат таркиби жуда ўзгарувчан

қисмдир. Ҳақиқатан ҳам, ижтимоий тараққиётнинг йўналиши ва хусусиятларига қараб ўзбек тилининг луғат таркиби тез-тез ўзгариб, янгиланиб турди. Унинг таркибида замона ва тараққиёт талабларига жавоб беролмайдиган сўз ва иборалар чиқиб кетди. Уларнинг ўрнини янги луғат ва иборалар эгаллади. Қатор сўзлар эса актив луғатдан пассив луғатга айланаб кетди.

XII аср бошларида Хоразм давлатининг мавқеи кўтарилиб, бутун Мовароуннахри ўз ичига олади. Бу ер фан ва маданият ўчоfiga айланади. Мўғуллар ҳукмронлиги даврида ҳам бу анъана давом этади. Бу даврда Хоразм Олтин Ўрда хонлигига кирап эди. Олтин Ўрдада XIII-XIV асрлар мобайнида адабий марказ вужудга келди. Бу ерда ёзилган асарлар тил жиҳатдан кўпроқ қипчоқ-ўғуз қабила тиллари хусусиятини ўзида ифодалайди. Ўғуз уруғлари сон жиҳатидан кўпчиликни ташкил этиб, улар Сирдарёning қуий оқими ва Хоразмда жойлашган эди. Хоразмийнинг «Мұхаббатнома»си, Қутбнинг «Хисрав ва Ширин» асари, диний характердаги «Роҳатул- қулуб», «Нажхул фародис», Алининг «Қиссаи Юсуф», асарлари Олтин Ўрда адабий тилини ташкил этади. Олтин Ўрда адабий тилига оид асарларнинг айримлари Мисрда ва Сурияда мамлюклар даврида яратилди.

Олтин Ўрда адабий тили Қораҳонийлар давридаги адабий тил билан боғланган эди. Олтин Ўрда адабий тили шу тилнинг бевосита давоми эди. Бу тилларнинг фарқи Олтин Ўрда кўпроқ ўғуз, қисман қипчоқ уруғ тиллари хусусиятларининг бўлиши билан ўлчанади. Бу ерда ёзилган асарлар тил жиҳатдан кўпроқ қипчоқ-ўғуз уруғ тиллари хусусиятини ўзида ифодалайди. Хоразмийнинг «Мұхаббатнома»си, Қутбнинг «Хусрав ва Ширин» достони, диний характердаги «Роҳатул қулуб», «Нажхул фародис», Алининг «Қиссаи Юсуф» асари, Тўхтамиш ва Темур Қутлуқ ёрлиқлари Олтин Ўрда адабий тилини ташкил этади.

XIV асрга келиб эски ўзбек адабий тили шаклана бошлади. Бунинг вужудга келишига сабаб факатгина ички факторлар: ўзбек халқи шаклланиш жараёнининг қучайиши, Фарғона ва Мовароуннахр туркий аҳолиси бирлигининг яратилишигина эмас, балки Кошғарда ва Орол дengизигача бўлган ери ишғол қилган Олтин Ўрда адабий тилларининг шаклланиши ҳам таъсир қилди. Бу эса, ўз навбатида, эски ўзбек адабий тилининг диалектал хусусиятларини кўпайтиради. Фарғона ва Мовароуннахрда адабий асарлар тилидан Хоразмда ёзилган адабий асарлар тили маълум диалектал фарқлар билан ажралиб туради. Эски ўзбек тилининг шаклана бошлаш даврида қабила ва уруғ тилларининг хусусиятлари адабий асарларда яққол кўринади. Мовароуннахр, Фарғона ва Хоразмда қарлуқ, уйғур-ўғуз ва қипчоқ диалект группаларининг хусусиятлари сақланиши билан, айни замонда, улар аралашиб кетган эдилар ҳам. «Мұхаббатнома» ва «Таашшуқнома»да ўғуз диалекти хусусияти ўз аксини топади. Демак, мавжуд диалект хусусиятларини ўз

ичига қамраб олган умумий адабий тилни шакллантириш тенденцияси кучая боради ва шу тариқа ўзбек адабий тили вужудга келди.

XV-XVI асрларда Мовароуннахрда Дурбек, Саккокий, Лутфий ва Навоий каби буюк шоирлар етишиб чиқдики, улар яратган ёдгорликларда диалектал фарқлар йўқола бориб, ягона ўзбек адабий тили шаклланди.

Шуниси характерлики, Навоийгача бўлган шоирларнинг асарларида эски туркий тил анъаналари давом эттирилиши билан бирга, уларда жонли тил хусусиятлари кўпроқ ўрин эгаллайди.

XV асрнинг биринчи ярмида диний мазмундаги бир қанча прозаик асарлар ҳам яратилди. Булар «Сиражул қулуб»(1432 йил Йазд шаҳрида Мансур бахши томонидан тузилган), «Тазкираи авлиё»(1436 йилда Мансур бахши томонидан тузилган), «Меърожнома», «Бахтиёрнома» в.б. Бу асарлар содда ва жонли тилга яқиндир. Улар эски ўзбек тилининг ривожланишида катта роль ўйнади. Эски ўзбек адабий тили аввал қораҳонийлар даврида, кейинроқ Олтин Ўрда ва Мовароуннахрда қўлланган адабий тилнинг давоми, унинг янги тараққиёт босқичи эди. Эски ўзбек адабий тили маҳаллий туркий ва қисман эрон уруғлари тилига қипчоқ ва ўғуз тилларининг таъсири ва аралашиши натижасида шаклланди. Эски ўзбек адабий тили бутун Ўрта Осиёга, Қозогистон, Туркманистон, Озарбайжон, Татаристон, Бошқирдистон, Қашқар, Ҳирот ва бошқа ерларгача ёйлади. Эски ўзбек адабий тили нормалари асосида ёзувчи шоир ва ёзувчилар XIX асрларгача ижод қилиб келдилар. Бу адабий тил анъаналари айниқса шеъриятда узоқ асрларгача давом этди.

Алишер Навоий асарларида эски ўзбек адабий тили ўз ривлжининг юқори нуқтасига кўтарилди. Алишер Навоий жуда катта адабий ва илмий мерос қолдирди. Унинг «Чор девон» ва «Хамса» номли поэтик асарлари, «Маҳбуул қулуб», «Хамсатул мутахайирин», «Мажолисун нафоис», «Мезонул авзон», «Вақфия», «Мухокаматул луғатайн», «Ҳолоти Паҳлавон Муҳаммад» каби ўнлаб прозаик асарлари бизга маълум.

Алишер Навоийдан кейин яратилган прозаик асарлар ва баъзи достонларда эски ўзбек тилининг традицион нормаларидан узоқлашиш, халқ тилига яқинлаштириш тенденциясини кўрамиз. Заҳириддин Муҳаммад Бобурнинг «Бобурнома» асари, Муҳаммд Солиҳнинг «Шайбонийнома», Мажлисийнинг «Қиссаи Сайфулмулк» достони, Абдулваҳобхўжа ўғли Пошшохожанинг «Гулзор» ва «Мифтоҳул адл» асарлари, Нишотийнинг «Ҳусну дил» достони, Гулханийнинг «Зарбулмасал» асари, Фазлийнинг «Мажмуатуш шуаро» асари шундай хусусиятга эгадир.

Туркий тиллар ва уларнинг тилини ўрганишга қизиқиши XI асрларданоқ бошланган. Маҳмуд Кошғарий ўзининг «Девону луғатит турк» асарида Ўрта Осиёдаги турли туркий уруғ-қабилалар тилини чукур таҳлил қиласиди. Кейинги даврларда туркий тилларнинг луғатлари тузилади, баъзи

лугатларда шу тилларнинг грамматик, фонетик, лексик таҳлили ҳам берилади. Замахшарийнинг «Муқаддиматул адаб», Абу Ҳайённинг «Китабул идрак лиллисанул атрак», Жамолиддин Абу Мухаммаднинг «Китаб булғатул муштароқи лугатит турк вал қифчак», Толеъ Хиравийнинг «Бадоевл лугат», Мирза Маҳдийхоннинг «Санглоҳ» ва бошқа асарларда ана шундай таҳлиллар мавжуд. Буюк мутафаккир Алишер Навоийнинг «Муҳокаматул лугатайн» асарида туркий тиллар грамматикасига оид қимматли фикрлар бор.

Россияда туркий халқлар ва уларнинг тиллари билан шуғулланиш Россия Фанлар Академияси ташкил этилган даврларданоқ бошланган. XIX аср бошларида Москва, Қозон, Петербург университетларида шарқ тиллари кафедралари ташкил этилди. Қадимги ёдномаларни нашр қилиш ва туркий тиллар тарихини ўрганишда рус олимларидан В.В.Радлов, П.М.Мелиоранский, С.Е.Малов, А.К.Боровков, А.М.Шчербак, Н.Ф.Катановларнинг хизмати қаттадир.

Ўзбек тили тарихий грамматикасини тадқиқ этиш, бу фан бўйича дарслик, ўқув қўлланмалари яратишида Ф.Абдураҳмонов, А.Рустамов, Ш.Шукуров, Ф.Абдуллаев, Э.Умаров, С. Аширбоев, Ҳ.Дадабоев, Б.Тўйчибоев ва бошқа қўплаб олимларнинг хизмати бекиёсdir. Улар томонидан эски ўзбек тили ёдномалари тилининг фонетик, морфологик ва синтактик хусусиятлари бўйича илмий тадқиқотлар олиб борилди. Тил тарихи бўйича илмий тадқиқотлар то ҳозирги кунгача давом этмоқда.

#### *Савол ва топшириқлар:*

1. Ўзбек тилининг тарихий грамматикаси фани нимани ўрганади?
2. Ўзбек тилининг тарихий грамматикаси қайси фанлар билан яқин алоқада бўлади?
3. Ўзбек тили тарихига оид қандай асарларни биласиз?

#### *Таянч тушунчалар:*

**Ўзбек тили тарихи-** ўзбек тилининг туркий тиллардан ажralиб, мустақил тараққий этишини ёритадиган фан.

**Ўзбек тилининг тарихий грамматикаси-** ўзбек тилининг фонетик, морфологик, синтактик ва лексик-семантик тизимини ўрганувчи ўзбек тили тарихининг узвий қисмидир.

**Ўзбек тили тарихий грамматикасининг манбалари-** тарихий грамматикада таҳлили қилиш, хулоса чиқариш учун асос бўладиган тил фактларини ташувчи ўзбек тилида яратилган ёзма ёдгорликлар.

**Ўзбек адабий тили тарихи-** ўзбек адабий тилининг тарихий тараққиётини, нормалари тарихини ўрганадиган ўзбек тили тарихининг узвий қисмидир.

**Эски ўзбек адабий тили-** XIV асрларда шакллана бошлаган ва XV асрда ривожланган ҳамда то XX асрнинг бошларигача қўлланган адабий тил номларидан биридир.

## Фонетика

*Режса:*

1. Тарихий фонетиканинг ўрганиши объекти, манбалари.
2. əзбек тили тарихий фонетикасининг ўрганилиши тарихидан.
3. Араб алифбоси асосидаги эски ўзбек ёзуви ҳақида.

Тарихий фонетика ўзбек тили унли ва ундош товушларининг турли даврлардаги тараққиёти, ҳар бир тараққиёт даври учун хос бўлган фонетик система, айрим унли ва ундош товушларнинг шаклланиши ва тадрижий тараққиёти, асосий фонетик қонуниятлар, бўғин тузилишидаги тарихий ўзгаришлар каби қатор масалаларни ўрганади ва ўргатади.

Фонетик система тилнинг курилиш бирликлари орасида ўзининг ўзгарувчанлиги билан лексикадан кейин иккинчи ўринда туради. Бунинг сабаби шундаки, тилнинг ички ривожланиш қонуниятлари, ташки муҳит-қўшни тиллар, жамият ва фан-техниканинг ривожи, янги-янги сўзларнинг кириб келиши тилнинг фонетик қурилишига тез таъсир қиласди.

Тилдаги ўзгаришлар бирданига – бир- икки йил орасида эмас, балки аста- секинлик билан узоқ давр давомида содир бўлади. Дастлаб онда- сонда учрайдиган ҳодисалар, фонетик вариантлар, ёнма-ён қўлланишлар аста-секин қонуниятга айланади. Шунинг учун ҳар бир даврдаги тил шу тилда сўзловчилар учун ўзгармасдай, барқарордай туюлади. Ваҳоланки, тилда тараққиёт ва ўзгариш жараёни ҳеч қачон тўхтамайди. əзбек тили эса бир неча тараққиёт даврини бошидан кечирди ва ҳар бир даврнинг ўзига хос қонуниятлари, фонетик системаси бор. Ҳар бир тараққиёт даври учун хос бўлган фонетик системани тиклаш, тасвирлаш каби масалалар ҳам ўзбек тилининг тарихий фонетикасида ўрганилади.

əзбек тилининг турли даврларида яратилган ёзма ёдгорликлар, илмий ва бадиий асарлар тарихий-фонетик тадқиқот учун энг асосий манба вазифасини ўтайди, чунки ҳар бир ёзма ёдгорликда шу ёдгорлик яратилган давр тили ўз аксини топади. Ҳар бир ёзма ёзма ёдгорликни атрофлича ўрганиш асосида шу ёдгорлик яратилган даврдаги ўзбек тилининг хусусиятлари, жумладан, фонетик қонуниятларини аниқлаш мумкин.

əзбек классик адабиётида шеърий жанрнинг кенг ривожланганлиги, қофияда ўзаро ўхшаш сўзларнинг ишлатилиши, шаклдошлика асосланиб ёзиладиган туюқ жанрининг мавжудлиги фонетик тадқиқотларга маълум даражада имкон беради. Турли тараққиёт даврларида ёзилган асарлар тилининг фонетик хусусиятларини қиёслаш асосида эса ўзбек тили фонетик системасининг тараққиёт йўлини аниқлаш мумкин. Лекин биз ўтмиш даврлар талаффузини бевосита кузатиш имкониятидан маҳруммиз. эз навбатида, ёзув

ҳам талаффузни тўла-тўқис акс эттиргмаган, шу сабабли тарихий фонетикани ўрганиш катта тўсиқларга учрайди. Таъкидлаш лозимки, ўзбек тили тарихий фонетикасини ўрганиш жараёнида ёзма ёдгорликлар орасида филологик-тилшунослик ва адабиётшунослик асарлари бекиёс аҳамиятга эга. Чунки бундай асарларда тадқиқотчи ўзи билган ва тасвирлаётган тилнинг фонетик хусусиятлари, у ёки бу сўзнинг талаффуз шаклини маълум даражада тасвирлаб беради. Махмуд Кошғарийнинг «Девону луғатит-турк», Абу Хайённинг «Китобул-идрок лил-лисонул-атрок», Алишер Навоийнинг «Муҳокаматул-луғатайн», «Мезонул-авзон», Заҳиридин Бобурнинг «Мухтасар», Толеъ Хиравийнинг «Бадоевул-луғат», Мирза Маҳдийхоннинг «Мабониул-луғат» грамматикаси ва «Санѓлоҳ» луғати, Фатҳали Кожарийнинг «Луғати атрокия» каби асарларидаги ноёб фонетик маълумот ва изоҳлар ўзбек тили тарихий фонетикасини ўрганиш учун энг муҳим манбалар саналади.

Ёзма ёдгорликлардан ташқари, ўзбек тили тарихий фонетикасини ўрганиш учун ҳозирги ўзбек шевалари, ўзбек тилига қариндош бўлган бошқа туркий тиллар, айниқса, қўшни уйғур, қозоқ, қорақалпоқ, туркман тилларининг ҳодисалари ҳам катта аҳамиятга эга. әзбек тили фонетик системасидан чиқиб кетган қатор ҳодисалар (олд ва орқа қатор унлиларнинг фонологик фарқи, чўзиқ ва қисқа унлилар, уйғунлик (сингармонизм) ҳодисаси, товуш алмашинувлари) ўзбек шеваларида ҳамда бошқа туркий тилларда сақланган ва ривожланган. әзбек шевалари ва бошқа туркий тилларда сақланган қонуниятлар эса ўзбек тилининг тарихида амалда бўлган деб тахмин қилиш мумкин.

Ўзбек тили тарихий фонетикаси ва грамматикасини билиш она тили ва адабиёт мутахассислари учун катта назарий ва амалий аҳамиятга эга, чунки тарихий фонетика ҳозирги ўзбек тилидаги қатор фонетик хусусиятлар (сонсан, тўла- тўлов каби товуш алмашинувлари), бир қўшимчанинг турли фонетик вариантларда учраши (чиқкан, эккан, келган ва ҳ.к), стилистик мақсадда қўшимчаларнинг эскирган фонетик кўринишлари ишлатилиш сабаби, фонетик ўзгаришлар заминида сўзларнинг янги маъно касб этиш имконияти (қуий ва қудук, тизгин ва тийгин, қишлоқ ва қишлиов) ва бошқа шу каби ҳодисаларни тушунтириб беради.

Тарихий фонетика ҳозирги ўзбек шевалари хусусиятларини тўғри изохлаш ва диалектал хатоларни бартараф этишнинг қулай усусларини ишлаб чиқиша ҳам алоҳида аҳамият касб этади.

Эски туркий тилни амалий равища ўрганишни бошлаб берган ва асари бизгача етиб келган олим Маҳмуд ибн Ҳусайн Кошғарийдир. У ўзининг «Девону луғатит турк» асарида туркий адабий тилни тасвирлаш билан чекланиб қолмай, ўзи яшаган даврдаги кўпгина шевалар ва улардаги талаффуз хусусиятлари ҳақида ҳам атрофлича маълумот беради.

Шунингдек, туркий тилларни ўрганишга бағишлиб ёзилган Махмуд Замахшарийнинг «Муқаддиматул- адаб», Абу Хайённинг «Китобул-идрок лил- лисонул-атрок», Муҳаннанинг «Таржумон туркий ва мўғулий ва

форсий» каби лугат ва грамматикаларда ҳам туркий тиллар фонетикасига оид қимматли маълумотлар бор.

XV асрдаги эски ўзбек тили унли товушларининг батфсил тавсифини, бу тилдаги унлилар, уларнинг фонетик кўринишлари ҳақидаги муҳим маълумотларни Алишер Навоийнинг «Муҳокаматул- луғатайн» асаридан топамиз. Алишер Навоий ижодидан кейин эски ўзбек тилига қизиқиш кучаяди. XVI асрда Ҳусайн Бойқаро буйруғи билан Толеъ Ҳиравий томонидан, асосан, форсий тилда ёзилган «Бадоеул- луғат», Мирза Маҳдийхоннинг «Мабоинул- луғат» грамматикаси ва «Санглоҳ» луғати, Фатҳали Кожарийнинг «Луғати атрокия», усмонли турк тилида XV асрда ёзилган «Абушқа» луғати, Шайх Сулаймоннинг «Луғати чигатоий ва туркий усмоний» асарларидаги эски ўзбек тили сўзларининг талаффуз хусусиятлари ҳақида берилган изоҳлардан ҳам ўзбек тили тарихий фонетикаси бўйича муҳим маълумотларни олиш мумкин.

Әзбек тили тарихий фонетикасини ўрганишда рус ва ўзбек тилшунослашининг ҳам хизмати катта. В. В. Радловнинг эски ўзбек тили ёдгорликлари фонетикаси бўйича ишлари, К. К. Юдахиннинг «Чигатоий тилининг фонетик состави ҳақида материаллар», А. К. Боровковнинг «Алишер Навоий- эски ўзбек тилининг асосчиси», Толеъ Ҳиравийнинг Навоий асарларига луғати, А. М. Шчербакнинг «Навоий тили», «Эски ўзбек тили грамматикаси» каби асарларини қайд этиш лозим.

Әзбек тилшунослашининг ўзбек тили тарихий фонетикаси билан қизиқишлари 60- йиллардан кейин кучайди. Профессорлар Ф. Абдуллаев, Ғ. Абдураҳмонов, А. Рустамов, Ҳ. Дониёров эски ўзбек тили унли ва ундошлари системаси, айрим фонетик ҳодисалар бўйича қатор илмий ишларни нашр эттиридилар ва Алишер Навоий асарлари маълумотлари асосида эски ўзбек тили унлилари системаси устида тадқиқот ишлари олиб бордилар. Э. Умаров Толеъ Ҳиравий, Мирза Маҳдийхон ва Кожарий луғатлари асосида XV, XVII ва XIX асрларда ўзбек тили унлиларига оид муҳим кузатишларни умумлаштириб эълон қилди. Ғ. Абдураҳмонов ва А. Рустамовларнинг ўзбек тилида биринчи марта нашр этилган олий юртлари талабалари учун «Қадимги туркий тил» дарслигига туркий тиллар учун муштарак бўлган әрхун- Енисей ёдгорликларининг фонетик хусусиятлари атрофлича баён этилди.

Әзбек халқи минг йилдан ортиқроқ давр мобайнида араб алифбоси асосидаги ёзувдан фойдаланиб келди. Әзбек халқининг 1920 йилгача яратган тарихий, илмий ва бадиий ёзма ёдгорликлари, асосан , мана шу ёзувда етиб келган. Ёзув ва тил, айниқса, фонетика бир- бири билан алоқадор бўлганлиги сабабли эски ўбек ёзувидан хабарсиз бўлган шахс ўзбек тилининг тарихий фонетикасини ўзлаштириши мумкин эмас.

Туркий халқлар ўз тарихи мобайнида қўллаган бир неча ёзув- руний, қадимги уйғур, сўғд ва бошқа ёзувлар ичida кенг ва узоқ қўлланилгани араб алифбоси асосидаги ёзув бўлди. Маълумки, араб алифбоси кам унлили ва кўп ундошли семит тилларига мўлжалланган. Бу тилларда чўзиқ ва қисқалиги билан фарқланувчи учта унли фонема бор: а, и, у. Ёзувда , асосан, чўзиқ

унлилар ифодаланади, қисқа унлилар харакатлар: ост, уст белгилари билан берилади ва ёзувда ифодаланмайди. Таъкидлаш жоизки, туркий(ўзбек) матнларида қандай бўғин бўлишидан қатъи назар унли ҳарфларнинг ёзилиши араб, форс тилларига нисбатан турғуноқдир.

Айрим ундошлар учун икки хил **т** ва **х**, уч хил **с**, тўрт хил з белги бор. Шунингдек, араб тилига хос бўлган чуқур бўғиз портловчиси ва саёз бўғиз портловчисини ифодаловчи *айн* ва *ҳамза* ҳарфлари бор. Бундан ташқари, араб алифбосида туркий тилларда кенг тарқалган **п**, **ч**, **г** ундошлари учун маҳсус ҳарфлар йўқ. Кейинчалик **пе**, **чим**, **гоф** ҳарфлари туркий тил алифбосига киритилган бўлса-да, улар жуда кам ишлатилган ва қўл ёзма асарларда деярли ёзилмаган.

Эски ўзбек тили ҳақида гапирганимизда, ундағи қатъий қоидани таъкидлаш жоиз: арабча ва форсча сўзлар манба тили ёзувидаги қандай ёзилса, туркий матнларда ҳам шундай ёзилган. Уларнинг тўғри ёзилишига жуда катта эътибор берилган, арабча сўзлар ёзилишини бузиш қўпол хато, маданиятсизлик ва саводсизлик ҳисобланган.

*Савол ва топшириқлар:*

1. Тарихий фонетика нимани ўрганади?
2. Тарихий фонетикани ўрганишда қандай манбаларга таянилади?
3. Улуғ мутафаккирларимизнинг филологияга оид қандай асарларини биласиз?
4. Араб ёзувининг ўзига хос хусусиятларини сананг.

*Таянч тушунчалар:*

**Тарихий фонетика-** ўзбек тили фонетик тизимининг тараққиёт тарихини ўрганадиган ўзбек тили тарихий грамматикасининг бир бўлимиdir.

**Эски ўзбек ёуви-** араб алифбоси асосидаги ўзбек ёзувининг номларидан бири.

**Фонетик тизим (система)-** ўзбек тили ва унинг тараққиёти давридаги унли ва ундошлар, фонетик қонуниятлар, урғу ҳамда интонация каби барча фонетик ҳодисаларнинг жамланмаси.

**Эски ўзбек тилида унли ва ундошлар тараққиёти**

*Режса:*

1. Эски ўзбек тилида унлилар тизими.
2. Эски ўзбек тилида унлилар чўзиқлиги.
3. Ундошлар тизими.
4. Товушлар уйғунлиги.

Эски ўзбек тилидаги, умуман, ўзбек тили тарихида қўлланган унлиларнинг микдорини белгилаш масаласи мунозаралидир.

Тадқиқотчиларнинг унлиларни аниқлаш борасида турли тамойилларни-унлиларнинг олд қатор-орқа қатор, чўзиқ-қисқалик хусусиятларини асос қилиб олиши натижасида уларнинг микдорини айни бир хил белгилаш учун қийинчилик туғдириб келди. Тил тарихига оид илмий ишларда эски ўзбек тилида 6та, 8та, 9та унлиниң мавжуд бўлганлиги ҳақида фикрлар учрайди.

Эски ўзбек тилидаги туркий сўзларда сингармонизм қонуенининг амал қилиши, ҳозирги ўзбек шеваларида контраст жуфт унлиларнинг сақланиб қолиши эски ўзбек тилида 9та унли, арабча, форсча сўзлардаги ё унлисининг эски ўзбек тилидаги ўрни қатъийлигини ҳисобга олганда 10 та унли мавжуд бўлган деган холосага келиш мумкин.

Шундай қилиб, эски ўзбек тилида 10 та унли фонема бўлиб, улар қуидагилар: *a, ə, o, θ, y, ү, i, ы, ә, ā*.

#### *Унлилар характеристикаси:*

*а-* умумтуркий, орқа қатор, қуий-кенг, лабланмаган. Манбаларда *алиф* билан берилади, айрим қисқа бўғинларда ҳарфий ифодага эга бўлмайди.

*ā-* араб, форс тилидан ўзлашган сўзларда қўлланади, орқа қатор, қуий-кенг, лабланган. Ёзувда ҳар доим ҳарфий ифодага эга ва *алиф* билан берилган.

*ə-* аксарият туркий тилларда мавжуд, олд қатор, қуий-кенг, лабланмаган. Манбаларда *алиф* билан берилади, қисқа бўғинларда *алиф* ифодаланмаслиги ҳам мумкин.

*ә-* туркий тилларда кейин пайдо бўлган ва *i* олд қатор унлисининг варианти сифатида вужудга келган. Эски ўзбек тилида мустақил унли сифатида қатнашади, контраст жуфтлиги йўқ, олд қатор, ўрта-кенг, лабланмаган унли, ёзувда сўз бошида *алифу ёй* билан, сўз ўртаси ва охирида *ёй* билан ёзилади. Айрим ёдгорликлардаги қисқа бўғинда ҳарфий ифодага эга бўлмаслиги мумкин.

*i-* умумтуркий, олд қатор, юқор-тор, лабланмаган. Ҳарфий ифодаси *э* унлисига айнандир.

*ы-* умумтуркий, орқа қатор, юқори-тор, лабланмаган, ҳарфий ифодаси *и* унлиси билан айнандир.

*o-* умумтуркий, орқа қатор, ўрта-кенг, лабланган. Сўз бошида *алифу вов*, сўз ўртаси ва охирида *вов* билан берилган.

*ø-* умумтуркий, олд қатор, ўрта-кенг, лабланган. Ҳарфий ифодаси *o* билан айнандир.

*y-* умумтуркий, орқа қатор, юқори-тор, лабланган, ҳарфий ифодаси *o, ə, y* унлилари билан ўхшаш.

Бу унлилар ўрни билан бирламчи ва иккиламчи чўзиқликларга эга бўлади. Улар худди ҳозирги ўзбек тилидагидек, уч хил хусусиятига кўра тасниф қилинади:

I. Тилнинг горизонтал ҳаракатига кўра:

1. Олд қатор(тил олди, юмшок) унлилар: *ə, i, ү, θ, ə*.

2. Орқа қатор(тил орқа, қаттиқ) унлилар: *a, ы, y, o, ā*.

## II. Тилнинг вертикал ҳолатига кўра:

1. Юқори(тор): ү, ў, и, ў.
2. Ўрта(кенг): ё, о, э.
3. Қуйи(кенг): а, ә, ӓ.

## III. Лабларнинг иштирокига кўра:

1. Лабланган: у, ў, о, ё, ӓ.
2. Лабланмаган: а, ә, и, ў, э.

Араб ёзуви асосидаги эски ўзбек ёзувидаги унлиларнинг ҳар бири учун алоҳида белги бўлмаса-да, сўзнинг ўзак ва қўшимчаси таркибидаги қ, ғ ўзакдаги унлиларнинг қаттиқлигига, қ, ғ эса юмшоқлигига ишора қилиб келади: *атқа-отга; этқа-гўштга; төргә-тўрга, (юқорига)*.

Ҳозирги ўзбек адабий тили талаффузи ва ёзувидаги олд қатор(юмшоқ) ва орқа қатор(қаттиқ) унлилар кескин фарқланмайди. Лекин эски ўзбек тилида бу фарқ катта аҳамиятга эга. Унлиларнинг қатори олд, орқа эканлиги тилнинг горизонтал-тишлар ёки бўғиз томонга ҳаракати билан белгиланади. Тилнинг тишларга яқинлашган ҳолатида талаффуз этилганда, олд қатор унлилар ҳосил бўлади. Орқа қатор унлилар талаффуз этилганда, тилнинг учи милқдан анча узоклашади.

Унлиларнинг қаттиқ-юмшоқлиги ҳозирги ўзбек тилидан бошқа барча туркий тилларда, шунингдек, эски ўзбек тилида ҳам жуда катта аҳамиятга эга, унлиларнинг қаттиқ-юмшоқлиги сўз маъноларини фарқлашга хизмат қиласи: *олтурды-ўтируди, өлтурди-ўлдирди; төр-уйнинг тўри, тор-тўр, тузоқ*.

Ўзбек тили тарихида чўзиқ унлилар ҳақида сўз юритилганда, уч масалани фарқлаш лозим:

1. Араб ва форс тилларидан эски ўзбек тилига кириб келган сўзларда чўзиқ ва қисқа унлиларнинг ўзаро муносабати.

2. Туркий сўзлардаги унлиларда бирламчи чўзиқлик.
3. Туркий сўзлардаги иккиламчи чўзиқлик.

Араб ва форс тилларида унлилар икки хил- қисқа ва чўзиқ бўлади. Бу тиллардаги чўзиқ-қисқаликнинг фарқи мустақил фонологик фарқ бўлиб, чўзиқ ва қисқа унлилар алоҳида фонемаларни ташкил этади. Лекин бу тилларда унлиларнинг қаттиқ-юмшоқлиги фарқланмайди.

Ўзбек тилига арабча ва форсча сўзлар кириб кела бошлиши билан бу сўзларда чўзиқ ва қисқа унлиларнинг маъно фарқлаш вазифаси ҳам кириб келди: *адам- одам; адам-йўқлик; а* ва *ә* билан эски ўзбек тилида мавхум отларнинг бирлик ва кўплик формалари фарқланади: *адаб-адаб, әдаб-одоблар*.

Туркий сўзлардаги бирламчи чўзиқлик масаласи жуда мураккабdir. Олимлар тахминига кўра жуда қадимги ёзма ёдгорликлари бизгача етиб келмаган даврларда (умумтуркий тилда)- туркий сўзларда чўзиқ ва қисқа унлилар фарқланган. Эски туркий ҳамда эски ўзбек тилида чўзиқ ва қисқа унлиларнинг фарқланиши, уларнинг фонологик аҳамияти ҳақида қарама-қарши маълумотга эгамиз. Маҳмуд Кошғарий, Толеъ Ҳиравий, Мирза Маҳдийхон ва бошқа тилшунослар чўзиқ а, баъзан чўзиқ и унлиси ҳақида ёзадилар. Маҳмуд Кошғарий а унлили сўзларни икки алиф билан келтирган.

Маҳмуд Кошғарий туркий сўзларнинг унли товушларини тавсифлаб шундай ёзади: «Унлиларни чўзиқ ёки қисқартириб талаффуз қилиш сўзга зарар бермайди» (МК, I, 385). «Девон»нинг бошқа бир жойида яна ҳам аникроқ қилиб ёзади: *йығāч* дейиш ҳам мумкин, *йығач* дейиш ҳам мумкин, *тāнуқ* дейиш ҳам, *тануқ* дейиш ҳам мумкин. (МК, II, 45). Маҳмуд Кошғарийнинг бу сўзларидан битта хulosса чиқариш мумкин: XI аср адабий тилида чўзиқ унлилар шу давр уруғ-қабила тилларида бир хил бўлмаган, яъни у айрим уруғ-қабила тиллари (шевалари)да мавжуд бўлган ва айримларида эса қўлланмаган. Маълумки, бу ҳолат ҳозирги ўзбек тилида ҳам шундай ҳолатдадир. Бирламчи чўзиқ унлилар ҳозирги ўзбек тилининг Иқон, Қорбулоқ, Фориш каби шеваларида сақланиб қолган, бошқа шеваларда эса қўлланмайди. Бундан шундай хulosса чиқариш мумкинки, қадимги туркий тилнинг барча шеваларида бирламчи чўзиқлик умумтил характерига эга бўлмаган.

Алишер Навоий эски ўзбек тилининг фонетик имкониятлари, шеър тузиш ва қофиялашдаги қулайликлари ҳақида тўхталиб, бу тилдаги унлиларнинг қисқа ҳам, чўзиқ ҳам талаффуз этилиши шеърият учун қулай эканини таъкидлайди. Буюк мутафаккир, жумладан, *ара* сўзини *ара* сифатида талаффуз этиб, форсча *сара*, *дара* сўзлари билан ҳам, *арā* сифатида талаффуз қилиб, чўзиқ унлили форсча *сарā*, *дарā* сўзлари билан ҳам қофиялаш мумкинлигини уқтиради (МЛ, 114). Алишер Навоийнинг берган маълумотларидан ҳам қатъий хulosса чиқариш мумкин: туркий сўзларда чўзиқ-қисқалик фонологик вазифани бажармаган.

Эски ўзбек тилидаги кейинги чўзиқлик сўзнинг ўртаси ва охирида *г,з*, *й, ҳ* товушларининг тушиб қолиши натижасида ҳосил бўлган: *би:з-бигиз; ки:з-кигиз; қы:н-қийин*. Алишер Навоий *биз-биз*(кишилик олмоши) ва *би:з-бигиз* сўзларини зид қўяр экан, мана шу кейинги чўзиқлик ҳақида маълумот беради(МЛ,114).

Унлилар уйғуналиги (сингармонизм- грекча *син-ўхаш*, *ҳармони-* оҳанг) туркий тилларнинг муҳим фонетик хусусиятларидандир. Унлилар уйғуналиги деб, сўзнинг ўзак ва қўшимчаларидаги товушларнинг ўзаро мослашиши, уйғунлашиши, бир-бирига ўхаш бўлишига айтилади.

Унлилар уйғуналиги *танглай*(палатал-веляр) ва *лаб*(лабиал) каби икки турга бўлинади.

*Танглай уйғуналиги.* Сўзнинг ўзагида орқа қатор (а,ы,о,у,а) унли бўлса, қўшимчада ҳам орқа қатор унли, сўзнинг ўзагида олд қатор унли (ә,э,и,ү,ө,) келса, қўшимчада ҳам олд қатор унли келиши танглай уйғуналиги дейилади. Мисоллар: *атның, келгэн, барған, шилэр*.

Эски туркий ва эски ўзбек тилларидаги танглай уйғуналигининг ўрта аср тилшунослари томонидан талқини ҳам дикқатга сазовордир. Маҳмуд Кошғарий туркий сўзларни икки гурухга *қ,з* ли қаттиқ ўзакли сўзлар, *к,з* ли юмшоқ ўзакли сўзларга бўлади.

*Лаб уйғуналиги.* Сўзнинг ўзагида лабланган *о,ө,у,ү* унлилардан бири келса, қўшимчадаги унли товушнинг ҳам ўзакдаги унли товушга мослашиб

лабланишига лаб уйғунлиги дейилади. Танглай уйғунлигидан фарқли ўлароқ, лаб уйғунлиги кенг тарқалмаган. Мисоллар: қолум, көзүм, йүзүм, туштум.

Сингармонизм қисман ундошларга ҳам алоқадордир. Олд ва орқа қатор унлиларнинг уйғунлашиб келиши сўзлардаги ундошлар вариантини танлашга олиб келади. Масалан, *бошлиған*, *келгэн* сўзларидағи сифатдош қўшимчасининг *ғ* ва *ғ* ундошларда қатнашиши унлилар уйғунлиги туфайлидир. Бу, айни замонда, аффиксларнинг вариантларини кўпайтиришга хизмат қиласи (Бу ҳақда морфология қисмида баҳс қилинади).

*Ундошлар тараққиёти*. Эски ўзбек тилидаги ундошлар тавсифи Маҳмуд Кошғарий томонидан берилган. Лекин бу тилшунос олим қўрсатган ундошлар тўла эмас. Чунки у эски ўзбек тилига араб ва форс тиллар таъсири остида ўзлашган *ф*, *х*, *ҳ*, *ж* товушларини ва айрим бошқа товушларни ўз сирасига қўшмаган. Эски ўзбек тили ундошлари қадимги туркий тил ундошлари билан солиштирилганда, эски ўзбек тилида янги ундошлар- лабтиш *в* ва *ф*, лаб-лаб *в*, лаб-тиш *з*, сирғалувчи *ж*, чукур тил орқа сирғалувчи *х*, бўғиз ундоши *ҳ* пайдо бўлганини кўриш мумкин. Демак, эски ўзбек тилида қўйидаги ундошлар амалда бўлган: *б*, *н*, *ф*, *в*, *м*, *т*, *д*, *с*, *з*, *н*, *р*, *л*, *ш*, *Ҳ*, *ж*, *ч*, *к*, *г*, *қ*, *ғ*, *ң*, *й*, *ҳ*, *ҳ*, *ъ*

Эски ўзбек тили ундошларини ҳозирги ўзбек тили ундошлари билан солиштириш шуни қўрсатадики, ўзбек тили тарихида ундошлар кескин сифат ўзгаришларига учрамаган. Ундошларга оид ўзгаришлар, асосан, янги ундошларни ўзлаштириш ва товуш алмашинишлари билан чегараланади, бу эса ўзбек тили тарихида ундошлар унлилардан кўра барқарор бўлган, деб хулоса чиқариш мумкин.

### *Савол ва топшириқлар:*

1. Олд қатор ва орқа қатор унлиларни сананг.
2. Лабларнинг иштирокига кўра унлилар қандай тасниф қилинади?
3. Чўзиқ унлилар ҳақида гапиринг.
4. Қадимги туркий тилга хос бўлмаган ундошларни сананг.
5. Манбалардаги араб ва форс тилидан ўзлашган ундошлар қатнашган сўзларни топиб, луғат тайёрлашга киришинг.

### *Таянч тушунчалар:*

**Унлилар таснифи** - оғиз бўшлиғида тилнинг ҳаракати ҳамда оғизнинг очилиш даражаси, лабларнинг иштирокига кўра унлиларни гурухларга ажратиш.

**Юмшоқ унли** - олд қатор унли.

**Қаттиқ унли** - орқа қатор унли.

**Сингармонизм** – унлилар уйғунлиги қонуни.

**Палатал сингармонизм** – унлиларнинг танглай (олд қатор-орқа қатор) уйғунлигига асосланган сингармонизмнинг тури.

**Унлиларнинг бирламчи чўзиқлиги** – туркий сўзларнинг биринчи бўғинида қайд қилинадиган унлиларнинг табиий чўзиқлиги.

**Унлиларнинг иккиламчи чўзиқлиги** – сўздаги бирор ундош товушнинг кучсизланиши ва тушиб қолиши ҳисобига юз берадиган чўзиқлик.

## **Морфология. От сўз туркуми**

*Режса:*

1. *Морфология ҳақида умумий маълумот.*
2. *Грамматик сон категорияси.*
3. *Эгалик категорияси.*

Ҳозирги ўзбек тилида бўлганидек, эски ўзбек тилида ҳам сўз туркумларининг йирик уч гурухи қайд қилинади. Булар мустақил сўзлар, ёрдамчи сўзлар ва ундовлар. Лекин бу сўз туркумларининг ички категориялари узоқ даврлар мобайнида ўзига хос равишда тараққий этиб келди. Профессор Ш.Шукров бу тарихий тараққиётни уч босқичга ажратади:

Биринчи босқич. Бу босқични XIV асрнинг охиригача бўлган давр ташкил этади. Бу давр эски ўзбек адабий тилининг шаклланиш арафаси бўлиб, бу давр тилида қадимги туркий тилга оид қўпгина формалар янги формалар билан параллел қўлланиб келган ҳамда ёзма ёдгорликларда диалектал ҳодисалар кўплаб акс этган. Шунингдек, бу давр тилида бошқа туркий тилларга оид бўлган сўз формалари ҳам истеъмолда бўлган.

Иккинчи босқич. Бу босқич XIV асрнинг охири ва XIX асрнинг 2-ярмигача бўлган даврни ўз ичига олади. Бу даврда эски ўзбек адабий тили вужудга келди ва маълум даражада адабий меъёрга эга бўлди.

Учинчи босқич. XIX асрнинг 2-ярмидан бошланади. Унинг характерли хусусиятлари адабиётда демократик оқимнинг пайдо бўлиши, вақтли матбуотнинг вужудга келиши, китобларнинг нашр этилиши ва шуларнинг натижасида эса адабий тил билан ҳалқ сўзлашув тилининг яқинлаша боришидир. Демак, ўзбек адабий тили ҳалқ жонли сўзлашув тили ҳисобига бойиб борди.

### **От ва унинг ички категориялари.**

Маълумки, от предмет ва предметлик тушунчасини ифодалайдиган сўз туркуми бўлиб, у грамматик сон, келишик ва эгалик категорияларига эга бўлади.

*Грамматик сон категорияси.* Эски ўзбек тилида ҳам ҳозирги ўзбек тилидагидек, бирлик сон сўз негизига мувофиқ келади. Кўплик эса маҳсус грамматик кўрсаткичлар билан ифодаланади. Эски ўзбек тилида кўплик маъносини қўйидаги қўшимчалар ифодалаган:

-лар||-ләр. Бу қўшимчанинг қўлланиши ҳозирги ўзбек тилидагидек, кенг бўлган: Ул кенндандаги **кишиләр** келиб турур (КР). **Ташларны** тамам бу тағдын элтәрләр (БН).

Бу қўшимча эски ўзбек тилида ҳам айрим ҳолат ва мавхум тушунчани билдирувчи отларга қўшилганда кўпликни эмас, балки кучайтириш, таъкидлаш каби маъноларни ифодалайди: Аның душманлары көп **қайгулар** тапты (ЎН). Аҳмад Юсуф бег **ызтыраблар** қылыб айтадур ким... (БН).

Шу билан бирга, бу қўшимча хурмат маъносида ҳам қўлланган: **Аталары** эзгү киши эрди (Таф.). **Қабрлары** Балҳдадур (МН).

-ат||-эт. Маълумки, қадимги туркий тилда бу қўшимча -т вариантида (қыйын (азоб)- қыйыт (азоблар)) қўлланиб, кўплик ва жамлик маъноларини ифодалаган. Эски ўзбек тили ёдномаларида, хусусан, «Бобирнома»да бу қўшимча –ат||-эт тарзида қўлланиб, худди шу маъноларни ифодалаган: **Махаллат, бегёт, туманат, бөлукат, бағат.**

Шуни айтиш керакки, қадимги туркий тилда **оғлан, эрән** сўзларида учрайдиган кўплик маъноси эски ўзбек тилида кўплик маъносида эмас, балки бирлик маъносида қўлланган: **Йығғғыңыз бегләрү оғланларны (ШБ). Эрәнләр айтурлар (Таф.).**

Маълумки, ҳозирги ўзбек тили лексикасида араб сўзлари маълум ўрин тутади. Бу ҳол эски ўзбек адабий тилида кучлироқ бўлган. Шу муносабат билан кўплик шаклида ўзлаштирилган сўзлар кўплик маъносида қўлланган: **шуарә** (шоирлар), **улама** (олимлар), **салатын** (султанлар). Айрим ҳолларда бундай сўзлар бирлик маъносида ўқилиб, уларга –лар||-ләр қўшимчаси қўшилаверган: **Йолда ажайыблар көрдиләр (КР). Бурунғы шуарә ва акабирлар** зайлъида мазкур болгайлар (МН).

**Эгалик категорияси.** Предмет ва предметлик тушунчасининг нутқдаги уч шахсдан бирига тааллуқли эканлигини билдирувчи қўшимчалар жами эгалик категориясини ташкил этади. Эгалик қўшимчалари негизнинг тил олди ва тил орқа хусусиятига ҳамда негизда лабланган унлиларнинг қатнашишига қараб, турли фонетик кўринишларда қўлланган:

-м қўшимчаси. Унли билан тугаган ҳар қандай негизга қўшила олади: **атам, әкәм.**

-ым қўшимчаси. Ундош билан тугаган тил орқа унлилари мавжуд негизларга қўшилади: **Фурққатыңдын заъфарāн узра төкәрмен лалалар || Лалалар эрмәски бағрымдын эрүр паргалалар (Нав.).**

-им қўшимчаси. Ундош билан тугаган тил олди унлилари мавжуд негизларга қўшилади: **Мехрим отын ҳушу сабру ақлу ҳис йашурмады || Мехри ламиэъ төрт бурқаъ кейнидин пынҳан эмәс.**

-ум қўшимчаси. Ундош билан тугаган ва тил олди унлилари қатнашган негизларга қўшилади: **Ул лаби унабгуң көнлумга эккән тухмы меҳр || Көнлум ичрә йашурун дурданадек унаб ара.**

-ум қўшимчаси. Ундош билан тугаган тил орқа лабланган унлилар қатнашган негизларга қўшилади: **Болмадым умрумда бир дам хатыры хуррам билә || Гар иликдин келсә бир дамни кечурмаң ғам билә.**

I шахс кўплиги, II шахс бирлик ва кўплигига ҳам юқоридаги қоида ўз кучини сақлайди. I шахс кўплигига эгалик қўшимчалари –*мыз*|| -*миз*, -*ымыз*|| -*имиз*, -*умыз*|| *умиз ва* -*умуз*|| -*умуз тарзида*; II шахс кўплигига –*ыз*||-*из*, -*ыңыз*||-*иңиз*, -*узыз*||-*уңиз*, -*унуз*||-*унүз тарзида*; III шахс бирлик ва кўплигига –*сы*||-*си* (унлилардан сўнг), -*ы*||-*и* (ундошлардан сўнг) қўшимчалари қўшилади.

### *Савол ва топшириқлар:*

1. Тарихий морфологиянинг асосий хусусиятлари нималардан иборат?
2. Кўплик маъносини ифодаловчи морфологик шакларни сананг. Арабча кўплик шаклидаги сўзлар луғатини тузинг.
3. Эгалик қўшимчаларининг ҳозирги ўзбек тилида қўлланмайдиган варианtlарига манбалардан мисол келтиринг.

### *Таянч тушиунчалар:*

**Сўз туркуми** – сўзларнинг лексик- грамматик хусусияти бўлиб, сўз маъноси, морфологик категорияларга эгалиги, синтактик вазифаси жиҳатдан гурухланишидир.

**Грамматик категория** – бир тизимдаги шакл (форма)лар жами, у одатда шаклланмаган ва шаклланган сўз шаклларининг зиддиятидан (оппозициясидан) ҳосил бўлади.

### **Келишик категорияси**

#### *Режса:*

1. *Келишиклар тараққиёти.*
2. *Эски ўзбек тилида бош, қаратқич, тушум келишиклари.*
3. *Эски ўзбек тилида жўналиш, ўрин-пайт ва чиқши келишиклари.*

Келишиклар гапда отнинг ёки отлашган сўзнинг феълга, баъзан бошқа сўз туркумига муносабатини ифодалайдиган формалардир. Эски ўзбек тилида ҳозирги ўзбек тилидагидек, б 6 та келишик шакли сақланган. Туркий тиллар тараққиётининг қадимги даврлари учун характерли бўлган восита келишиги шакли XIII-XIV асрларга оид ёзма ёдгорликлар тилида ҳам маълум даражада қўлланган. XV аср ва ундан кейинги даврларда восита келишигининг қўлланиши анча чегараланган бўлиб, ўзининг грамматик хусусиятини йўқотган ва келишик категорияси сифатида истеъмолдан чиқкан. Шу даврдан бошлаб восита келишиги шаклида қўлланган сўзлар равиш категориясига ўтган ёки ўтиш жараёнида бўлиб, пайт, ҳолат қаби маъноларни ифодалашга хизмат қиласди: *Аҳ уруб, фарйад этәр-мен сенсизин* || бу вужудымдын қалыбтур йалгуз ун (*Лутфий*). Болса жсаннатда *Атайи сенсизин, қылгай фыған* (*Атоий*).

**Бош келишик.** Одатдагидек, бу келишик махсус кўрсаткичга эга бўлмайди. Унинг асосий синтактик функцияси эга вазифасида келишидир: *Сакқакий ул ай манзылына худ йэтэ билмәс* (*Саккокий*). *Анда көп уламалар давра алыб олтурубтурлар* (*Фурқат*). Шу билан бирга, бош келишикдаги сўз кесим ва иккинчи даражали бўлак вазифасида ҳам келади.

**Қаратқич келишиги.** Бу келишик қўшимчаси кўп вариантлидир. Негизнинг фонетик хусусиятига қараб, аффикснинг махсус вариантлари қўшила беради:

-ның \\\-ниң. Мазкур қўшимча ҳар қандай негизларга қўшила беради: *қойчиның ити* (*Тафсир*). *Элчиниң шаҳдлық заҳры ши:шәси...* (*Хамса*). Бу қўшимча XV асргача бўлган ёдномаларда таркибида лабланмаган унлилар бўлмаган негизларга қўшилган. Кейинги даврда эса ҳар қандай негизга қўшилган.

-нуң \\\-нуң. Қаратқич келишигининг бу варианти охирги бўғинда лабланган унлилар қатнашган негизларга қўшилади: *Расулнуң сөзи* (*Тафсир*). *Харуннуң ақлы* (*КР*). *Қозунун аллыда наргис кәлиб қатығ көзлуг...* (*Хамса*). Бу қўшимчанинг юқоридаги негизларга қўшилиши XV-XVI асрларгача давом этган. Шунингдек, бу қонуниятдан чекиниш ҳоллари ҳам учрайди: *Қозниң нийати* (*Атоий*), *халқнуң ранжи* (*Тафсир*).

-ың \\\-иң \\\-үң. Қадимги туркий тилда ундош билан тугаган негизларга қўшиладиган бу қўшимчалар эски ўзбек тилида ҳам учрайди. Лекин унинг қўлланиши айрим сўз шаклларигагина хосдир. Бу давр ёдномаларидан мазкур қўшимча фақат «Тафсир»да анча кенг қўллангандир: *ул элиң эвләри, анларың эвләри*.

-үң қўшимчаси. Бу қўшимча *ким* олмоши билангида қўлланган: *Сен кимуң оғлы-сен?*

Қаратқич келишиги қўшимчасининг бундай вариантлари сингармонизмли туркий тилларда ва сингармонизмли ўзбек шеваларида ҳам учрайди.

Бу келишикнинг белгисиз қўлланиши эски ўзбек адабий тили учун ҳам характерли бўлган: *Мұлк икки бāғы икки ālam \\\ Султанлығ эрүр саңа мусаллам* (*Хамса*).

**Тушум келишиги.** Эски ўзбек адабий тилида тушум келишиги –ны \\\-ни \\\-н \\\-ы \\\-и вариантларига эга бўлган.

-ны\\\-ни. Бу аффикс ўзбек тили тараққиётининг барча давларида қўлланиб келган: *Йолны беркитәйин, қамуғны қутқарайын* (*КР*). *Бу сөзни кизләдиләр* (*ТФ*). Бу қўшимча «Бобирнома» асарида қаратқич маъносини билдирган: *Бир қыргавулны ұскунәсини төрт киши йеб тугата алмайдур* (*БН*).

-н. Бу қўшимча варианти эски ўзбек тилида анча фаол қўлланган Лекин у III шахс эгалик қўшимчасидан кейин қўшилган: *Қылыч бирлә башын кести* (*ҮН*). *Исламның эвин сорды* (*КР*). Тушум келишигининг бу қўшимчаси шеърий асарларда кенг қўлланган.

-ы||-и. Бу қўшимча I ва II шахс эгалик қўшимчаларидан кейин қўшилган: *Адл қулагы-ла эшиш ҳалымы* (*Муҳимий*). *Ақлымы* тамам алды түгмәи гирибаниң (*Фурқат*).

Тушум келишигининг белгисиз қўлланиши ҳам эски ўзбек тили учун характерлидир: *Қоймагумдур этәгиң* (*Бобир*). Көңул шәкар бикин *ағзың көрүп* (*Саккокий*).

Тушум келишигинину қадимги туркий тилга хос бўлган -ғ||-ғ, -ығ||-иғ||-уғ||-үг вариантлари эски ўзбек тилида учрамайди.

**Жўналиш келишиги.** Бу келишик қўшимчаси эски ўзбек тилида -қа||-ға||-кә||-ғә, -а||-ә ва -на||-нә каби вариантларга эга. Шу билан бирга, қадимги туркий тилга хос бўлган -ғару||-ғәру||-қару||-қару, -ра||-рә, -ру||-ру қўшимчалари ҳам айрим ёдномаларда учрайди.

-ға||-ғә варианти унли ва жарангли ундош билан тугаган сўзларга қўшилади, -қа қўшимчаси жарангсиз ундошлар ва ғ, ҳ ундошлари билан тугаган негизларга қўшилади: *Эйким бары шэър аҳлыға сэн хāн йаңлығ || Шэъриң бҲары шэърләргә султāн йаңлығ* (*Бобир*). *Лāла қадаҳына ташқа урдуң || Жāла гүххәрини башиқа урдуң* (*Хамса*).

XIII-XIV аср ёдгорликларида бу тартиб бузилган, яъни, -ға ўрнида -қа қўшимчаси ёки аксинча қўлланаверган: *Ибраҳимга || Ибраҳимқа, авға || авқа, отға || отқа* (*KР*).

-кә||-ғә. Тил олди унлилари қатнашган негизларга қўшилади. Эски ўзбек тилида қай ҳолларда -кә, қайси ҳолларда -ғә қўшимчасининг қўшилишини аниқлаш бирмунча қийин, чунки араб ёзувида бу икки вариант ҳам (коф) ҳарфи билан ёзилган. Шунга қарамасдан, жарангли ва сонор ундошлар ва унлилардан сўнг -ғә, жарангсиз ундошлардан сўнг -кә қўшимchasининг қўлланганини мушоҳада қилиш мумкин: **Көңлумгә дәрд келгәли...** (*Бобурнома*). **Эликкә мәниң йашым йэти** (*Ш. турк*).

-а /-ә. Бу аффикслар ундош билан тугаган сўзларга қўшилади. Лекин унинг қўлланиши жанрлар бўйича чегараланган. Бу форма XIII- XIV шеърий асарларда ҳам, прозаик асарларда қўллангани ҳолда, XV аср ва ундан кейинги даврларда асосан шеърий асарларда учрайди: *Башларыны қашыма йэткуруңуз* (*Шайбонийнома*). Кэл, *тақы йуртуңа* эгә бол (*Ш.тар.*). Нэ учун аввал өзүңә ашина құылдың мәни (*Отоий*). Йā рабб, нэ ажаб йāри жафāқара йолуқтум || *Көзи-йу қашы жсāду-ву маккара йолуқтум* (*Лутфий*).

Қадимги туркий тилга оид бўлган -ғару/-ғәру/-қару/-қару/-ру/-ру аффикслари эски ўзбек тилида ўзининг келишик функциясини йўқотган. Улар кейинчалик эски ўзбек тилида ҳам равиш ясовчиларга айланиб кетган.

Қадимги туркий тилга оид бўлган -ра/-рә аффикси «Тафсир»да учрайди: *Йа Муҳаммад, ташра чық*. Бироқ кейинчалик бу аффикс ҳам равиш ясовчига ўтиб кетган: *иҷрә* (*ичкари*), *асра* (*пастки, қуий*).

Жўналиш келишигининг белгисиз қўлланиши ҳам эски ўзбек тили учун характерли бўлган. Мисоллар: *Сенки ул йан əзимәт эткуңдур* (*Навоий*). *Бир инисин йибәрүр болды Ҳисар* (*Шайбонийнома*).

**Ўрин-пайт келишиги.** Бу келишикни ҳосил қиласиган қуйидаги аффикс вариантылари учрайди:

-да/-дә жарангли ундош ва унли билан тугаган сўзларга қўшилади: *Қайгуда заъиф болды* (КР). Йўзүңдә нуры тажаллы, лабыңда жавоҳари руҳ (Лутфий).

-та/-тә жарангсиз ундош билан тугаган сўзларга қўшилади: *Бу иштә ихтыйарым йоқ туур (Атоий)*. Танымақта мәгәр йанылмыш-сен (Навоий).

Үрин-пайт келишигининг -та/-тә аффикси «Бобурнома»да ва айрим бошқа асарларда учраса ҳам, одатда, жарангсиз ундошлардан кейин ҳам -да/-дә аффикси қўшила берган.

**Чиқиши келишиги.** Бу келишикни ҳосил қилувчи қуйидаги аффикслар мавжуд:

-дын/-дин унли ва жарангли ундош билан тугаган сўзларга қўшилади: *Чарх қасрыдын қуяши ҳар күн түшәр әламара (Навоий)*. *Андыжаның нашибәтисидин йахшиярақ нашибәти болмас* (БН).

-тын/-тин жарангсиз ундош билан тугаган сўзларга қўшилади: *Сен бағтын айақ жсан-сен* (Муҳаббатнома), лекин жарангсиз ундошлар тугаган сўз негизларига ҳам -дын/-дин аффикси қўшила беради. Аксинча жарангли ундош билан тугаган сўзларга ҳам -тин \\ -тын аффиксининг қўшилиши қайд қилинади: *Хожандтын Ахсыга кэлур* (Бобир).

-дан/-дән// -тан/-тән. Бу аффикс XV асрдан олдинги ёдгорликларда учрайди ва улар факультатив характердадир: *Уч кундин сөнг зиндандан чиқардылар* (КР).

Чиқиши келишигининг қадимги туркий тилга оид -дун/-дун// -тун/-тун аффикслари сўзнинг охирги бўғинлари лаб унлилари билан келган негизларга қўшилади. Эски ўзбек тилида бу аффикслар факат «Ўғузнома»да учрайди: *Қырқ кундун сөнг, көп тоқушигудун сөнг, ануң козу көктүн көкрәк ерди*.

Тил тарихи фактлари шуни кўрсатадики, чиқиши келишиги формаси кейинги даврларда шаклланган бўлиб, унинг ўрнини маълум даврларда ўрин-пайт келишиги бажарган. Гарчанд бу хусусият қадимги туркий тилга хос бўлса ҳам, эски ўзбек адабий тилида чиқиши келишиги маъносида ўрин-пайт келишиги формаси қўлланган: *Башыны уч йердә йардылар* (Тафсир). *Бу ишләрдә бирини қўйласаныз* (КР).

**Восита келишиги.** Юқорида таъкидланганидек, бу келишик қадимги туркий тилга оид бўлган ҳодисадир. Лекин у XIII-XIV аср ёдгорликларининг айримларида учраб туради: *Фасиҳ тилин жаваб берди* (Тафсир). *Аны кишиләр көзин көргән бар-му?*

Восита келишиги XV асрга оид манбаларда, масалан, Лутфий, Атоий асарларида ҳам учрайди. Лекин бу даврда восита келишигининг истеъмол доираси чегараланган бўлиб, маъноси ҳам торайган. Мисоллар: *Фаръад этәрәм түшкәли мэн йалгузун андын// ҳәч олды таным, қалды ҳамин йалгуз ун андын* (Лутфий). *Кэрәкмәс сэнсизин, вааллаҳ, маҷа жаң миннаты* (Атоий).

Восита келишиги формасидаги сўзларнинг бир қисми равиш категориясига ўтган. Равиш категориясига ўтиш, асосан, пайт билдирувчи сўзлар доирасида бўлган: *қышын, йазын, эртэн, кечин, тунун* каби. Бу

сўзлар таркибидаги *-ын, -ин, -ун, -үн, -н* восита келишиги аффикси бўлиб, кейинчалик сўзнинг таркибий қисмига айланган ва бундай сўзлар равиш сифатида шаклланган.

*Савол ва топшириқлар:*

1. Қаратқич келишиги қўшимчаларини сананг.
2. Жўналиш келишигининг қадимги туркий тилга хос бўлган қандай қўшимчалари мавжуд?
3. Келишик қўшимчаларининг ҳар бирига ёдномалардан мисоллар ёзинг.
4. Восита келишиги қандай ҳосил қилинган?

*Танч тушунчалар:*

**Келишик категорияси** – аслида отнинг феълга тобелигини таъминлайдиган сўз формалари жами.

**Сўз формаси (шакли)** – лексик маъно, грамматик маъно ва уни ифодалаш усуллари йигиндиси.

**Келишик қўшимчаларининг белгили-белгисиз қўлланиши** – келишикнинг қўшимчага эга бўлганлигини (аслида 20-йилларда «белги» термини «қўшимча» маъносини англатган) ёки эга бўлмаганлигини билдиради.

*Сифат*

*Режса:*

1. Сифат сўз туркумининг тарихий тараққиёти.
2. Сифат ясалиши.
3. Сифат даражалари ва унинг интенсив формалари.

XV—XIX асрларга мансуб манбалар тилида қайд этилган сифатлар ҳам умуман туркий тиллардаги, хусусан, ўзбек тилидаги сифатларга хос барча хусусиятларга эга бўлиб, булардан асосийлари қўйидагилар:

Нарса-предмет ва ҳодисаларнинг белгисини билдириш сифатнинг семантик асосидир. Белги билдириш хусусияти ва табиати жиҳатидан туб (аслий) ва нисбий сифатлар бир-биридан қисман фарқланувчи ўзгачаликларга эгадир:

- туб сифат ифодалайдиган белги тушунчаси шу сифатнинг тўғридан-тўғри маъносидан англашиладиган ранг, тус, тур, там, маза, ҳажм, вазн, меъёр, сатҳ, миқёс каби доимий сифатий белгилар билан боғлиқ бўлади, бу доимий сифатий белгилар конкрет ва абстракт

характерда бўлиши мумкин: ақ алма, ақ көңул, аччық дәнәк, аччық дард каби;

- нисбий сифатда эса бслги тушунчаси шу ясама сифатга асос бўлган сўздан англашиладиган нарса-предмет ёки ҳодиса маъноси билан боғлиқ бўлиб, унинг белги хусусияти бошқа турдаги нарса-предмет ёки ҳодисага турли даражада нисбат берилиши орқали ифодаланади.

Туркий тилларда, жумладан, ўзбек тилида сифат тарихан морфологик кўрсаткичи унча тараққий этмаган сўз туркуми саналади. Тадқиқотчиларнинг фикрига кўра сифат даставвал мустақил сўз туркуми сифатида мавжуд бўлмаган, у сўнгроқ от туркумидан ўсиб чиққан ва шаклланиб ривожланган.

Э.В.Севортяннинг таъкидлашича, сифатнинг отдан дифференциацияланиш жараёни анча илгариги даврларда бошланган, V—VIII асрларга келиб бу жараён анча кенг тус олган. Сифатнинг жамланиши ва кристаллашиши аста-секинлик билан турли даврларда пайдо бўлган турли формалар ҳисобига юз берган. Бу формаларнинг айримлари қадимдаёқ каммаҳсул бўлган, айримлари эса ўз сермаҳсуллигини ҳозирги кунларгача сақлаб қолган ва ҳатто янада кенгайтирган. Айрим формалар от ва сифат учун муштарак бўлган, айримлари фақат сифатгагина тегишли бўлган, лекин кейинги даврларда тараққий қилмаган (Севортян 1963, 58).

Туркий тиллар тараққиёт босқичининг қадим даврларидан бошланган сифатнинг отдан ажralиб чиқиши узлуксиз ҳодиса бўлиб, бу жараён ҳануз давом этмоқда. Бундан ҳамма сифат ҳам отдан ажralиб чиққан, деган фикр келиб чиқмаслиги керак. Чунки сифат мустақил категория сифатида ажralиб чиққандан кейин бу туркум таркибиға янгидан қўшилган белги ифодаловчи бир қатор туб ва ясама сўзлар, ясовчи аффикслар мавжудки, уларнинг келиб чиқиши ва табиати ҳозирча аниқланган эмас.

Сифат туркумiga оид сўзларнинг катта қисмини ясама сифатлар ташкил қиласди. Ясама сифатлар икки хил йўл билан: морфологик (аффиксация) ва синтактик (композиция) ҳосил қилинади.

*Морфологик усул билан сифат ясалиши.* Морфологик усул билан сифат ясалиши узоқ тарихга эга бўлган асосий усулдир. Сифат ясалишига асос бўлган ўзак морфема исм ёки феъл туркумiga оид бўлишига қараб ясовчи морфемалар ҳам исмлардан ёки феъллардан сифат ясовчи тарзида иккига бўлинади.

Сифат ясовчи аффикслар тарихан кўп бўлмаган, улар ҳозир ҳам унчалик кўп эмас. Текширилаётган давр тилида улар қўлланиш даражасига кўра бир хил эмас, баъзилари унумли, баъзилари эса унумсиздир.

*Ислардан сифат ясовчи аффикслар.* Исм туркумiga оид сўзлардан сифат ясашда қўйидаги аффикслар қўлланган:

-лыг/-лиг, -луқ/-луғ, -лук/-лӯқ. Ушбу аффикс вариантларининг ишлатилишидаги фонетик шароит қўйидагича:

Таркибда лабланмаган унлилардан бири бўлган бир бўғинли, шунингдек, барча ёки сўнгги бўғинида шу унлилардан бири бўлган кўп бўғинли қаттиқ негизларга аффикснинг асосан лабланмаган орқа қатор варианtlари, юмшоқ негизларга эса олд қатор варианtlари қўшилади: *ағызлық, йазлық, бағлығ, татлық, йашлық, қанлық, билиглиг, қорғанлық, атлық, йарағлығ, эвлик, йамағлық, кечалик*.

Лабланган унлили бир бўғинли, шунингдек, барча ёки сўнгги бўғинда лабланган унлиси бўлган қаттиқ негизларга аффикснинг лабланган орқа қатор варианtlари, юмшоқ негизларга олд қатор варианtlари қўшилади: *бойлук, қайгулук, отлук, андуҳлук, кучлук, йузлук, олтурушилук, көрклук, турлуг, қутлук, отлуг, отлук, йамғурлук, түклук, уйлук, йосунлук, сұтлук, кулгүлук, күчлук, суйуклук*.

Баъзан бу умумий қонуниятнинг бузилиши кузатилади; лабланмаган унлили негизларга аффикснинг лабланган варианtlари, шунингдек, орқа қатор варианtlари юмшоқ ўзакларга ва аксинча, олд қатор варианtlари қаттиқ негизларга қўшилиб келади. Бу ҳодиса, айникса, XVII —XIX асрларда кўпроқ кузатилади.

-лы/-ли, -лу/-лу. Бу аффикс варианtlарининг ишлатилишида ҳам асосан сингармонизм қонуниятига амал қилинган: олд қатор варианtlари юмшоқ негизларга, орқа қатор варианtlари қаттиқ негизларга қўшилган: *кэнди, отлы, йағлы, татлы, мәңизли, кәрәкли, билигли, йаралы, йақалығ* каби. Лабланган -лу/-лу варианtlарининг қўлланишида бошқачароқ манзара кузатилади; сингармонизм қонунига биноан таркибда лаб унлиларидан бири бўлган бир бўғинли ёки сўнгги бўғинида шу унлилардан бири бўлган икки ёки кўп бўғинли қаттиқ негизларга аффикснинг орқа қатор варианtlари, юмшоқ негизларга олд қатор варианtlари қўшилиши керак бўлгани ҳолда, бу қонуниятга мос ишлатилиш сийрак кузатилади: *отлу, түглу, көзлу, йузлу, көрүклү* каби мисоллар кам учрайди. Кўп ҳолларда лабланган унлиси бўлмаган сўзларга аффикснинг лабланган варианtlари, аксинча, лабланган унлили сўзларга аффикснинг лабланмаган варианtlари қўшилиб келади: *ғамлу, намлу, бағлу, йоллығ, қойлы, түглы, көкли көзли* каби.

-ги/-ғы, -қы/-ки аффикси қадими махсулдор морфемалардан бўлиб, Ўрхун-енисей, қадимги уйгур ёзуви обидалари, XI—XIV асрларга мансуб ёдгорликлар тилида ҳам анча кенг кўлланган: *Байақы йолга тегдилэр (КР), Жавҳар балчыққа тушса, бурунғы бикин нағис турур (СС), Астындақы азақларына қара қушларны бағлады (КР)*. Бу элкиндэки нарсалар нэ турур(НФ).

-дағы/-дәғи, -дақы/-дәки. Бу аффикс асосан отларга қўшилиб, ўринга ва пайтга мансублик маъносидаги сифат ясади: мисол?

-сыз/-сиз. Бу аффикс асосан отларга қўшилиб ўзакдан англашилган нарсага, ҳолатга, хусусиятга эга эмаслик маъносини ифодаловчи сифат ясади: *Васл ноши дунйада болмас, Атайи нишсиз(Атоий). Қапуғын эшики йарағсыз турур(КР)*.

Эски ўзбек тилида форс-тожик тилидан ўзлашган қуидаги аффикслар ҳам фаол қўлланган:

-ий. Адабиётларда «ёйи нисбат» деб юритилади ва нисбий сифат ясади:

*Шаҳ қылыб хылъатыны райҳāний,  
Рāст андақ ки сарви бостаний*

(Хамса)

-нāк. Отдан муайян белгига эга бўлган сифат ясади: ... лаъли ӣташинāк (Махб.қ), ... көңлум ғамыдын ул ғамнāк (Махб.қ).

-гун. Ранг билдирувчи сифат ясади:

*Субҳидам ким сипеҳри минāгүн  
Йэрни байзāдын этти байзāгүн.*

(Хамса).

-ваши. Ўхшатиш маъносидаги сифат ясади:... шаҳзāдайи париваши... (Мах.қ.), ... мāҳваши сāқий... (Мах.қ.).

-вāр. Ўхшатиш маъносидаги сифат ясади: бузургвāр, умидвāр. ... дурри шāҳвāр үзулүп йэрғэ тушти (Мах.қ.).

Бу аффикслардан ташқари, -ин, -фāм, -āний сифат ясовчи аффикслари ҳам қўлланган.

*Феълдан сифат ясовчи аффикслар.* Феълдан сифат ясовчи аффикслар учалик кўп эмас. Улардан факат биргина аффикс сермаҳсул бўлиб, қолганлари каммаҳсул ва ўта каммаҳсул аффикслардир.

Улар қуидагилар:

-г/-ғ,-қ/-қ(ығ/-иғ,-ық/-иқ,-уг/-үғ,-уқ/-үқ). Аффикс вариантла- рининг кўплиги сингармонизм қонуни амалда бўлганлигидан далолат беради. Бироқ юмшоқлик-қаттиқлик ва лаб гармонияси қоидасининг бир қадар бузилиши кузатилади, жарангли ва жарангсиз ундошли вариантлар ишлатилишида муайян қонуният ва фонетик шароитни белгилаш қийин. Чунки айрим манбаларда асосан жарангсиз ундошли вариантлар ишлатилса, уларнинг кўпчилигига (ҳатто бир сўз доирасида ҳам) ҳар иккала вариант баравар қўлланаверади. Лекин умумий нисбатига кўра жарангсиз унлили вариантлар аксариятни ташкил қиласи.

Феъдан сифат ясашда энг сермаҳсул бўлган бу аффикс ёрдамида ясалган сифатларда ўзакдан англашилган маъно билан боғлиқ белгихусусиятга эгалик тушунчаси ифодаланади: *Демасун қорқақ (ШН). Бу руд қуруқ руддор, мунда ҳаргез сув болмас (БН).*

-н(-ын -ин,-ун,-ун,-ан,-эн). Қадимий восита келишигининг бу аффикси ўзининг биргалик маъноси асосида сўнгроқ сўз ясаш функциясини ҳам касб этган. У ўзакдан англашилган белгига эгалик маъносини ифодаловчи сифат ясаган: *Недин толунай йузун ила ҳусн талашур (Атоий). Қийамат азабындын ىақынму турур (ТФ).*

л(-ыл/-ил). Бу аффикс айрим феъллардан ўзакдан англашилган ҳаракат ёки ҳолат белгисига эгалик маъносини ифодаловчи сифат ясади: *Дунйаның тугал малыны берсаң (НФ).*

Шу билан бирга, -ыр / -ур (*Бу ағыр ишкә оғрадымыз (КР)*), -ри / -ры (*Күйи өгрилиги* чындуру (*Лутфий*)) қўшимчалари билан ҳам сифат ясалган.

Синтактик (композиция) усул билан ясалган сифатлар сифат туркумiga мансуб лексик бирликларнинг катта қисмини ташкил қилган. Улар сифат ва бошқа туркумларга мансуб сўзларнинг бир-бири билан турли комбинацион воситалар ёрдамида бирикуви, жуфтлашуви, такрорлануви ва тизилуви орқали ҳосил бўлган. Улар таркибий қисмларининг бирикув тарзига қўшма ва мураккаб сифат ясалади.

Синтактик усул билан ясалган сифатлар турғун бўлмайди ва у кўпроқ услубий вазифа бажаради: *қара йузлук башы* (Навоий), *қара тамғалық ай* (Лутф.).

*Сифат даражалари.* Сифат даражаларининг туркий тилларга хос ҳар учала тури ва ҳар бир турнинг ифодаланиш усуллари бу давр тилида ҳам мавжуд.

Хозирги ва ўтмиш лингвистик адабиётларда сифатнинг оддий, қиёсий ва орттирма даражалари ҳақида фикр юритиб келинган ва унда рус тили қолипидан келиб чиқилган. Ўзбек тилидаги сифатлар эса бу қолипга тушмайди, балки оддий даража, белгининг камлиги даражаси ва белгининг ортиқлиги – кучайтирув даражасини фарқлаш имкониятини беради.

*Оддий даражаси.* Бошқа даражаларнинг ҳосил бўлиши учун негиз вазифасини бажаради ва белги нейтрал даражада бўлади. Бу шакл “ноль” шакл бўлиб, унда аффикс қатнашмайди.

*Белгининг камлиги* эса бир неча аффикслар орқали ҳосил қилинади:  
-рак/-рəк.

*Ким ки улууграқ, ача хыдмат керəк  
Ул ки кичикрəк, ача шафқат керəк.*

(Хамса).

-мтул. *Қызынмтул, қарамтул, йашымтуп* (Мабоинул-луғат).

Белгининг камлиги даражасида сифатга хос бўлган асосий белгининг камлигини билдирамайди, балки бошқа белгига сифат ифода қилаётган белгидан қисман мавжудлигини анлатади.

*Белгининг ортиқлиги ва кучлилиги даражаси.* Бу даража сифатларни тўлиқ ва тўлиқсиз такрорлаш ҳамда сифат олдидан равишларни келтириш орқали ҳосил қилинади.

*Тўла такрор:* *Менизләри гул-гул, қабағлары кең-кең* (Навоий). Баъзан бундай сифатларнинг биринчи қисмида чиқиши келишиги аффикси ҳам қатнашади ва маънонинг янада кучайтирилишига хизмат қиласи: *Зāҳирим авқаты йамандын-йаман* (Навоий).

*Тўлиқсиз такрор.* Бунда биринчи бўғин **п**, **м** ундошлари иштироқида такрорланади: *ап-ачығ, ап-ак, йуп-йумалак, чуп-чуқур, йэм-йэшил* (Навоий МЛ.).

Сифат олдидан равиш сўзлари келтирилади: *Бағайат бийик* кииши (Навоий), *асру кең* (Бобир).

Таъкидлаш зарурки, -рақ/-рəқ аффиксли шаклларда қиёс маъноси йўқ эмас, балки белгининг камлиги маъноси бош маънодир.

*Савол ва топшириқлар:*

1. Сифат ясовчи эски ўзбек тилига хос бўлган қўшимчаларни сананг.
2. Эски ўзбек тилида орттирма даражадаги сифатлар қандай ҳосил қилинади?
3. Белгининг ортиқлиги ва кучлилиги формалари қандай ҳосил қилинади?
4. Сифат даражалари шаклланишининг ҳозирги ўзбек тилидан фарқли томонларини изоҳлаб беринг.

*Таянч тушунчалар:*

**Сифат даражалари** – сифатларда белги миқдорининг ифодаланишини билдирувчи грамматик шакллар жами.

**Оддий даражаси** – белгининг камлиги ва ортиқлигини ҳосил қилиш учун негиз вазифасини бажарувчи шакл, белги нейтрал акс этади.

**Белгининг камлиги** – сифат лексемасига хос бўлган асосий белгини эмас, балки бошқа сифатдаги белгининг қисман акс этишини билдиради.

**Белгининг ортиқлиги(кучлилиги)** – белгининг одатдаги меъёридан ортиқ эканлигини ёки кучайтириб берилишини ифодаловчи шакл.

*Сон*

*Режса:*

1. Сон ҳақида умумий тушунча.
2. Соннинг маъно турлари ва уларнинг ҳосил қилинishi.
3. Эски ўзбек тилида сонларга хос бўлган фонетик хусусиятлар.
4. Соннинг тузилиши жиҳатдан турлари.
5. Нумератив сўзлар.

**Саноқ сонлар.** Эски ўзбек тилида саноқ сонлар киши, нарса ҳамда ҳодисаларнинг саноғини билдирган, саноқ сонларнинг бирлик, ўнлик, юзлик, минглик ва бошқа формалари кўлланган. Саноқ сонлар содда ва мураккаб формалар орқали ифодаланган, араб, форс-тожик, хинд тилларидан ўзлашган саноқ сонлар ҳам учрайди.

Эски ўзбек тилида қадимги туркий тилдагига нисбатан сонлар жиддий ўзгаришга учраган эмас, лекин ўзига хос тизим ҳосил қилган. Айниқса, мураккаб сонлар ҳозирги нормаларга яқинлашган. Бу давр тилида

*төрт иигирми* (14), алты элиг (46), отуз артуқы уч (33) каби мураккаб сонлар қўлланишдан чиққан.

Содда саноқ сонлар эски ўзбек тилида танглай гармонияси талабига кўра қаттиқ ва юмшоқ вариантларда қўлланган. Содда саноқ сонлар қуидагича кўринишга эга: *бир сони, асосан, юмшоқ талаффуз қилинган: бир биригә қатыла бэрдиләр* (*Амирий*). *Бир и бир гә бақмай* (*БН*).

XVIII —XIX аср ёзма манбаларида бир сонини қаттиқ талаффуз қилиш ҳолатлари ҳам учрайди: *Быр-бырыға намаҳрам эт* (*Увайсий*).

Икки сони олдидаги унли -э ёки -и товушлари орқали: эки, -икки тарзида талаффуз қилинган. Шу билан бирга, ики сони таркибидаги -к ундоши баъзан ташдид орқали ифодаланган: эки, экки, ики, икки каби. Бундай хилма-хиллик шеъриятда арузнинг талаби билан юз берган.

XIX асрга оид айрим ёзма манбаларда *алты сони алта, йэтти сони й эт т э* формасида учрайди.

«Бобурнома»да, Гулханий, Мунис асарларида *бир тоққуз, тоққуз-тоққуз* ибораси қўлланган, ҳар нарсанинг тўққизталик сонга эга маъносини англатган: *Бир тоқуз эт в а б и р тоқуз парча кэлтурәди* (*БН*). *Мэнә ғамдын т о қ у з-т о қ у з түхфа* (*Мунис*).

*Йигирмә* сони уч хил фонетик вариантда истеъмол этилган: *йигирмә* (*БН*); *йигирми* (*Навоий, МН*); *игирми* (*Ш. тар.*).

Элик сони таркибидаги -л ундоши дастлаб иккиланмаган, кейинчалик геминацияга учраб ташдид орқали ифодаланган: Элик (*Навоий, МН*), эллик (*БН*).

XV—XIX асрларга оид ёзма манбаларга араб, форс-тожик ҳамда ҳинд тилларидан баъзи саноқ сонлар ўзлашган, ўзлашган саноқ сонлар ўз формаларида қўлланган. Форс-тожикча: *с а д ҳ а з а р* (*Лутфий*); *й а к –й а к* (*Оғаҳий*); *ду бара* (*Муқимиий*).

Ҳиндча ләк сони XVI—XIX асрларга оид ёзма манбаларда қўлланган: *Йуз мыңны л ә к дәрләр* (*БН*); *мың л ә к сомны* (*Муқимиий*).

«Бобурнома»да ҳиндча *к ө р у р* — (ўн миллион), *арб* (бир миллиард), *көрб* (юз миллиард), *найл* (ўн триллион), *падам* (милли-триллион), *саң* (энг юқори саноқ сон) саноқ сонлари қўлланган.

*Дона сонлар.* XV—XIX асрларга оид ёзма манбаларда дона сонлар ифодаловчи формалар кам ривожланган, дона сонлар функциясини турли сон формалари бажарган. Алишер Навоийнинг «Маҳбубул қулуб», «Сабъай сайёр», Муҳаммад Солиҳнинг «Шайбонийнома» асарларида бир, икки саноқ сонига -тә аффикси қўшилиб дона сон ҳосил бўлган: *б и р т э йармағ икки бөлуб* (*Навоий МК*); *б и р т э ө тмәкни ики бөлуб* (*Навоий МК*).

XV—XIX асрларга оид ёзма манбаларда саноқ сонлар дона сонлар маъносида қўлланган: *Й э т и аззы аның отлар сачыб* (*Навоий ҲА*). *Йуз мың байты бар ва б и р қасида айтыйбодур* (*Навоий МН*).

*Нумератив сўзлар.* Нумератив сўзлар XV—XIX аср ёзма манбалари тилида ҳам деярли саноқ сонлар билан қўлланган, бу давр ёзма манбалари

тилида нумератив сўзларни қўллаш қадимги туркий ҳамда XI—XIV аср ёзма манбалари тилига нисбатан кенгайган. Эски ўзбек тилида ҳам нумератив сўзлар характеристига кўра турлича маъноларни англатган. Нумератив сўзлар саноқ сон билан аникланётган сўзлар орасида қўлланиб, аникланмиш сўзга нисбатан қўшимча аниқлик даражасини оширган. Шунингдек, нумератив сўзлар улуш, миқдор, ҳажм, восита бирлиги, масофа, тўда, ўлчов бирлиги, гурух, дона каби қатор маъноларни англатган.

*Тартиб сонлар.* XV—XIX асрларга оид ёзма манбалар тилида тартиб сонлар асосан саноқ сонларга аффикслар қўшилиши орқали ҳосил қилинган. Араб, форс-тожик тилларидан ўзлашган сонлар лексик-семантик усул билан ҳам тартиб сон маъносини англатган, баъзан ўзлашган тартиб сонлар формаси ҳам қўлланган.

-ънчи, -инчи, -унчи, -унчи, -нчи, -нчи аффикси варианatlари асосида тартиб сонлар ҳосил қилиш кенг қўлланган. -ънчи, -инчи, -унчи, -унчи аффикси ундош товушлар билан тугаган саноқ сонларга, унли товуш билан тугаган саноқ сонларга -нчи, -нчи аффикси варианти қўшилган: *иккинчи, йэтинчи, учунчи, төртунчи, алтынчи, онунчи.*

Тартиб соннинг биринчи формаси составли тартиб сонлар таркибида учрайди: *йигирми биринчи фасл* (Навоий МҚ); *биринчи мақалат* (Навоий ҲА).

-ланчи (*ла-нчи*), -ләнчи (*лә-нчи*) аффикси саноқ сонларнинг қаттиқ, юмшоқлигига кўра қўшилиб, тартиб сонлар ҳосил қилинган, бу аффикс билан тартиб сон ҳосил қилиш Алишер Навоийнинг «Маҳбубул қулуб» асарида учрайди, XVII асрдан бошлаб -ланчи, -ләнчи аффикси орқали тартиб сон ҳосил қилиш кенгайган: *алтыланчи фасл* (МҚ), *сэклизланчи фасл* (МҚ), *йэтиләнчи арқада* (Штар.), *бэшиләнчи оқлы* (Ш.тар.).

Аввал сўзи биринчи тартиб сони маъносида қўлланган: *Ул аввали қылды Гул васфыны ᾶғâз* (Лутфий), *Аввали айағыга түшууб пәст бол* (Навоий ҲА).

Қадимги туркий ёзма манбаларида ҳам тартиб сонлар -нч, -ынч, -инч, -унч, -унч ҳамда -нты, -нти, -нды, -нди аффикси варианtlари орқали ифодаланган; -нти, -нди формаси икки сонига қўшилган. Биринчи тартиб сони ўрнида илк, илки/илики сўзи ҳам қўлланган: *Илки сў: биринчи аскар*.

«Девону луготит турк» ёзма обидасида тартиб сонлар асосан -нч, -ынч, -инч, -унч, -унч ҳамда -нди аффикслари билан ифодаланган.

*Жамловчи сонлар.* Жамловчи сонлар ўзига хос хусусиятларга эга, шунингдек, жамловчи сонларда умумтуркий тилларга хос белгилар ҳам мавжуд. Жамловчи сонлар саноқ сонларга -ав, -әв, -ла, -лә, -ала, -әлә, -авла, -әвлә, -авлан, -әвлән, баъзан -лай, -ләй; -азу, -әгу аффикслари қўшилиши орқали ифодаланган.

-азу, -әгу/ әгу аффикси орқали жамловчи сонлар ҳосил қилиш XIV аср ёдгорликларида фаолроқдир: *Бир анчалары айдыларким, бешәгу*

*тарур, алтынчы им бирлә* (Таф.). Улар йэтәгү, мән йалғуз (Рабғ.), ...*үчәгүси түн сарыга бардылар* (ҮН). *Икәгүн намәз қылалым* (Таф.).

-ав/-әв(-әвлән) аффикси орқали жамловчи сонлар ясалиши XV—XIX асрлар ёзма обидаларида характерли бўлган: *икәв* (*Новоий СС*); *учәв* (*Новоий ФШ*); чэрикдә *бир икәв* (*ШН*); *Шул әрзу:* *икәвлән қылсун* экән *тамаша* (*Фурқат*).

-ләй(-ләгү/-лайу/-ләй) аффикси «Сабъаи Сайёр», «Бобурнома» асарларида айрим ўринларда ики сонига қўшилиб, жамловчи сонлар ясаган: *бәрибән ул нуқудны икәләй* (*Новоий СС*); *икәләй қорған йавығыға* (*БН*).

-ала,-әлә аффикси Новоий, Бобур асарларида саноқ сонларга қўшилиб жамловчи сонлар ясаган: *төртәләси* (*Новоий МН*), *бу учәләси* (*БН*).

-(*ә*)влән (*әгулән*){*әвлән*} аффикси баъзи саноқ сонларга қўшилиб жамловчи сонлар ясаган: *икәвлән қачтылар* (*Лутфий*).

*Чама сонлар.* XV— XIX асрларда битилган ёзма манбаларда чама сонлар аналитик, синтактик усуллар билан ҳосил қилинган.

-ча, -чә аффикси саноқ сонларга қўшилиб, чама сонлар ҳосил қилинган: *йуз ик и йузчә киши* (*Новоий ҲА*); *йана бәши мың ча киши* (*ШН*).

Саноқ сонларнинг жуфт ҳолда қўлланиши орқали ҳам чама сонлар ҳосил бўлган; кичик сонлар олдин, катта сонлар кейин қўлланган: *йуз - йуз эли к өзбекни кишиси билән* (*БН*); *төрт - бәши мың киши бирлә* (*ШН*).

Саноқ сонлардан кейин чағлық, чағлы, чақлық сўзлари қўлланиб, чама сон маъносини англатган: *он йығач чағлық масафат* (*Новоий ФШ*); *йигирмә чағлық кишиләри өлди* (*Штар.*).

Саноқ сонлар *айча, йылча, йавуқ, йақын, артуқ, артуқрақ, зийада, көпрақ, азрақ* каби сўзлар билан келиб, чама сон маъносини ифодалаган: *отуз йылча йақын бар* (*Новоий МН*), *ик и йуздин көпрақ уч йуздин азрақ болгай эди* (*БН*).

*Тақсим сонлар.* Эски ўзбек тилида тақсим сонлар, асосан, *-rap, -rəp, -ap, -əp* аффиклари билан ҳосил қилинган: *Айларда бирор бирор көрүнүр* (*Атоий*), *Фусулны төртәр ай таъйын қылыбтурлар* (*БН*), *Йузэр мисқал кумуш* (*БН*).

Нодира, Гулханий асарларида бир сони кетма-кет такрор қўлланиб, кейинги бир сонига *-дән, -дин* аффикси қўшилиб, тақсим сонлар маъносини англатган: *Икки гул баргини бир бирдән гаҳи гуфтара ач* (*Нодира*). *Бир чардэвар кәм болса, өтүз тишини бир бирдин сыйндырур* (*Гулханий*).

*Бир ва икки саноқ сонлари* грамматик қўрсаткичларсиз кетма-кет такрорланган ҳолда тақсим сонлар маъносини англатган: *Нәки көргүздиләр саңа бир-бир* (*Новоий СС*), *әгәр чун икки-икки қол тутуб* (*Муқимиий*).

*Каср сонлар.* Эски ўзбек тилида каср сонлар синтактик усул билан ифодаланган, маҳраж ҳамда сурат сонлар асосида ҳосил бўлган, маҳраж сон

саноқ сонларга чиқиш ҳамда ўрин-пайт келишиклари аффикслари кўшилиши орқали ифодаланган, сурат сонлар саноқ сонлардан иборат бўлган, шунингдек, сурат сонлар грамматик кўрсаткичларни ҳам қабул қилган: *Нечә өгсәм айтман мыңда бирин* (Лутфий ГН). *Йуздин бирин маъракага йэтиб* (Навоий МК). *Йурт малының ондын бирин алуру* (Ш турк.). Бэрўрмән болса йуз жаһыму мыңдын бир ҳисаб эйләб (Мунис).

Каср сон ясалишида баъзан махраж ва сурат сон орасида айрим боғловчилар қўлланган, грамматик кўрсаткичлар махраж сон ёки сурат сонга қўшилган, баъзан махраж ва сурат сонлар дистант ҳолатларда учрайди: *йуздин гәр бирисига йэтсә* (Навоий СС).

*Йарым* сўзи ҳам каср сон маъносини англатган. Шунингдек, келишик ҳамда эгалик қўшимчаларини ҳам қабул қилган: *Йарым кечә йэтиб тушибиләр* (Навоий МН). *Бир йарым қары қазса, сув чықар* (БН).

XVI — XIX асрларга оид баъзи ёзма манбаларда форс-тожик тилидан ўзлашган ним, ду ним, чаҳарйәк, чарийәк сўzlари каср сонлар маъносида қўлланган: *таъриф қылғанның йарымы балкэ чарийәк и чарийәк ашлық* (БН); *оғланларни ним қыйат тэдиләр* (Ш турк.).

#### *Савол ва топшириклиар:*

1. Соннинг эски ўзбек тилидаги ўзига хос хусусиятлари нималарда кўринади?
2. Соннинг маъно турлари, тузилишига кўра турлари қандай ҳосил қилинади?
3. Эски ўзбек тилидаги сонларнинг қўлланишига манбалардан мисоллар топинг.

#### *Таянч тушунчалар:*

**Соннинг маъно турлари** – саноқ, тартиб, дона, чама, жамловчи, тақсим сонлар.

**Соннинг тузилишига кўра турлари** – содда, мураккаб, каср сонлар.

#### *Олмоши*

#### *Режса:*

1. Олмошининг таърифи ва унинг эски ўзбек тилида қўлланиши хусусиятлари.
2. Олмошининг маъно турлари, турланиши, фонетик вариантлари.

Олмош от, сифат, сон ва баъзан бошқа сўз туркумлари ўрнида қўлланиб, предмет ва унга хос бўлган белгининг мавжудлигини кўрсатади.

Олмош предметликни ёки унинг белгисини доимий эмас, балки муайян ўринларда ифода қиласи. Шу жиҳатдан олмош мустақил сўз туркуми ҳисбланса-да, конкрет маънога эга бўлмайди.

Эски ўзбек тилидаги олмошлар маъно хусусиятларига қуидаги гурухларга бўлинади: кишилик олмошлари, ўзлик олмошлари, кўрсатиш олмошлари, сўроқ олмошлари, биргалик олмошлари, белгилаш олмошлари, гумон олмошлари, бўлишсизлик олмошлари.

**Кишилик олмошлари.** Кишилик олмошлари лексик-семантик жиҳатдан маълум сўз категориясиdir, ҳамда грамматик хусусиятларга кўра, турли аффикслар билан ифодаланган, кишилик олмошларининг баъзи фонетик варианtlарини ҳисобга олмагандан, кўпчилик қисми ҳозирги ўзбек тилида фойдаланилмоқда.

Кишилик олмошларининг I шахс бирлиги: **мэн**.

Кўпчилик ёзма манбаларда мэн олмоши миму ё-ю нун орқали ёзилган, XVII —XIX асрларга оид баъзи ёзма обидаларда мим-у нун билан ифодаланган. Мэн олмошининг ҳар икки ёзув формаси таркибида олд қатор ўрта кенг э товуши қўлланган:

XIX асрга оид айрим ёзма манбаларда баъзан тарихий-диалектал ҳодиса сифатида мэн олмошининг бэн формаси истеъмол этилган.

Ёдгорликларда мэн олмоши функциясини бошқа сўзлар ҳам бажарган. *Банда ва бу бандар* формалари Алишер Навоий, Муқимиy, Яқиний, Махмур асарларида қўлланниб, тингловчига нисбатан камтарлик маъносида фойдаланилган: *Ба н да шафак-тэк қан йығлаб кэ...* (Яқиний). *Ба н д а ул вақтда Бухарада эдим* (ШН). *Ба н да байан гэр қылсам* (Махмур).

*Фақыр ва бу фақыр* сўзлари Навоий, Абулғози Баҳодирхон, Огаҳий, Муқимиy асарларида қўлланган: *Фақыр қыралар сары барурга муваффақ болдум* (Навоий МН). *Фақыр қыр тараф тутуб йалған айтған болғай-мэн* (Штурк)

XV асрдан бошлаб мэн олмоши ўрнида *фақыри-ҳақыр*, *фақыру-ҳақыр* сўзлари бирикмаси ҳам қўллана бошланган, баъзан бу олмошини *фақыри ҳақыр* сўзлардан олдин кўллаш Навоий ҳамда Огаҳий асарларида учрайди: *Фақыри-ҳақыр йад туттум ким...* (Навоий МН). *Бу фақыр қыр и-ҳақыр ҳам ким бу улуғ ханаданниң, қадимий бандаси ва бу баланд астаннини самимий сарафкәндәси дур-мэн* (Огаҳий).

XVIII — XIX асрларга оид ёзма манбаларда *фақыри-ҳақыр кәминә*, *кәминә, бу кәминә*, мэн кәминә бирикмалари ҳам мэн олмоши ўрнида истеъмол қилинган: *Фақыри-ҳақыр кәминә тағаңыз Муҳаммад Аминхожса Муқимиy* (Муқимиy). *Кәминә ҳам өз көзум билән көрдүм* (Фурқат).

II шахс бирлиги: *сэн*. Кишилик олмошининг сэн формаси сину ё нун билан ёзилган, сэн олмоши таркибидаги ё асосан олд қатор лабланмаган ўрта кенг э унлисининг белгисини ифодалайди.

XV—XVI асрлар ёзма манбаларида *сэн* олмоши келишик аффикслари билан турланганда, ё ҳарфи ёзилмайды: *сэниңдәк* (*Лутфий*); *сэниң* (*Амирый*).

Сэн олмоши *сину нун* ё орқали ҳамда ё белгисини тушириб ёзилса ҳам, эски ўзбек тили ёзма манбаларида *сән* эмас, *сэн* шаклида талаффуз этилган.

III шахс бирлиги: *ул*, баъзан *у*, *ан* шакли қўлланган. XV—XIX аср ёзма манбаларида асосан *ул* варианти қўлланган. Ул олмоши таркибидаги -л ундошининг тушиб қолиши орқали баъзан *у* шакли вужудга келган. У кишилик олмоши «Бобурнома» ҳамда Ҳувайдо асарларида баъзи ўринларда учрайди: *Ҳар ким нэ ким уның йэригә олтурды* (*БН*). *Уны ким сақлады халлақ* (*Ҳувайдо*).

III шахс кишилик олмоши бирлигининг *ан* варианти (*ул>ал>ан*) баъзан Фурқат асарларида учрайди: *Ан ҳама бэганарапга ашналиқ шунчалар*:

I шахс кўплиги: *биз*.

Биз олмоши XV—XIX аср ёзма манбалари учун умумий характерга эга, юмшоқ талаффуз этилган, кўплик, бирлик маъноларида қўлланган.

Биз олмоши кўплик маъносида: *Биз ҳам киши йибэрдүк* (*БН*). *Биз икки боләк элмиз* (*Ш турк.*). *Биз иккимизгә мусулмāн бол тэди* (*Ш тар.*).

Биз олмоши бирлик маъносида ҳам қўлланган: *Биз иң ң билә болған бэгләрини ҳам фараҳорларига йараша бэриб шафқат қылдым* (*БН*). *Бизни расваи жаҳан эттий ӣад әйламәдиқ* (*Нодира*).

Кўплик ифодалаш хусусиятини янада ошириш учун биз олмошига —ләр аффикси қўшилган: *Мавлāнā Кабулий бизлəрни тилəб васийат қылды ким, бу кечə əlamdyн барур-мэн* (*Навоий МН*). Гул гунчасидур гойа *бизлəргə ачылмайдур* (*Бобур*).

II шахс кўплиги: *сиз*.

Сиз олмоши кўплик маънода қўлланган: *Биз сизиң учун саврулдуққ* (*ШН*). *Биз бу сарыдын йэткəч, сиз ичкəридин чыкыбы эликиңиздин кэлурини тақсир ққылмаңлар* (*БН*).

Сиз олмошининг кўплик маъносини қучайтириш учун —ләр аффикси қўшилган: *Сизлəр ким қарындашлар турур-сиз бизиң бирлə иттифāқ қылың* (*Ш тар.*). *Шāдмāн сизлəрдиң -у өлгүнчə миннатдāр-мэн* (*Фурқат*).

III шахс кўплиги: *алар, улар, анлар, баъзан унлар* шакли қўлланилган.

Алар олмоши XV—XIX асрларда ёзилган кўпчилик ёзма манбаларда кенг қўлланган: *Аларның икисин өлтүрүб* (*Навоий*). *Алар айдыларки, өзбекни бир масалы бардур* (*Гулханий*).

Улар варианти Лутфий, Бобур, Абулғози Баҳодурхон асарларида учрайди: *Улар мендин йашуруб* (*БН*). *Уларның көнли* (*Ш.тар.*).

Анлар олмоши Лутфий, «Нусратнома», Абулғози Баҳодирхон, Гулханий, Фурқат асарларида истеъмолда бўлган: *анлар ашиданы;* *Анлардын өтүб ҳавузга шарбатлар төкүлүр.* *Анлар көп йылларгача бу айтилган нимәрсәләрни бэрүрләр* (*Ш.тар.*).

III шахс қўплиги тарихий тараққиётида қўйидагилар кўзга ташланади: XIII-XIV асрларда улар, анлар варианти кенг қўлланган бўлса, XV асрдан бошлаб алар варианти фаоллашади. XIX аср охирларида яна улар, анлар варианти фаоллаша бошлайди ҳамда кейинчалик улар варианти III шахс қўплигига ягона бўлиб қолади.

Кишилик олмошларининг турланишида эски ўзбек тилида ўзига хос хусусиятлар кўзга ташланади:

*Кишилик олмошларининг турланиши:*

Келишиклар	Турланиши
Бош келишик	<i>Мен, сен, ул, биз, сиз, улар, анлар, алар</i>
Қаратқич келишиги	<i>Мениң, сениң, аның, бизниң //бизиң, сизниң//сизиң, уларның //уларың, анларның//анларың, анларның, бизим, сизим</i>
Тушум келишиги	<i>Мени, сени, аны, бизни, сизни, уларны, анларны, аларны</i>
Жўналиш келишиги	<i>Маңа (маңар), саңа (саңар), аңа, бизгә, сизгә, уларга(қа), анларга(қа), аларга (манқа, санқа), бизә, сизә</i>
Ўрин-пайт келишиги	<i>Менда, сенда, анда, бизда, сизда, уларда, анларда, аларда</i>
Чиқиш келишиги	<i>Мендин, сендин, андын, биздин, улардын, анлардын, алардын.</i>

XIII-XIV асрларда, XIX асрдан кейинги ёдгорликларда ҳам чиқиш келишигининг –дән/-дан, баъзан –дүн/-дун варианти қўлланган.

*Ўзлик олмоши.* Эски ўзбек тилида өз олмоши фаол қўлланган. Өз олмоши дастлаб от туркумига оид сўз бўлган ва ўзлик, вужуд, жон, руҳ каби маъноларни билдирган. Эски ўзбек тилида ҳам өз олмошининг бу маънолари айрим ўринларда сақланиб қолган: *Өзумдин ҳайат барай* (Навоий). *Ей санам, өзни (вужуд) бизгә нағина тāкәй* (Увайсий). Өз сўзи эски ўзбек тилида олмошга ўтиш жараёни тугалланган, шахсга тааллуклилигини, хослигини, унинг таркибий қисми эканлигини маъноларини англаштиради: *Өзиниң шәкли бирлә* (Навоий, ҲА). *Мени өз ҳузурыга талаб қылды* (Ф.). Өз қылышынбойнума *йеткурсә* (Навоий, ЛТ).

Өз олмоши такрор қўлланиши мумкин. Бунда иш-ҳаракат субъектига қайтганликни, яъни иш-ҳаракат субъектнинг ўзи учун тегишли эканлиги маъноси англашилади: *Толғанмагы өз өзинә гирдаб* (Навоий), *Қылур өзигә өзи иштибāҳ* (Мук.).

Өз олмоши эгалик ва келишик аффиксларини қабул қиласи. Бунда дастлаб эгалик аффикси, сўнг келишик аффикси қўлланади: *Өзумниң икки йаҳши кишиимни чақырдым* (Ш. тар.). Өзи дә ҳуши бар ҳадам ешишсун (Фурқат).

Тушум, ўрин-пайт ва чиқиши келишиги аффикслари өз олмошига түғридан-түғри қушилган: *Өз дәйрәдә ирдим* (Навоий). *Өзни нечә күн накам тут* (Нодира). *Өздин тавба айса* (Навоий). Бундай қўлланишда унинг олмошлиқ функцияси кўпроқ намоён бўлади.

Қадимги туркий ёзма манбаларда ва эски ўзбек тилининг дастлабки даврларида *кенту*(*кенту*) олмоши қўлланган ҳамда бу олмош өз олмошига эквивалент бўлган: *Керәк болсам аңа мен, кендея келсун* (Хисрав ва Ширин).

*Кенду олмоши* өз олмоши билан ҳам қўлланади: *Өзи кенду йекрәк* (*ёмонроқ*) *билур ерди* (Тафсир).

*Кенду олмоши* эски ўзбек тилида ёк истеъмолдан чиққан ва бу олмош *кәнди* (*кенди*) шаклида ҳозирги турк тилида сакланиб қолган.

Эски ўзбек тилида өз олмоши билан бирга, форс тилидан ўзлашган худ олмоши ҳам истеъмолда бўлган: *Тенри тааләх худ кәрәм билә гунайхызыздын өтти* (Навоий). *Мирзәхән* худ *шайхбегимниң туққан набираси* (Бобур).

*Кўрсатиш олмошлари.* Эски ўзбек тили ёзма манбаларида *бу, бул, ул, ошал, шул, ушибу, ҳамул, баъзан у, уши, шу, шубу, ҳамун, ҳамин* каби кўрсатиш олмошлари тузилиши жиҳатидан содда ҳамда мураккаб формалардан ташкил топган. Содда кўрсатиш олмошлари: *бу, ул(у), уши* формаларидан иборат. *бул, шул, (шу), ушибу, шубу, ошал, шул, ошу, ҳамул* сўзлари кўрсатиш олмошларининг мураккаб формаларини ташкил қиласди. *Ҳамун, ҳамин, ҳамийн* кўрсатиш олмошлари форс тилларидан ўзлашган. Кўрсатилган даврларга оид ёзма манбаларда ҳар қайси кўрсатиш олмошининг истеъмол доираси, лексик-семантик ҳамда грамматик хусусиятлари турлича бўлган.

Бу кўрсатиш олмоши кенг кўламда қўлланган, нутқ пайтида мавжуд бўлган яқин масофадаги киши, нарса, ходисаларни кўрсатади: *бу бэнава* (Лутфий), *бу расадны* (БН).

Олмошлар уч хил семантик вазифа бажарган:

1. Дейктик вазифа, яъни соф кўрсатиш маъносини англашган: *Бу байтны оқубдор* (Навоий, МН).

2. Анафорик вазифа, яъни олдин тилга олинган шахс, предметни кўрсатади: *Бу ҳам йаҳши барды* (Бобурнома).

3. Препратив вазифа, яъникейин тилга олинадиган предмет ва шахсларни кўрсатади: *Мени танымайдур, сөруптурким, булар қайсы султандур* (Бобурнома).

Бу кўрсатиш олмоши келишиклар билан турланганда ва кўплек аффиксини олганда, унинг тузилишида турли фонетик ўзгаришлар юз беради. Бош келишикдан бошқа келишиклар билан турланганда, сўз бошидаги *б* ундоши *м* га ўтади: *буни-муны, бунуң-мунуң* ва ҳ.к. Шунингдек, жўналиш, ўрин-пайт, чиқиши келишикларида негиз ва келишик ҳамда кўплек аффикси ўртасида интеркаляр «*н*» ундоши орттирилиши мумкин. Келишиклар билан турланганда «*н*» ундошининг орттирилиши доимий (статик) бўлса, кўплек шаклида у доимий эмас.

Мисоллар: *Булар дагы Сайиидгә кирмиши* (Шайб.). *Оғланларның атлары мунлар турур* (Ш.тар.). *Мундын артуқ қылма зәр* (Лутфий).

Сүз бошида «б»нинг «м»га ўтиши ҳам доимий эмас: *Барча халқ буны эшишиб...*(Ш.тар.).

Бу олмоши XVIII-XIX асрларда бул вариантида ҳам қўлланган. Унинг тафсилоти қуйироқда берилади.

Ул олмоши сўзловчига масофа жиҳатдан узоқроқ бўлган предмет ва унинг белгисини кўрсатиш учун қўлланган ва бу жиҳатдан бу олмоши билан зидланишни (оппозицияни) ҳосил қилган: *Ғамза бирлә төкти қаным ул санам* (Лутфий).

Ул олмошининг у варианти ҳам истеъмолда бўлган: *Маҳшарда ғалыбāким, у күн көрмəгəй азāб* (Лутфий).

Илмий адабиётларда ул (у) олмошининг *ān* варианти ҳақида фикр юритилади, аслида *ān* олмоши форс тилидан ўзлашган бўлиб, фонетик жиҳатдан ул олмошига алоқаси йўқ.

Ул олмошининг келишиклар билан турланиш хусусиятлари ул кишилик олмоши билан айнандир.

Уш сўзи ҳақида. Илмий адабиётларда бу сўз олмошлар таркибиغا киритилади, лекин унинг матндаги қўлланиш хусусиятлари бошқа олмошларга қуйиладиган морфологик талабларга жавоб бермайди, яъни у келишик ва кўплик аффиксларини қабул қилмайди, лекин кўрсатиш олмоши семантикасига мос кела олади, демак, у грамматиканинг асосий талаби, яъни категориал белгиларни қабул қилмас экан, уни олмошлар таркибидаги масалада мунозара мавжуд.

Уш сўзи ҳозирги ўзбек тилидаги *мана*<sup>1</sup> сўзига эквивалентdir. Маълум бўладики, *мана* сўзи олмош деб эътироф этилмаётган экан, уш сўзини ҳам олмош деб қараш мумкин эмас, лекин бу сўз XIII-XIV аср ёдгорликларда фаол қўлланган: *Қадаҳ еврулди уш бостāн ичиндə* (МН). Зулфуң дагы ул *қāфур уш имāн аладур-ла* (Лутфий). Лекин бу сўз уибу, ошул, ошал, шул олмошларининг ҳосил бўлишида қатнашган.

Уибу (уш+бу) олмоши нутқ моментидаги предмет ва белгини кўрсатади: *Уибу дам эрур жāнның футухи* (МН). Лекин бу сўз ўзгаришлар юз берган, ортирма -н пайдо бўлган, б товуш -м сонорига ўтган: Лутфий — мунда; Яқиний — мунуң-дэк.

Ошул (уш//ош+ул) кўрсатиш олмоши XV—XIX асрлар ёзма манбаларида истеъмолда бўлган, тингловчига олдиндан маълум шахс, нарса ҳодисаларни кўрсатади: *Фарйāдым ошул йэрғэ йэтибтур* (Лутфий). *Ошул йердə йаттуқ* (Ш.тар.).

Ошал (уш//ош+ул//ал) олмоши ошул олмошининг вариантидир: *Ошал күнким мени йаздāн(оллоҳ) йаратты* (МН). *Ошал сувларның араларында олтуурлар эрди* (Ш.тар.).

<sup>1</sup> Мана, ана сөзлари қозирги кунда көрсатув ундовлари деб юритилмо́дда.

*Оша, ошу олмошлари уибү, ошул, ошал олмошларининг қисқарган шаклидир: Ошу сөз бирлә (ШН). Оша үстүндә тоң бирлә муз бар турур (ҮН).*

*Шул (уш/ош/ш+ул) олмоши бу, у, ошул, ошал олмошларининг фонетик ўзгарган ва қисқарган шаклидир: Шул ерүр айбым Муқимий, мардуми Фарғана-мен (Мук.). Шул заманким алур Ургәнчни ол/салур, албатта, Хурәсән сары йол (ШН).*

*Шул олмоши бу олмошининг бул шаклида шаклланишига ҳам сабаб бўлаг, чунки шул-бул аналогияси ва оппозицияси учун у қулийлик туғдирган. Аксинча, бу олмоши шул олмошига оппозицияда туриб, унинг таъсирида шу вариантини юзага келтирган.*

*ўнә, мәнә, муна сўзлари ҳам семантик жиҳатдан олмош функциясига яқин туради, лекин улар аслида кўрсатув ундовлариридир. ўнэ қадду, әнә ҳусну, әнә хулқ (Фурқат). Муна сөзиниң жавабы теди (Ш.турк.).*

Эски ўзбек тилида форс тилидан ўзлашган ва улардан яrim калька қилинган олмошлар ҳам қўлланган. Улар қуидагилар:

*Ҳамин олмоши. У ҳам (таъкид юкламаси)+ин (бу) таркибидан иборат бўлган ва уибү олмоши маъносига эквивалент бўлган: Бале, йалгуз ҳамин әlamda сен-сен (Лутф.). Мениң ҳақымда қылур-сен ҳамин жафә ҳавасин (Атоий).*

*Ҳаман олмоши ҳам ҳам+ан(у) сўзларидан таркиб топган ва эски ўзбек тилида ҳамин олмоши каби уибү олмошига эквивалент бўлган, айни замонда, унинг ҳамун варианти ҳам қўлланган: Tag ҳаман аллыда ҳамун-ҳамун (Навоий). Лекин кейинчалик ҳамун варианти истеъмолдан чиқиб кетди, ҳаман сўзи эса семантик ўзгаришга учраб, равиш сўз туркумига ўтган.*

Форс тилидан ўзлашган юқоридаги олмошлар эски ўзбек тилида яrim калькаланиб, ҳамул вариантида (ҳам+ул) ҳам қўлланган: Қойар ерди ҳамул вадий сары йуз// Қылыйб қатъ аллыда тағ олса, гар туз (Нав.Хамса).

Бу олмошлар ҳам кейинчалик истеъмолдан чиқиб кетди.

*Сўроқ олмошлари. Эски ўзбек тилида ким, не, қай сўроқ олмошлари мустақил қўлланган, бошқа сўроқ олмошлари не ва қай олмошларига тарихан юклама, сўз ясовчи ва сўз ўзгартувчи қўшимчалар қўшилган шаклларда қўлланган, лекин бундай сўз ва қўшимчалар ўзининг морфематик маъноларини йўқотган ҳамда сўроқ олмошларининг турли модал шаклларини ҳосил қилган холос, аслида олмош ясаш учун хизмат қилган эмас.*

*Ким сўроқ олмоши кишиларга нисбатан қўлланган: Улуши алган ким ва ул улушни тоғраган ким (Штар.).*

*Ким сўроқ олмоши отлар каби кўплик аффиксининг –ләр вариантини қабул қилган: Арз қылалы кимләр вақеъдор (Навоий МК). Кимләр билән базм әйләб (Муқимий).*

Не олмоши эски ўзбек тилида кенг қўлланган ва унинг семантик қирралари ҳам кўп бўлган:

•белгининг микдорини аниқлаш маъносига қўлланган: *Не имканиким қарар олгай көнгумә* (Навоий). Ул шаҳ башыда не балә фитна бар ерди (Лутфий).

•соғ белгини билдиради: *Хан деди: бу не ҳикайат болгай// Не ҳикайат, не ривайат болгай?* (ШН).

•риторик сўроқ гапларда сўз маъносини қучайтиради: *Бу не көздур, бу не кирпүк, бу не қаш// Ки чықты дин ва имандын халайық* (Атоий).

•сабаб-сўроқ маъносини билдиради: *Көзүң не балә қарә болубтур* (Навоий). *Билмән не жарима билә Ҳирийдин ихрәж қылды* (Бобур).

*Не* олмоши тўлиқсиз феъллар бирга қўллана олган ва феъл таркибига ўтган: *Йуз салам айдым не болгай* (Нодира). *Бизиң сары кэлмәс-сән нэ болды* (Навоий).

*Не* олмоши кўплек аффиксини, тушум, чиқиши келишиги аффиксларини олган ва уларда келишик аффикслари функционал бўлган, жўналиш келишиги аффикси эса олмош таркибида кристаллашиб қолган. Қаратқич ва ўрин-пайт келишигида қўлланиши масаласи очиқ қолади.

*Не* олмоши негизида шаклланган сўроқ олмошлари:

*Немә*. Бу сўз таркибидаги мә сўзи қадимги туркий тилга оид юкламадир (лекин уни Э.Фозилов боғловчи деб қарайди. Қаранг: Фозилов Э. Ўзбек тилининг тарихий морфологияси. – Т., 1965, 146-бет). Эски ўзбек тилида бу сўз *нарса* сўзи маъносига қўлланган, яъни ҳали олмош туркумiga тўла ўтмаган: *Дағдага болдыким, бир нимә бағлагай-мен* (Бобур). Бу сўз *нима* вариантида XIX асрнинг 2-ярмидан сўроқ олмоши сифатида мустақил қўлланган.

*Нечун//невчун*. °чун кўмакчиси иштирокида шаклланган ва сабаб маъноли сўроқ олмошидир: *Мирзә сорубтурки, нечун өлтүрдүң* (Навоий). *Сен невчун өзүңни бу рийазат ва ранжга салдың* (Навоий).

*Нечук*. Бу олмош қадимги туркий тилда бир неча тараққиёт даврларини бошидан кечирган: *не+чә-не+чә+кә-не+чә+к-нечук*. Иккинчи тахмин (версия): *не+чағ//не+чақ// не+чәк-нечук*.

*Нечук* олмоши ҳам сабаб маъносини ифодалайди: *Нечук болгай азымиз* (Навоий). Бу олмошнинг баъзан *нүчук* фонетик варианти ҳам қўлланган: *Мен нүчук мажнун кәби расвәи әlam болмайын* (Увайсий).

*Нелук*. –лик аффиксининг –лук варианти орқали шаклланган ва у ҳам сабаб маънолидир: *Нелук башымга тупрақ қоймагайым* (Хиср. ва Шир.).

*Нетәк*. –дек аффиксининг –тәк варианти орқали шаклланган ва бу олмошбелги маънолидир: *Қанлары йергә нетәк төқулмуш* (ШН).

*Нечә*. Бу олмош *не+чаг* сўзларидан соддалашган. Микдорни сўраш учун қўлланади: *Нечә йыл ранжу меҳнат сендин артуқ* (Навоий). Бу олмош III шахс эгалик аффиксини ва барча келишик аффиксларини қабул қиласан.

*Негә*. Жўналиш келишиги аффикси орқали шаклланган ва сабаб маъносига эга: *Бир киши жсаны учун йуз мың жсан негә әзурда қылур* (ШН).

Бу олмошнинг *нейә*, *нәгү*, *нағу* вариантлари ҳам қўлланган: *емди биз кеңәши қылалым*, *нәгү саваб келур, көрәлим* (Таф.). *Нағу барур-сен* (Лутфий).

*Нечә* олмошининг *нәтә* варианти ҳам қўлланган: *Нетә маҳрам айладың* (Муқими).

*Қа(й)* олмоши (қадимги туркий тилда *қан*) мустақил қўлланган ва белги маъносига эга бўлган: *Қай бириким бар эрди* (Навоий).

*Қа(й)* олмоши негизида қуйидаги сўроқ олмошларининг модал маънолари ҳосил қилинади:

*Қайу.* Бу олмош таркибидаги –у форманти –и/-ы эгалик аффиксининг вариантидир: *Қайу хушидил, қайу маҳзун болды// Қайу Лайлā, қайу Мажнун болды* (ШН).

*Қайсы.* –сы форманти III шахс эгалик аффиксидир: *Қайсы нāмурад елиң сабр етəгигə урдаким мурād тапмай* (Навоий). Бу олмош кўплик, эгалик аффиксларини қабул қилган.

*Қайу, қайсы* олмошлари белгини ажратиб, таъкидлаб сўраш маъносини англатади.

*Қайдা (қанда), қайдын, қайан, қаны.* Бу олмошлар ўрин билан боғлиқ бўлган сўроқни билдирган. *Қайдা, қайдын* таркибидаги келишик аффикслари негизда кристаллашган. *Қайан* сўзидағи йан ўрин оти, қаны сўзидағи –ы эса эгалик аффиксидир: *Десəңким, қайдада-сен, оё Атāий* (Атоий). *Мен дедимким, сизлəр қайдын келə-сиз* (Бобурнома). *Йана даругадын қайан қачыб барғаным киши билмəс* (Бобурнома).

*Қанча.* Бу олмош *қай(n)+ча(чаз,ча)* қисмлардан иборат бўлиб, дастлаб пайт маъносини, кейинчалик миқдор маъносига кўчган: *Қанча сəксəн шунча йылқым...*(Муқими). Бу сўроқ олмоши ўрнида чанд, чандан сўзлари ҳам қўлланган.

*Қачан.* Бу сўроқ олмоши *қай+чаз+ын* (*қай вақт билан*) сўзидан соддалашган ва пайт маъносига эга: *Қачан болгайки тапқай-мен хабар йāр-у дийāрымдын* (Фурқат). *Қанча, қачан* олмошлари баъзан келишиклар билан турланган.

*Белгилаш олмошлари.* Аксарият адабиётларда бундай олмошлар биргаолик, биргалик-белгилаш олмошлари деб юритилган.

Эски ўзбек тилида икки гурух белгилаш олмошлари қўлланган:

1. Яккаликни кўрсатувчи белгилаш олмошлари.
2. Тўдани, гурухни кўрсатувчи белгилаш олмошлари.

Яккаликни ажратиб кўрсатувчи белгилашъолмошларига ҳар ва унинг иштирокида ҳосил қилинганолмошлар ҳамда эски ўзбек тилининг дастлабки даврида фаол қўлланган, лекин XV асрдан кейин пассив қатламга ўтиб кетган *текмə* олмоши тааллуқлидир.

Тўдани, жамликни билдирувчи белгилаш олмошларига архаик *қамуқ// қамуғ*, туркий қатламга хос бўлган *барча, бары, барлық*, форс ва араб тилларига хос бўлган *баъзы, ҳама (ҳамма), тамāм, жумла, жамъ, мажмуъ* олмошлари тааллуқлидир.

*Ҳар* олмоши форс тилидан ўзлашган ва эски туркий тилда XI-XII асрлардан бошлаб қўллана бошлаган ҳамда эски ўзбек тилида унинг кенг қўлланиши бошланган: *Ҳар йыл аны ҳазана қылгайлар* (Навоий). Сўрок олмошлари билан бирга келиб мураккаб белгилаш олмошларини ҳосил қилган: *ҳар ким, ҳар қайан, ҳар нимә, ҳар қайсы, ҳар нечә, ҳар нечук, ҳар қачан, ҳар қайда, ҳар не*.

*Ҳар не* эски ўзбек тилида олмошлик хусусиятини сақлаб қолган: *Мениң ҳар не ҳালымны билмиш едиң* (Мунис). *Ҳар не десәм қабул қылгайму-сен* (Навоий).

*Ҳар не* олмоши ҳозирги ўзбек тилида семантик ўзгаришга учраган ва модал сўзлар туркумига ўтган.

*Текмә* асл туркий белгилаш олмошидир. Бу олмош ҳам XIV аср бошларига қадар мустақил қўллана олган: *Чыққай ҳазар ҳалқа көңул текмә сачтын* (Лутфий). Бу олмош келишик қўшимчаларини ҳам олган: *Сучулмыши текмәләргә тан либасын* (Хиср. ва Ш.). *Текмә* олмоши ҳозирги турк тилида ҳамон қўлланмокда.

*Тўдани билдирувчи олмошлар.*

*Барча* (*бар+ча*) биргалик олмоши киши, нарса ва ходисаларнинг мавжуд йиғиндиси маъносини англатган: *Барча тапылур бизгә валэ йар тапылмас* (Лутфий). *Түгәнди барча сөз* (Навоий ФШ). *Барча бир йоли урушиқа кирди* (ШН).

*Бари* (*бар+ы*) олмоши *барча*, ҳамма сўзлари каби биргалик маъно англатган: *Бары аламга таж* (Навоий ХА). *Бары пари мисалы* (ШН).

*Қамуқ// қамуг* олмоши эски ўзбек тилиннинг XV асрларга оид ёзма манбаларида истеъмолда бўлган. Шунингдек, XVII — XIX асрларда битилгал айrim ёзма манбаларда учрайди ва *барча* олмоши каби маъно англатади: *Қамуқ элгә берриб* (Лутфий). *Бизгә болды қамуқ элиң орны* (Ш тар.).

*Ҳама* (*ҳамма*) биргалик олмоши XV асрдан кейин ёзилган ёзма манбаларда қўлланган: *Ҳама аввәры ҳикматга мувәфық* (ШН). *Ҳама айтур Ҳувайдо нэчун ийиглар-сэн* (*Ҳувайдо*).

*Ҳама* олмоши айrim адабиётларда қамуқ олмошининг фонетик ўзгариши деб изохланади. Бу фикр янгилиш бўлиб, аслида араб тилидаги *ҳум* (*улар*) ва форс тилидаги *ҳама* (*барча*) олмошларининг ўзбек тилига ўзлашиши деб қараш ўринли бўлади.

*Жумла* биргалик олмоши араб тилидан ўзлашган *барча*, ҳамма олмошларига эквивалентдир: *Жумла аламга иши қаҳр олуб* (Навоий ХА). *Жумла жаҳан аҳлыга рâҳат иетүргуб* (Нодира).

*Баъзы* олмоши араб тилидан ўзлашган, гурух, тўда маъносини ифодалайди, келишик, эгалик, қўплик аффиксларини ҳам қабул қилган: *Баъзыни гаҳи бирәр йаҳшии байт вақъе болур* (Навоий МК). *Баъзыни муңа кэлтүргэндур* (Навоий МН). *Баъзыларга орун бэрди* (Ш тар.).

*Тамам* (*тамамий, тамамат*) олмоши араб тилидан ўзлашган *барча*, ҳамма олмошлари маъносида қўлланган: *Стунлары таамам и таштын* (БН). *Таамам мөгул ва татар элини ләшкәрини жасам қылыб* (Ш тар.).

*Жамъ, жамъи олмоши араб тилидан ўзлашган: Ҳиндустаның жамъи рудларының бу хасийаты бар* (Бобурнома). *Жамъ вилайатларны мусаххар қылыб...*(Ш.турк).

*Мажмуъ олмоши ҳам араб тилидан ўзлашган: Мажмуъин аның қашыға қойды* (Хамса). *Қылды йағмā көзләриң мажмуъи Туркистаны* (Саккокий).

*Гумон олмошлари.* Эски ўзбек тилига оид ёзма манбаларда *кимсә(>ким+эрсәр), нэмәрсә(>нэ+мә+эр-сә), нээрсә (>нэ+эрсә), бирәв(>бирәгү), фалан* гумон олмошлари қўлланган, баъзан айrim ўринларда *бирәгү (бир+агу), бирәвлән (бир+әв+лән)* формалари ҳам учрайди. Улар киши, нарса ва ҳодисаларнинг тахминлаш, тусмол қилиш каби маъноларини билдирган.

*Кимсә, кимәрсә, нэмәрсә ва нээрсә, фалан, бирәв, бирәгү* гумон олмошлари тусмол қилинган кишиларга нисбатан қўлланган. *Нэмәрсә ва нээрсә* олмошлари предмет ва ҳодисаларга нисбатан ишлатилган.

*Кимсә* гумон олмоши эски ўзбек тилининг барча давларида кенг қўлланган: *Ким сә тазаллум этмәгэй* (Лутфий). *Ким сә ким әйләмәс ашуқмагны хайәл* (Навоий МК).

*Кимәрсә* гумон олмоши эски ўзбек тилининг ilk давларида қўлланган, кейинги давларда кам қўлланган: *Кимәрсә ким сәнә эгри көнүл тутар бу қадар* (Саккокий).

*Нэмәрсә* гумон олмоши *нимә* сўроқ олмошига эрсә сўзининг қўшилиши билан ҳосил бўлган: *Уч-төрт нэмәрсә асылыб эрди* (БН). *Көп нэмәрсә бәргән турур* (Штурк).

*Бирәв* гумон олмоши *кимса* олмоши маъносида қўлланган: *Бирәв көз бирлә болгай қатлың* (Навоий ЛТ). *Бирәв ишқ ичра қылды қумры* (Огаҳий).

*Фалан* гумон олмоши араб тилидан ўзлашган: *Фалан кишиигә, йаъни фақыр қашыға элтиб* (Навоий МН). *Фалан вактда фалан мәликиңиз мундаг хийанат қылды* (Штар).

*Бўлишсизлик олмошлари.* Эски ўзбек тилида ҳам бўлишсизлик олмошини форс тилидан ўзлашган ҳеч сўзи ифода қилган. Ҳеч бўлишсизлик олмоши киши, нарса, ҳодисаларга нисбатан қўлланган.

*Бўлишсизлик олмошининг мураккаб формаси эса бошқа олмош турлари билан ёнма-ён келиши орқали ҳосил қилинган:* ҳеч *ким, ҳеч кимсә, ҳеч кимәрсә* шахсга нисбатан; ҳеч *нэ, ҳеч нэмә, ҳеч нэмәрсә, ҳеч қайдা* олмошлари нарса ва ҳодисаларга нисбатан қўлланган. ҳеч *қайсы, ҳеч қайусы* киши ва нарсалар учун аралаш истифода қилинган.

*Ҳеч олмоши мутлақ инкор маъносини ифодалаган:* *Қалмаса ҳэ ч нा�му нишानым* (Лутфий). *Ки биз көрдүк, амма билмәдүк ҳэ ч* (Навоий ФШ). *Ҳэ ч парвайи қылмадылар* (БН).

*Ҳеч ким бўлишсизлик олмоши:* ёсрукләр ичра көзүңә ҳэ ч ким ҳариф йоқ (Лутфий). *Ҳеч ким өз көнлигә ғам тиләмәс* (Навоий МК). *Ҳэ ч ким билмәс аларның ишини* (ШН). *Ҳэ ч ким эшияткән ва көргән йоқ турур* (Штар).

*Хэч кимсә (хэч кимәрсә) олмоши ҳам хэч ким олмошига эквивалент бўлган: Тушмәсүн гул мавсумы ҳэ ч к и м с ә жанандын (Лутфий). Қылмас аның тәжаллумини ҳэ ч к и м с ә рад (Нодира).*

*Хэч кимәрсә бўлишсизлик олмоши сийрак қўлланган, маъно жиҳатидан ҳэч ким, ҳэч кимсә олмошларига ўхшайди: Хэч к и м ә р с ә кэлмәгәй (Лутфий). Хэч к и м ә р с ә қол йапмасунлар (Штарп.).*

*Хэч нэмә (хэч+нэ+мә) бўлишсизлик олмоши: Мэни тэгэн кишигә ҳэ ч н э м ә йоқ (Амирий). Аңа ҳэ ч н э м ә марҳам йэрин туттмас (Навоий МК).*

*Хэч нэмәрсә олмоши кам учрайди: Х э ч н э м ә р с ә аңа маҗхул эрди (Навоий МН). Хэч н э м ә р с ә оқуған эмәс (БН).*

*Хэч қайсы бўлишсизлик олмоши бўлишсиз атрибутив ҳолат маъносини англатган: Х э ч қ а й с ы матлаъны айта алмадылар (Навоий МН). Хэч қ а й с ы турк тили билә тәжаллум қыла алмаслар (Навоий МЛ).*

#### *Топшириқлар:*

1. Эски ўзбек тилида фаол қўлланиб, ҳозирги ўзбек тилида истеъмолдан тушиб қолган кишилик олмошларини сананг.
2. Эски ўзбек тилидаги гумон олмошларининг маъно турларини санаб кўрсатинг.
3. Олмошнинг ҳар бир маъно турига манбалардан мисол тўпланг.

#### *Таянч тушунчалар:*

**Олмоши** – от, сифат, сон ва бошқа сўзларнинг мавжудлигини бевосита ифодаламай, улрнинг мавжудлигини кўрсатувчи мустақил сўз туркуми.

**Кишилик олмошлари** – шахсларни кўрсатади.

**Кўрсати олмоши** – предмет, белги, миқдор, вақт ва маконга нисбатан ишора қиласди.

**Ўзлик олмоши** – предмет, белги ва миқдорни таъкидлаб кўрсатади, тегишлилигини ифодалайди.

**Суроқ олмоши** – сўраш маъносини ифодалайди.

**Белгилаш олмоши** – тўданинг қисмини ёки тўдани, жамликни билдиради.

**Гумон олмоши** – ноаниқ шахс, белги, миқдорни билдиради.

**Бўлишсизлик олмоши** – шахс, белги ва миқдорни инкор этади.

**Олмошнинг маъно турлари** – олмош ифодалайдиган модал маънолар.

#### *Феъл*

#### *Режса:*

1. *Феълнинг семантик ва грамматик белгилари.*
2. *Феъл ясалиши.*

Феъл барча тилларда ҳам фаол бўлган сўз туркумларидан биридир.

Феъл семантик доираси кенг, лекин, асосан, иш-харакат ҳамда иш-харакат тасаввурини берадиган ҳолатни англатади, яъни *бармақ*, *келмәк* каби феъллар иш-харакатни, *көрмәк*, *ешиитмәк ойламақ* феъллари эса ҳолатни билдиради.

Феъл туркумига бир неча морфологик категориялар хосдир: функционал формалар, бўлишли-бўлишсизлик, нисбат, тусланиш, майл ва замон.

**Феъл аспектлари.** Айрим адабиётларда феъл аспектларига мумкинлик ва номумкинлик шаклларини ҳам киритадилар. Аслида мумкинлик-номумкинликни ҳосил қиласидаган грамматик шакллар (формалар) йўқ, балки бундай семантика қўшма феъллар орқали ҳосил қилинади. Масалан, *тарта алар – тарта алмас*.

Феълнинг бўлишли ва бўлишсиз шакллари феъл аспектлари категориясини ҳосил қиласиди, чунки бўлишсизлик *-ма// -мә* аффикси орқали ҳосил қилинади ва бу аффиксни олмаган сўз билан оппозицияга киришади: *барма*, *келтурмә* ва бошқалар.

**Ўтимли ва ўтимсиз феъллар ҳақида.** Ўзбек тилида унинг тарихий тараққиётидан қатъи назар бундай морфологик категория мавжуд бўлмаган, балки феълнинг тушум келишигидаги сўз билан боғланана олиши қобилияти унинг семантик хусусиятидир. Демак, ўтимлилик ва ўтимсизлик феъл шаклига эмас, балки у феълнинг семантик хусусияти билан боғланади.

**Феълларнинг ясалиши.** Феълдан бошқа туркумлардан сўз ясовчи аффикслар орқали феъл ясалиши мумкин:

*-ла/-лә* аффикси. Бу аффикс барча даврларда ҳам фаол қўлланган. От, сифат, сон, равиш, баъзан олмош туркумларидан феъл ясаган. Туркий ва туркий бўлмаган сўзларга ҳам қўшилган: *Төш-төштин пычаклаб, чапқулаб пәраладылар* (Бобурнома). *Бир күн намәзи пешинни гузарлады...*(Нав. Нас.муҳ.).

*-да/-дә* аффикси. Бу аффикс *-ла/-лә* аффиксининг фонетик вариантидир. Эски ўзбек тилида сонор ундошлардан сўнг қўлланган: *Пайдашҳ бу ғуламны индәди* (Таф.). *Йолдаса бу йолда Низамий йолум// Қолдаса Хусрав билә Жәмий қолум* (Хамса).

*-а/-ә* аффикси. От туркумидаги сўзлардан феъл ясаган: *Тунәди ләшкәр анда* (ШН). *Ашларыни ашаб ва йашларыни йашаб, аталары кейнидин кетди* (Ш.тар.).

*-й/-ай* аффикси. Сифатдан феъл ясаган: *Ул фақыр қашыда улғайыбдур* (Навоий). *Барча сазайтланыб атландылар* (ШН).

*-р/-ар/-эр* аффикси. Сифатдан феъл ясаган: *Бу навъ қара күн ичрә қарыб// Йаъники қара күнүм ақарыб* (Навоий). *Көкәргән йығачларның барчасы* (Ш.тар.).

*-қар/-кәр* аффикси. Отдан феъл ясаган: *Тағ тузны тун-у күн башқарыб// Хайалны йол ақбасыдын өткәриб* (Хамса).

-*к/-к*, -*ык/-ик*, -*ук/-үк* аффикси. От ва бошқа туркумлардан феъл ясаган: *Либāсы рәңин билмән, йолуқса, ҳайраттын* (Лут.). Ким *йагыкса шāхи Шайабāнигэ* (ШН).

-*са* аффикси. Отдан феъл ясаган: *Дилрабā, āби ҳайат ерниң үчүн жāн сусады* (Лут.).

-*сын* аффикси. От ва сифатдан феъл ясаган: *Йығламсынур –у көзигэ келмэс йаш* (Навоий).

### Таянч тушунчалар:

**Феъл** – иш-харакат ва холат билдирувчи сўзлар туркумини ифодалайди.

**Феъл аспекти** – бўлишили ва бўлишсизликни англатади.

**Феъл ясалиши** – бошқа туркумлардан сўз ясовчи аффикслар орқали феъл ясалиши жараёни.

### Феълнинг функционал формалари

*Режас:*

1. Эски ўзбек тилида ҳаракат номи формалари.
2. Равишдош.
3. Сифатдош.

Феълнинг нутқда қўлланишга хосланган шакллари унинг функционал (амалий) формалариидир. Феълнинг айрим формалари келишик, эгалик аффиксларини ҳам қабул қиласи, гапда от ва бошқа сўз туркумлари функциясини бажариб, эга, аниқловчи, тўлдирувчи ёки ҳол вазифасида ҳам кела олади. Шунга кўра, бундай формалар феълнинг грамматик функционал формалари ҳисобланади. Феълнинг грамматик функционал формаларини соф феъл, ҳаракат номлари, сифатдош формалари равишдош формалари ташкил этади.

Феълнинг грамматик функционал формаларида, бир томондан, феълга хос белгилар мавжуд бўлса, иккинчи томондан, морфологик хусусиятлари ва синтактик функциялари бўйича бу формалар бошқа сўз туркумларига ҳам якин туради. Бу жиҳатдан соф феъллар факат феълларга, ҳаракат номлари отга, сифатдош формалари сифатга, равишдош формалари равишга яқин туради.

**Ҳаракат номи формалари.** Улар иш-харакат ва ҳолатнинг атамасидир. Эски ўзбек тилида ҳаракат номининг қуидаги формалари амалда бўлган:

-*мақ/-мәқ* аффиксли форма. Бу форма ҳаракат номининг асосий кўрсаткичи сифатида фаол истеъмолда бўлган.

Жўналиш келишигининг -*а*, -*ә* аффикси қўшилганда, -*мақ/-мәқ* аффиксининг охиридаги [қ], [қ] ундошлари икки унли ўртасида жаранглилашиб, [ғ], {ғ} ундошларига ўтади: *Қачмазга йуз эвўрди (KP)*, *бақмазга имкан йок (MH)*.

Эгалик аффикси қўшилганда ҳам *-мақ/-мәк* аффикси таркибидаги жарангиз [қ], [қ] ундошлари жарангли (ғ), [ғ] ундошларига ўтиши мумкин: *Бу йазуқдан қутулмагым муҳал эсә,... (СС). Бир нафас сабр этмәги йоқ (СС).*

*-мақ/-мәк* аффиксли ҳаракат номининг бўлишсизлик маъноси икки хил йўл билан ифодаланган:

а) *-ма/-мә* аффиксли бўлишсиз формадаги феълга *-мақ/-мәк* қўшилиши билан: *Тиләнмәмәккә давлатындан маҳрум дуурлар (СС).*

б) сифатдошнинг *-мас/-мәс* аффиксли бўлишсиз формасига *-лық/-лик* аффикси қўшилиши билан (*-мас+лық//маз + лық*): *Мәним сөзим эши тмәзлик учун (ТФ). Оғлан билмәсликиндин қылур (КР).*

Ҳаракат номининг *-мақ/-мәк* аффиксли формаси от туркумидаги сўзлар каби эгалик ва кўплек қўшимчаларини қабул қиласди, келишиклар билан турланади, кўмакчилар билан қўлланади:

1. *-мақ/-мәк* аффиксли ҳаракат номи эгалик аффикслари билан қўлланганда, феъл негизидан англашилган иш-ҳаракатнинг қайси шахсга қарашли эканлиги кўрсатилади: *Мәним қуртулмагым анда турур (ТФ). Сэн әсрүк кэлмәкин мунда хата ул (ХШ).*

2. *-мақ/-мәк* аффиксли ҳаракат номига қўшилган *-лар/-ләр* аффикси одатдаги кўплек маъносини эмас, балки феъл ўзагидан англашилган иш-ҳаракатнинг субъект билан мослашуви учун хизмат қиласди: *Йусуфны олтурмәкләри иккидин ҳали эрмәс эрди (КР). Нэтәк ким ииғламақларыни эшиштим,...(НФ).*

3. От ўрида қўлланган бош келишиқдаги *-мақ/-мәк* аффиксли ҳаракат номи асосан эга, баъзан кесим ёки аниқловчи вазифасида қиласди.

Эгаси *-мақ/-мәк* аффиксли ҳаракат номи билан ифодаланган гапларнинг кесими асосан от ёки от туркумидаги сўзлар билан ифодаланади: *Ибраҳимга қонуқ тиләмәк фариза эрди (КР). Фи йат қылмақ улук йазуқлардын турур (НФ).*

*-мақ/-мәк* аффиксли ҳаракат номи келишик аффикслари билан қўлланганда ҳар бир келишик формасининг характеристига мувофиқ равишда турли синтактик вазифаларни бажаради: *Азынлар айбыны көрмәкини қойғыл (ХШ). Илмөгрәнмәккә кәлдим (КР). Андын йаранлары қаттық сөзләмәкди ийғылдылар (ТФ).*

*-ишиши/-иши, -ушуши/-уши* аффиксли форма эски ўзбек тилида кам истеъмолда бўлиб, айрим ёдгорликларда учрайди: *Йүгурушда забунракдур* (Бобурнома). ...*буларның алышы ва берисиши* (Бобурнома).

*-вувуши/-увувши* аффикли форма кам қўлланган: *Ондын икки кишии болды сақлав* (ШН).

*Сифатдош формалари.* Туркий тилларда сифатдош предметнинг белгиси бўлган иш-ҳаракат ва ҳолатни ҳамда бевосита иш-ҳаракат ва ҳолатни англатади. Сифатдош формаларида белги-ҳаракат маъноси билан бирга, грамматик замон маъноси ҳам мавжуд бўлади. Бу ҳол сифатдош формаларининг ҳаракат номи формаларидан фарқловчи асосий белгисини

ташкил этади. Сифатдош формаларини замон нүктай назардан қуйидаги икки асосий группага ажратиш мумкин: 1) ўтган замонни ифодаловчи сифатдош формалари. Бу группага *-мыш/-миш*, *-дүк/-дүк//-түк/-түк*, *-ған/-ғән//-қан/-қән*, *-ан/-ән* аффикслари билан ҳосил бўлувчи формалар киради; 2) ҳозирги - келаси замонни ифодаловчи сифатдош формалари. Бу группани *-р/-ар/-әр*, *-ур/-үр*, *-ыр/-ир*, *-йур/-йүр*, *-маз/-мәз//-мас/-мәс*, *-ғу/-ғү-қу/-қү*, *-гучи/-гүчи//-қучи/-қүчи*, *-дачы/-дәчи//-тачы/-тәчи*, *-ғлы/-ғли*, *-асы/-әси* ва бошқа аффикслар билан ҳосил бўлувчи формалар ташкил этади.

*Ўтган замон сифатдошлари.* *-ған/-ғән* (*-қан/-қән*) аффиксли сифатдош эски ўзбек тилининг барча даврлари учун характерли бўлган ва фаол кўлланган.

Кўлланиши, маъно ва функциялари:

1. Атрибутив позицияда қўлланиб, аниқловчини ифодалайди. Аниқловчи вазифасида келган *-ған/-ғән* аффиксли сифатдош атрибутив ўрам ташкил этади ва улар гап трансформациясида бўлиши мумкин:

а) эга+кесимдан иборат ўрамларда *-ған/-ғән* аффиксли сифатдош предикатив бирикмани ташкил этади: *Чэр ик тушкән йәргә кәлдиләр* (*КР*). *Жумламыз рәзимиз бу икки улуғым ыз сөзләгән сөзгә* (*НФ*).

б) сўз бирикмаси қолипида бўлади: *Раст сөзләгән хатунлар бурч қылсалар...* (*ТФ*). *Вафа қылған кишиләр гә вафа қыл* (*МН*);

2. *-ған/-ғән* аффиксли сифатдош отлашади ва от бажарадиган синтактик функцияларда кўлланади: *Бу йаратылған сизләрдә болса...* (*КР*). *Мәни йаманлаган ҳалак болды* (*НФ*). *Сэни көргән өзиндин йат болур* (*МН*).

Отлашган *-ған/-ғән* аффиксли сифатдош отга хос грамматик белгиларга эга бўлади ва шунга мувофиқ ҳар хил синтактик функцияларни бажаради:

а) *-лар/-ләр* кўплик аффиксини олади: *Аның бирлә болғанлар... бутга табынурларды* (*ТФ*). *Қамуг туғанлар өлди* (*КР*). *Йана эрмән тәзәнләр зәр болғай* (*ХШ*).

б) эгалик аффиксини олади: *Мән тамам алым болдум, ҳеч билмәгәни м қалмады* (*НФ*). *Бу сизниң кэлтүргәни и з бизгә йарамас* (*КР*);

в) келишик аффиксларини олади: *Ул сорғаныңы кәтәргил* (*НФ*). *Йықылғанларга андын дастғирлик йэткәй* (*Навоий МК*).

3. *-ған/-ғән* аффиксли сифатдош учун, соң (*соңра*), бирлә, кәби, бәру каби кўмакчилар билан қўлланади: *Сув тартқан учун ижрасын бәрәйин* (*КР*). *Бу бир қорғанны алған билә нә иши ачылгай* (*БН*).

4. *-ған/-ғән* аффиксли сифатдош *-тэк* кўшмчасини қабул қиласи: *Тиләб Шавур айытган-тэк ниишанын //сорар шаҳзаданың турған маканын* (*ХШ*). *Муганний мусиқий ағаз қылды//атасы торбасында йығлаған-тэк* (*СС*).

*-мыш/-миш* аффиксли сифатдош эски ўзбек тилининг барча даврларида фаол кўлланган бўлиб, унинг грамматик маъно ва функцияларининг тараққиёт даврлари икки босқичга бўлинади: биринчи босқич XV асрдан олдинги даврларни, иккинчи босқич XV аср ва ундан кейинги даврларни ўз ичига олади.

1. Ўзбек тилининг олдинги даврларида *-мыши/-мии* аффиксли сифатдош формасининг қадимги грамматик маънолари ва функциялари сақланган, яъни:

а) предметнинг ҳаракат белгисини кўрсатиб, аниқловчи вазифасида келади: *Келмиши йолларына йандылар* (*Таф.*). Бу қилмыши иш бирлэ биз залимлардын болур-миз (*ҚР*);

б) эгалик аффиксларини қабул қилади: *Агар бу аймышиң сөз раст эрсә...* (*Таф.*).

в) келишик аффикслари билан қўлланиб, гапнинг иккинчи даражали бўлакларини ифодалайди: *Эшиктил бу газалда ишләридин// Мұхаммад хожа бэг аймышларыдын* (*МН*). *Шамъун булардын қачмышида сувсамыш эрди* (*ҚР*).

2. Ўзбек тилининг XV аср ва ундан кейинги тараққиёт даврларида *-мыши/-мии* аффиксли сифатдошнинг грамматик маънолари ва функциялари чегараланган бўлиб, унинг асосан ўтган замон феъли сифатида қўлланиши давом этган.

Ўтган замон сифатдошини ясовчи *-дук/-дүк* аффикси қадимги ёдгорликлар тилида *-туқ/-түқ* кўринишида ҳам қўлланган. Грамматик маънолари ва функциялари жиҳатидан *-мыши/-мии* аффиксли сифатдошга ўхшайди: *Макка ачылдуқ кун болды* (*Таф.*). *Йусуфга йығладуқум көзумни ақарды* (*ҚР*)

*Хозирги - келаси замон сифатдош формалари.*

*-р* аффиксли форма. Бу аффикс *-р, -ар/-эр, -ур/-үр, -ыр/-ип, -йур/-йүр* варианtlарда қўлланган бўлиб, булардан қайси бирининг ишлатилиши шу аффиксни қабул қилувчи феъл негизининг ҳарактерига, унинг қандай товуш билан тугаган бўлишига боғлиқ.

Ундош билан тугаган бир бўғинли феълларнинг бир группасига *-ар/-эр*, бошқаларига *-ур/-үр* варианtlари (*қач+ар, кэт+эр, бар+ур, бил+үр*), ундош билан тугаган икки ва ундан ортиқ бўғинли феълларга *-ур/-үр* варианtlари қўшилади (*қайтар+ур, эшик+үр, уруши+ур, кэлтур+үр, қайтарыл+ур, көрсәтил+үр* каби). Баъзи манбаларда ундош билан тугаган айrim феълларга *-ыр/-ип* формасида қўшилиши ҳам учрайди.

Унли билан тугаган феълларга *-р* ёки *-йур/-йүр* варианtlари қўшилади (*башла+р* ёки *башла +йур, ишлә+р* ёки *ишлә+йүр*).

Ёзма ёдгорликлардан маълум бўлишича, туркий тиллар тараққиётининг қадимги даврларида унли билан тугаган феълларга *-йур/-йүр* варианtlари қўшилиши ҳарактерли бўлган. Масалан, Ўрхун-Енисей ва қадимги уйғур тили ёдгорликларида бундай феълларга асосан *-йур/-йүр* варианtlари қўшилган, XI- XII асрларга оид ҚБ, ҲҲ ва бошқа манбаларда ҳам кўпинча шу варианtlари қўшилган. Унли билан тугаган феълларга *-р* ёки *-йур/-йүр* қўшилиши ҳақида Маҳмуд Кошғарий ҳам маълумот берган. Унинг кўрсатишича, бундай феълларга *-р* ўрнида *-йур/-йүр* қўшилиши XI асрда арғулар тили учун хос бўлган.

*-р* аффиксли сифатдошнинг бўлишсиз формаси *-маз/-мәз//мас/-мәс* аффикси ёрдамида ҳосил бўлади. Бу аффикснинг жарангли *-маз/-мәз* варианtlари ўғуз группасидаги туркий тиллар учун хос бўлиб, қипчоқ ва

қарлук группасидаги туркий тилларда асосан жарангиз *-мас/-мәс* вариантылари күлланади. Ўрхун-Енисей ва қадимги уйғур тили ёдгорликларида ҳам факат жарангли *маз/-мәз* вариантылари күлланган бўлиб, ҚБда *-маз/-мәз* ва *-мас/-мәс* вариантылари параллел истеъмолда бўлган.

*-р* аффиксли сифатдошнинг күлланиши, маъно ва функ-циялари:

а) аниқланмиш вазифасида келган сўз *-р* аффиксли сифатдош ифодалаган иш-ҳаракатнинг субъекти бўлади: *Бу а қ а р арығ ким, сэнә бердим...* (*ТФ*). *Көрә бил мәз киши бағрын тилиңиз* (*XШ*). *Көңул бермә көңул бермәс кишиғә* (*СС*);

б) *-р* аффиксли сифатдош англатган иш-ҳаракатнинг субъекти аниқланмишдаги эгалик аффикси орқали ифодаланади: *Тузур ағрыйы кирди эрсә, Марийам қаҳ тутды* (*ТФ*). *Көни сөзләй ур көңлүн бар эрсә, айғыл* (*КР*).

2. *-р* аффиксли сифатдош от ўрнида күлланганда отга хос грамматик белгиларга эга бўлади ва шунга мувофиқ ҳар хил синтактик функцияларни бажаради:

а) эгалик аффикслари билан күлланади: *Лек мумкин дурур дава қылурум//саъй этиб ҳажсатың рава қылурум* (*Навоий СС*). *Жаҳандар сэндин өзгәйок тиләрим* (*XШ*);

б) келишик аффикслари билан күлланади: *Сәниң ишиқында сайранга Харазмий...* (*МН*). *Бизниң кэлүримизни эшишиб, қачыб бу айтылган уч йуртга бардылар* (*Ш.тар.*).

3. *-р* аффиксли сифатдош кўмакчилар билан күлланади: *Олтурур учун қабыл йер эрди* (*БН*). *Өлмәсдин бурун ачыб көзүмни..* (*Навоий ФШ*).

*-гу/-гү* (*-құ/-құ*) аффиксли сифатдош. Күлланиши, маъно ва функциялари:

1. Атрибутив позицияда күлланиб, аниқловчини ифодалайди, Бунда *-гу/-гү* аффиксли сифатдош атрибутив оборотни ташкил этади ва бундай оборотларда сифатдош формасидаги феълдак англашилган иш-ҳаракатнинг субъекти икки хил йўл билан ифодаланади:

а) аниқланмиш вазифасида келган сўз *-гу/-гү* аффиксли сифатдош ифодалаган иш-ҳаракатнинг субъекти бўлади: *Мәним илкимдин кэлмәгүши билгүрди* (*ТФ*). *Тузуб йэттиләр ав авлагу йэрғә* (*XШ*);

б) *-гу/-гү* аффиксли сифатдош англатган иш-ҳаракатнинг субъекти аниқланмишдаги эгалик аффикси орқали ифодаланади: *Сөзләгү күчум йок* (*КР*). *Сәниң ғүшиң сәни Хизр йалавач табару башлагай* (*ТФ*).

2. *-гу/-гү* аффиксли сифатдош от ўрнида күлланганда отга хос грамматик белгиларга эга бўлади ва шунга мувофиқ ҳар хил синтактик функцияларни бажаради: *Қайдабарғусыны билмәгэйләр* (*ТФ*). *На қылгусы билмәс болды* (*НФ*).

*-гучы/-гүчи* (*-қучы/-қүчи*) аффиксли форма *-гу/-гү* аффиксли сифатдошга шахс отини ясовчи *-чи/-чи* аффикси қўшилиши билан ҳосил бўлади. Шунинг учун ҳам бу формада феъллик хусусияти қучсизланиб, от туркумига яқин туради: *Күч қылгучы залим эрди* (*ТФ*). *ҚҚуйиашың эсиз көзни Қайтаргучы қудрати бар* (*КР*). *Ошул тағқазгучы Фарҳадны көрсун* (*XШ*);

*-дачы/-дәчи* (*-тачы/-тәчи*) аффикси билан ясалган сифатдош ҳам қадимги ёдгорликлар тилида фаол күлланган бўлиб, ўзбек тилида XV асрга

қадар қўлланиб келган: *Мен сениң төрүттәчиң, йараттачың-мен* (*Таф.*). *Биз йерни көкни төрүттәчи тәңригә табынур-миз* (*Таф.*).

-ғлы/-гли аффиксли сифатдош ҳам эски ўзбек тилининг илк даврларида кенг қўлланган бўлиб, маъно ва функциялари бўйича -дачы/-дэчи аффиксли сифатдошларга ўхшайди: *Кимарсә маңа раҳм қылмағлы йоқ* (*КР*). *Тушиндә көрди ким, к әли гли кэлди* (*НФ*).

-адурған/-эдурғэн аффиксли сифатдош. Бундай сифатдошлар XV асрдан кейин қўлланган: *Мени шайда қыладурған бу көңулдур, бу көңул, ҳар-у расвә қыладурған бу көңулдур, бу көңул* (Лутфий). *Қабулдын куч келәдурғэн жыҳатыдын султәнга қошула алмайдурлар* (Бобурнома).

*Равишдош формалари*. Эски ўзбек тилида қуйидаги аффикслар билан равишдош ҳосил қилинган:

-б(-ыб/-иб, -уб/-үб) аффиксли равишдош. Қўлланиши, маъно ва функциялари қуйидагича:

1. Шахсли феълдан англашилган иш-ҳаракатнинг бажарилиш ҳолатини кўрсатиб, равиш ҳолини ифодалайди. Бунда равишдош ифодалаган иш-ҳаракат билан шахсли феъл ифодалаган иш-ҳаракат ўртасидаги вақт муносабати қуйидагича икки хил бўлади:

а) равишдош ифодалаган иш-ҳаракат шахсли феъл ифодала-ган иш-ҳаракатдан олдин бажарилади. Бундай ҳолларда равиш-дош асосан ҳаракат маъносини ифодаловчи феъллардан иборат бўлади: *Буйурдылар ким, ҳужрасын бузуб, туфрағын ҳанақаҳдын ташқару ташласунлар* (*Навоий МН*). *Бухарадын қавун келтуруб, бир мажслисда кестурдум* (*БН*).

б) равишдош ифодалаган иш-ҳаракат шахсли феъл ифодала-ган иш-ҳаракат билан бир вақтда бажарилади. Бунда ҳар иккала иш-ҳаракат ҳам одатда такрорланувчи, давомли бўлади: *Чықтылар қорғаныга чапқыллашыб* (*ШН*). *Қайда көрсәм наъл нақшины өтәр-мен йуз сүргуб* (*Фурқат*).

2. Шахсли феълдан англашилган иш-ҳаракатнинг бажарилиш вақтини кўрсатиб, пайт ҳолини ифодалайди ёки пайт эргаш гап-нинг кесими вазифасида келади: *Йаҳуда бир сөзни эшишиб уру қобди* (*КР*). *Ахшам на ма зы қилиб эвингә кирди* (*НФ*).

3. Шахсли феълдан англашилган иш-ҳаракатнинг юзага келишидаги сабабни кўрсатиб, сабаб ҳолини ифодалайди ёки сабаб эргаш гапнинг кесими вазифасида келади: *Андын қорқуб башим ақарды* (*КР*). *Агар айсам башимдын кэчмиишин мэн//та нырка бармагын тишләгәй-сэн* (*XIII*).

4. -б аффиксли равишдош ифодалаган иш-ҳаракат кейинги феълдан англашилган иш-ҳаракатнинг аксини қўрсатади, яъни равишдош ифодалаган иш-ҳаракат билан кейинги феълдан анг-лашилган иш-ҳаракат бажарилиши нуқтаи назардан бири иккинчисига зид бўлади. Шунинг учун бундай ҳолларда кейинги феъл кўпинча бўлишсиз формада қўлланади: *Сиз кэлиб, ани кэлтүрмәсәнiz, сизгә дақы буғдай бэрмәз-мэн* (*КР*). *Бу буғдай көргәзиб, арпа сатар ул* (*XIII*).

5. Равишдошнинг -б аффиксли формаси боғловчилик вазифа-сини ҳам бажаради, яъни гапда уюшиб келган феълларнинг ол-дингиси (ёки олдингилари) шу равишдош формасида келиб, уюшиқ бўлаклар ўртасидаги

боғланишни кўрсатади: *Бу йалғанчилар мэни тутуб, ағзымга қан суртуб, сэнә келтурдиләр* (КР). Аны таҳт узә кэчириб, башына тажс қойуб, мамлакатни аңа таслим қылышыз (СС).

-*а/-ә(-й)* аффикси билан ясалган равищдош қуйидаги хусусиятларга эга:

1. Якка ҳолда қўлланади. Бунда шахсли феъл ифодалаган иш-харакатнинг бажарилиш ҳолатини билдиради: *Бир кун Ислам авқа бармыши эрди, Ибрәҳимни көрә келди* (КР). *Йузундин эмди аңа ашна тиләй келдим* (Лутфий).

2. Қўшма феълнинг компоненти бўлиб келади: *Йол башында тура қалды Мирза* (ШН). *Иттифақ қыла алмай, паришан барыб...* (БН).

3. Кўпинча такрор қўлланади. Бунда ҳам шахсли феъл ифодалаган иш-харакатнинг бажарилиш ҳолати кўрсатилади: *Фирәқ отына йана-йана келдим* (Лутфий). *Тамишый-тамишый аны қылай нөши* (Навоий МЛ)

-*у/-ү*(унлидан кейин -*йу/-йү*) аффикси билан ясалган равищдош қадимги ёдгорликларда кенг қўлланган бўлиб, эски ўзбек тилида XV асрга қадар анча актив истеъмолда бўлган, маъноси, функцияси бўйича -*а/-ә(-й)* аффиксли равищдошга яқин туради.

Мисоллар: *Көз йашы йығлайу, тушибийин дер айақына* (Саккокий). Аңа қаршу туру билмәди (КР). Қарындашлары аны авға алу бардылар (КР). *Кишиләр Муса йалавачқа келү башладылар* (ТФ).

Равищдош ясовчи -*бан/-бән* (ундошдан кейин: -*ыбан/-ибән//убан/-убән*) аффикси -*б* (-*ыб/-иб//уб/-үб*) аффиксига -*ан/-ән* қўшилиши билан ҳосил бўлган. Эски ўзбек тилида шеърий асарларда ишлатилган бўлиб, функцияси ҳам чегараланганди. Бу равищдош шакли шахсли феъл ифодалаган иш-харакатнинг бажарилиш ҳолатини, сабабини кўрсатади. Мисоллар: *Чықты ул мыңча киши атланыбан// иш қылурга барысы қатланыбан* (ШН). *Қучубан йығладым атам айагын* (Фурқат). Ул анда қолдыса азиз қадашым//ҳам биргә келибән болуб йолдашым (ХШ).

-*ғалы/-ғәли//қалы/-қәли* аффикси билан ясалган равищдош ҳам туркий тилларда қадимдан кенг қўлланиб келган бўлиб, эски ўзбек тилида ҳам актив истеъмолда бўлган. Ҳозирги ўзбек тилида бу аффикс -*ғани(-қани/-қани)* кўринишида ишлатилади.

Бу равищдош шахсли феъл ифодалаган иш-харакатнинг бажарилишидаги мақсадни билдиради. Мисоллар: Ул ҳанақаҳга ойнагалы кирдиләр (Нав. МН). *Малик анларны өлдүргәли қасд қылды* (Таф.). *Йусуфны көргәли зинданга келур эрдиләр* (КР).

-*ғач/-ғәч/-қач/-қәч* билан ясалган равищдош қадимги ёдномаларда учрамайди. Эски ўзбек тилида, асосан, XVасрлардан бошлаб кузатилади.

Бу равищдош пайт маъносини билдиради, яъни бу равищдош ифодалаган иш-харакат тугаши билан шахсли феъл ифодалаган иш-харакат бошланади. Мисоллар: *Йана шам олғач, олдылар бары маст* (Нав. СС). *Ачылгач келиб эртәси ҳужрасы//қылур жсан-у жсанжсал ҳар эртәси* (Муқ.).

-*ғунча/-ғүнчә//қунча/-қүнчә* аффикси билан ясалган равищдош эски ўзбек тилида анча кенг истеъмолда бўлиб, қадимги ёдгорликларда кам қўлланган.

Бу равишдош ҳам пайт маъносини билдиради, яъни равишдош ифодалаган иш-ҳаракат бошлангунга қадар шахсли феъл ифодалаган иш-ҳаракат юзага чиққан бўлади ёки давом этган бўлади. Мисоллар: *Хан йеткунчә аны қуладылар (ШН)*. *Лутфий мискиндин өлгүнчә дуа болсун сенә (Лутф.).*

### *Савол ва топшириқлар.*

1. Эски ўзбек тилида ҳаракат номи қандай қўшимчалар билан ҳосил қилинган?
2. Сифатдош шакли ҳосил қилувчи қўшимчаларни сананг.
3. Равишдошнинг ҳозирги ўзбек тилида қўлланмайдиган қандай шакллари мавжуд.

### *Таянч тушунчалар:*

**Феълнинг функционал формалари** – феълнинг нутқда қўлланиш шакли.

**Ҳаракат номи** – иш-ҳаракатнинг атамаси бўлиб, отга хос сўз ўзгариш хусусиятига эга бўлган ва гапда от бажарган вазифаларни бажаришга мос бўлган феъл шакли.

**Сифатдоши** – предметнинг белгиси бўлган ҳаракатни, баъзан иш-ҳаракатни тўғридан-тўғри англатадиган феъл шакли.

**Равишидоши** – ҳаракатни иккинчи бир иш-ҳаракат белгиси сифатида англатадиган, гапда ҳол ва эргаш гап кесими бўлиб келишга мослашган феъл шакли.

**Соф феъл** – буйруқ-истак, шарт ва баъзан аниқлик майллари ҳамда уларнинг замонлари маъноларини ифодалаб, ҳар доим тусланиш тизими элементи (унсури) сифатида йўлланадиган, гапда фақат кесим вазифасида келишига мос феъл шакли.

### *Эски ўзбек тилида майл ва замон формалари*

#### *Режса:*

1. *Майл ва замон формалари ҳақида тушунча.*
2. *Эски ўзбек тилидаги тусловчи аффикслар.*
3. *Буйруқ-истак майли формалари.*
4. *Шарт-истак майли формалари.*

Ўзбек тилида, шу жумладан, туркий тиллардаги майл ва замон формалари, майл ва замон формалари муносабати мунозарали масалалардан ҳисобланади. Туркий тиллардаги майл ва замон формалари учун маҳсус аффиксларнинг йўқлиги бундай мунозарага сабаб бўлмоқда.

Маълумки, майл иш-ҳаракатнинг воқеъликка муносабатини ифодалаб, феълдан англашилган иш-ҳаракатнинг бажарилиш хусусиятини, имкониятини, яъни, реал воқеликка, шароитга боғланганлигини билдиради. Масалан, *борди* феъли иш-ҳаракатнинг реал бажарилганлигини, *ишила* феъли иш-ҳаракатнинг бажарилиш ҳақидаги буйруқни ифодалайди.

Грамматик замон эса иш-ҳаракатнинг нутқ сўзланиб турган пайтга муносабатини ифодалайди. Демак, майл категорияси замон категориясига нисбатан кенгдир. Лекин ҳамма майл формаларида ҳам грамматик замон маъноси бир хилда мавжуд бўла бермайди. Масалан, аниқлик майлида ҳар учала замон, буйруқ-истак ва шарт майлида эса фақат келаси замон формалари мавжуд бўлади.

Ўзбек тилидаги майл ва замон формалари ҳақида тусланиш тушунчасизсиз фикр юритиб бўлмайди. Шу муносабат билан тусланиш тарихи ва унинг хусусиятига тўхталамиз.

Эски ўзбек тилида майл формалари қўйидаги уч туркумга бўлинади: *буйруқ-истак, шарт-истак, аниқлик*.

Туркий тилларда феъл тусланиши тарихан сифатдош (кейинчалик равишдош) формалари асосида, яъни майл ва замон формалари сифатдош формалари асосида асосида шаклланган (буйруқ-истак майли бундан мустасно). Кейинчалик бундай формалар таркибидағи сифатдош аффиксларининг айримлари сезилмас даражага келиб қолган. Масалан, *-дук/-дук/-туқ/-туқ* сифатдош аффикслари *-ди/-ды/-ти/-ты* аффиксига айланган, айримлари эса ҳозирги ўзбек тилида жуда каммаҳсул аффиксга айланган.

Эски ўзбек тилида тусловчи аффиксларнинг уч типи қўлланишда бўлган. Булар қўйидагилар:

1. I тип тусловчилар ёки тўла тусловчилар:

Бирлик	Кўплик
I шахс -мен	-биз, -миз
II шахс -сен	-сиз
III шахс -	-

2. II тип тусловчилар ёки қисқарган тусловчилар:

I шахс -м	-к/-к
II шахс -ң	-ныз/-низ/-нуз/-нұз/
III шахс (-сы/-си)	- - -

3. III тип тусловчилар феълнинг буйруқ-истак майлида қўлланади.

Тўла тусловчилар сифатдош ва равишдош формаларига ҳамда *-ғай/-ғәй/-қай/-қәй, -мақда/-мәқдә* аффиксли формаларига қўшилади. Қисқарган тусловчилар *-ди/-ды/-ти/-ты* аффиксли аффиксли, шарт формадаги феълларга ва *-ғу/-ғү/-құ/-қу* аффиксли формаларга қўшилади.

Шуни айтиш лозимки, тўла тусловчилар қадимги туркий ёдгорликларда *-ди/-ды/-ти/-ты* аффиксли формадан кейин ҳам қўлланган. Масалан, *басдымыз, буздымыз* (*KT*). Бу ҳолат эски ўзбек тилининг дастлабки ёдгорликларида ҳам қўлланган: *Эшиштимиз тақы билдимиз тедиләр* (*KР*).

Шахс-сон аффикслари тарихан кишилик олмошларининг ривожланишидан пайдо бўлган. Буни М. Кошғарийнинг маълумотидан ҳам билса бўлади. XI асрда ўғузлар, қипчоқларнинг айримлари ўтган замон маъносини ифодалаш учун –дүк/-дүк/-туқ/-туқ аффиксини ишлатиб, улар олдиdan кишилик олмошларини қўллаш уларнинг қайси шахсда эканлигини билдирган: *Мен йа қурдуқ* (*мен ёй қурдум*), *биз йа қурдуқ*, *ол келдук* (*у келди*), *олар эвгэ кирдук* (*улар уйга кирдилар*).

Кейинчалик кишилик олмошлари феълдан кейин ҳам келтириладиган бўлган: *мен бардуқ мен* (*мен бордим*), *сен бардуқ сен* (*сен бординг*) каби. Бунда шахс-сон маъносини ифодалаш учун кишилик олмошларини икки марта келтиришга зарурат бўлмай қолган. Шунинг учун феъл олдиdan келган кишилик олмошлари кўпинча тушириб қолдириладиган бўлиб, кейингиси сақланган ва шахс-сон кўрсаткичи сифатида тасаввур қилинган.

*Буйруқ-истак майли формалари.* Буйруқ-истак майли формаларида ҳам буйруқ, ҳам истак маънолари мавжуд, яъни, I шахс формаларида истак, II шахс формаларида буйруқ, III шахс формаларида эса ҳам истак, ҳам буйруқ маънолари мавжуд.

Эски ўзбек тилида буйруқ-истак майли кўп формали бўлиб, улар қуидагида ҳосил бўлади:

I шахс бирлик формалари:

-*(а)йын/-эйин.* Бу форма барча даврларда кенг қўлланган: *Құчум иетмишчә көп хидмат қылайын* (*МН*). *Кимгә изҳар әйләйин* (*Мунис*).

-*(а)й/-эй.* XIV асрдан кейинги ёдгорликларда қўлланади: *Гул келди ўзуз даврыдаким, ҳусн сатай деб* (*Лутфий*). *Мен қашың меҳрабына әлтәй дуадын ийдлық* (*Атоий*).

-*гайын/-гәйин//-гайым/-гәйим.* XV асрдан олдинги ёдгорликларда учрайди: *Кимгә дегәйим нечук қылайым, билмән, мен буила йырақда, ул йақынрақ жәндүн* (*Сайфи Сароий*). *Карам қылыйб, қулақ тутсаң, жаваб айгайым* (*Сайфи Сароий*).

-*(а)йым/-(э)ийм.* XV асрдан олдинги даврларда қўлланган бўлиб, кейинги даврларда эса айрим ёдгорликларда баъзан учраб қолади: *Мен қарындашларым бирлә кеңәшәйим* (*КР*). *Сениң учун шаҳарда бир йаҳши имәрат қылайым* (*Сайфи Сароий*).

Юқоридагилардан ташқари, «Қиссаси Рабғузий», «Тафсир», «Хисрав ва Ширин» асарларида -*ғам/-ғәм* аффикси ҳам I шахс буйруқ-истак майли формасини ҳосил қилган: *Фазл қылғам ва аңа артуқ бергәм* (*Тафсир*). *Бирини қурбан қылғам* (*КР*).

I шахс кўплик формалари. Буйруқ-истак майлиниг I шахс кўплиги қуидаги аффикслар билан ҳосил қилинган:

-*ғалым/ғәлим, -ғгалың/-ғалиң, -(й)алым/-(й)әлим.* Бу аффикслар XV асрдан олдинги давр ёдномаларида учрайди: *Эй рабб, бизгә фарман бергил, көккә ағгалым* (*Тафсир*). *Сиз он қой келтуруң, бишурүң, этини йегәлиң* (*КР*). *Ҳалымыз эзгү болмаз, нетәк қылалым* (*КР*).

Бу аффикс баъзан лаб унлиси билан -*алум/-әлум* формасида ҳам келади: *Бу эр улуғ сөз сөзләйү турур, кетәлум тедиләр* (*КР*).

-ғалы/-ғәли. XVI-XVII аср ёдномаларида учрайди: *Хеч йаманлық аңа йавуттагалы// сени телмуртуб аны туттагалы (ШН)*. Биз сени тутуб бермәгәли тедиіләр (Ш.тар.).

-*(а)лың/(ә)лиң*. XVIII асрғача бүлган ёдномаларда учрайди: *Асбаб қуруңлар, Эран шаҳрына барадың (Тафсир)*. Не болса болсун, уш башдың кечәлиң//*Бу сурат разыдын парда ачалың (ХШ)*.

-*(а)лы/(ә)ли* аффиксли форма XV-XVII асрлар учун характерли бўлиб, бу даврда буйруқ-истак майли I шахс кўплик маъносини ифодалашнинг асосий формаси сифатида ёдгорликларда кенг қўлланган: *Эмди сөзниң аслыга шуруъ қылалы (Навоий МК)*.*Андижсанга чекәли бизләр лашкар//тузәли ул сары ҳадҳы сафар (ШН)*.

-*(а)лық/(ә)лик*. XIV асрдан бошлаб қўлланади: *Хасмлық қылса, қылалық фани (ШН)*. *Өзимизни аҳвалымызын алатың (Ш.турк)*.

-*(а)йлық/(ә)йлик*. XIX асрдан бошлаб кенг қўллана бошлаган: *Берәйлик иккимиз ҳам аңа лашкәр/ болуб жәң әйләсүн сардәри әскәр (Фурқат)*. Эй йаҳшилар, келәйлик, бир жайға йығылышайлық, ойнайлық, куләйлик, әмән болайлық (*Муқимиий*).

*II шахс бирлик формалари*. Буйруқ-истак майлиниң II шахс бирлик маъноси эски ўзбек тилида асосан -ғыл/-ғил/-қыл/-қил аффикси билан ясалган форма орқали ифодаланган: *Эшиктил эмди ҳам бир хуш ҳикайат (МН)*. *Барыб ул ханны саламат тутқыл (МН)*.

Буйруқ-истак майлиниң II шахс бирлик формаси эски ўзбек тилида -ғин/-ғин/-қын/-қин аффикси билан ҳам ясалган. Бу аффикс -ғыл/-ғил/-қыл/-қил аффиксининг фонетик варианти бўлиб, нисбатан кейинги даврларда пайдо бўлган: *Келгин кэ, фирақың отыда қалмады ҳалым (Лутфий)*. *Мен дедим ким, раст айтқын (БН)*. *Баққын, экин пишәр-му афтаб көрмәй (Муқимиий)*.

Маълумки, ҳозирги ўзбек тили ва бошқа туркий тилларда буйруқ-истак майлиниң II шахс бирлиги кўпинча аффикссиз қўлланади, яъни формал жиҳатдан феъл негизига тўғри келади. Бу ҳолат эски ўзбек тилида ҳам кенг кузатилади: *Тақы йуз мың алтун келтур (КР)*. *Қарақчы көзләриңдин бир қыяба бақ (Атоий)*. Адл қулагы-ла эшик ҳалымы (*Муқимиий*).

Шеърий асарларда буйруқ-истак майли II шахс бирлиги аффикссиз қўлланганда, баъзан -у/-ү унлиси орттирилади. Бу ҳол Алишер Навоий ва Ҳусайн Бойқаро шеърларида учрайди: *Эй саба, аввара көңлум истәйү ҳар йан бару// Вади-йу тағ-у бийабанларны бир-бир ахтару. Ахтарурда тапсан үл көңлумки, мажнун шивадур// ҳар нечук болса әдәм саҳрәсы сары башқару*.

Мисоллардаги *бару, ахтару, башқару* феъллари боргин, *ахтаргин, бошқаргин* маъносини ифодалайди.

### *Буйруқ-истак майлиниң II шахс кўплик формалари.*

Эски ўзбек тилида буйруқ-истак майлиниң II шахс кўплиги учун қуидаги формалар қўлланган:

-*ң*(ундошдан кейин: -ың/-иң/-уң/-үң). Эски ўзбек тилиниң барча даврларида кенг қўлланган: *Эй пари рухсарлар, бизгә нигаҳ әйләб отың//бир*

*назар бирлә гаданы падшаҳ әйләб отың (Лутфий). Өзгә қылмаң бу дегән сөзүмни (ШН).*

*-ңыз/-ңиз*(ундошдан кейин: *-ыңыз/-иңиз// -ұңыз/-үңиз// -үңуз/-ұңуз*). Бу форма эски ўзбек тилида нисбатан кам қўлланган: *Аҳбаб, йигитликни ганимат тутуңуз//өзни қарылық меҳнатыдын қорқутуңуз* (*Навоий МК*). Бу кишигә ул чақлы нимәрсә бериниз (*Ш.тар.*)

*-ңлар/-нләр*(ундошдан кейин: *-ыңлар/-иңләр// -ұңлар/-ұңләр*) аффикси билан ясалган форма эски ўзбек тилида кам қўлланган: *Анда барыб, отав сүқуб келиңләр* (*Ш.тар.*). *Хизматымы йаҳши ққылыңлар билиб* (*Муқими*).

*-ңызлар/-ңизләр* (ундошдан кейин: *-ыңызлар/-иңизләр*) аффикси билан ясалган форма ҳам эски ўзбек тилида кам қўлланган: *Атайи ҳақын анда истәңизләр* (*Атоий*). *Фарйад қылыш айтыб туурур: мени өткәзиңизләр теб* (*Ш.тар.*).

*III шахс формалари.* Буйруқ-истак майлиниг III шахс бирлик формаси эски ўзбек тилида *-сун/-сүн* аффикси билан ҳосил қилинган (*барсун, келсун*), кўплик формаси эса бирлик формасига *-лар/-ләр* аффиксини қўшиш билан ҳосил бўлади (*барсунлар, келсүнләр*). Бу аффикснинг *-сын/-син* формаси ўтмишда ўғуз ва қипчоқ группасидаги туркий тиллар учун характерли бўлиб, ўзбек тилида асоан XIX асрдан бошлаб учрайди.

Алишер Навоий асарларида буйруқ-истак майлиниг III шахс бирлик маъноси феъл негизига *-дик* қўшилиши билан ҳам ифодаланган. Бу аффикс фақат юмшоқ варианта бўлиб, сингармонизм қонунига бўйсунмайди: *Чекибтур саъй этиб бисийар-бисийар/ йудик баитын айақ зинҳар-зинҳар. Йугандын соң суйуб айвандын алдик/ ҳаририн сувга йāхуд отга салдик* (Фарход ва Ширин).

Келтирилган мисоллардаги *йудик, алдик, салдик* феъллари *ювсин, олсин, солсин* маъносини ифодалайди.

*Шарт майли.* Шарт майли формасининг ясалишида эски ўзбек тили билан ҳозирги ўзбек тили ўртасида деярли фарқ йўқ.

Шарт майли аффикси эски ўзбек тилида *-са/-сә* қўринишида қўлланган: *барса, келсә* каби. Бу аффикс дастлаб *-сар/-сәр* формасида қўлланган: *барсар, келсәр* каби.

Шарт майли формасига шахс-сон қўшимчаларининг қўшилиши қўйидагича бўлган:

1. Шарт майли аффикси *-сар/-сәр* формасида қўлланганда, шахс-сон аффиксларининг фақат тўла вариантлари қўшилган: *барсар-мен, келсәр-сен, барсар-биз* каби.

2. *-са/сә* формасида қўлланганда, шахс-сон аффиксларининг қисқарган вариантылари қўшилган: *барсам, келсәм, барсалар* каби.

XI-XIV асрларда эса тўла вариантлари ҳам қўшилган: *барса-мен, келсә-сен* каби.

*Шарт феълининг аналитик формалари:*

*-са/-сә* эрди: Тапсам эрдиким, недур андын мурад (*Навоий ЛТ*). Кашки Йусуфны көрмәсә эрдим (*КР*).

-ди/-ды/-ти/-ты эрсә: Койдум эрсә бу мاشақат жāныма (Навоий ЛТ).  
Идрис шагирди бирлә муңа тапынды эрсә, биз ҳам тапынур-биз (КР).

-мыши/-мии эрсә. Кел, мениң бағрымны көр, йуз пāра хар бир дағыда//  
көрмиш эрсәң бағара гар лāлаи садбарг кам (Мунис).

### *Савол ва топшириқлар*

1. Майл деб нимага айтилади?
2. Замон тушунчасига изоҳ беринг.
3. Эски ўзбек тилидаги тусловчиларнинг гурухлари ва хусусиятларини айтиб беринг.
4. Буйруқ-истак майлида қайси аффикслар иштирокэтади?
5. Шарт майли формаларига манбалардан мисол келтириңг.

### ***Таянч тушунчалар:***

**Майл** – иш-харакат (холат)нинг реал воқеликка муносабатини билдиради.

**Замон** – иш-харакатнинг нутқ сўзланиб турган пайтга муносабатини билдиради.

**Тусланиш** – феълнинг шахс-сон аффикслари билан ўзгариши ва парадигма ҳосил қилиши.

**Буйруқ-истак майли** – бир парадигма ҳосил қилувчи ва буйруқ семаси етакчи бўлган феъл майли тури.

**Шарт майли** – бир парадигма ҳосил қилувчи шарт семали феъл майли тури.

### *Эски ўзбек тилида майл ва замон формалари(давоми)*

#### *Режас:*

1. *Аниқлик майли. Ўтган замон феъллари.*
2. *Хозирги ва келаси замон феъллари.*
3. *Феъл нисбатлари.*

Аниқлик майлида ҳар учала грамматик замон мавжуд: ўтган замон, ҳозирги замон, келаси замон. Аниқлик майлидаги ҳар бир замон бир неча формани ўз ичига олади ва бу формалар шу замон чегарасида турли маъно оттенкаларини ифодалашга хизмат қиласи.

*Ўтган замон феъллари.* Ўтган замон феъли тузилиши жиҳатидан даставвал қуйидаги икки группага бўлинади: 1) ўтган замон феълининг содда (синтетик) формалари; 2) ўтган замон феълининг аналитик формалари. Шуни айтиш лозимки, ўтган замон феъллари *–ди/-ды/-ти/-ты* аффиксли

феъл формалари ва феълнинг сифатдош, равишдош шаклларига тусловчи аффиксларнинг қўшилишидан ҳосил бўлади.

Ўтган замон феъли содда (синтетик) формалари эски ўзбек тилида қуидагичаҳосил қилинади:

-ды/-ди// -ты/-ти аффикли форма. Бу форма эски ўзбек тилининг барча даврларида кенг қўлланган ва у ушбу аффиксга қисқарган тусловчиларни қўшиш билан ҳосил қилинади: Элчи бу сөзләрниң барчасын айтды (*Ш.тар.*). Видәлашыб мурожиат марәсмыны ада қылдуқ (*Фурқат*). Тусланиш парадигмаси: *бардым, бардың, барды// бардуқ, бардыңыз, барды(лар)*.

-мыши/-миши аффиксли форма ҳам туркий тилларда қадимдан актив қўлланган бўлиб, эски ўзбек тилида ҳам анча кенг истеъмолда бўлган: Аруқны ул таш үскундә йолда унумыш-мен (*КР*). *Фурқатыңдын болмышам зар-у заиф* (*Лутфий*).

-дук/-дүк аффиксли форма. Ўтган замон сифатдошининг –дук/-дүк аффиксли формаси қадимги ёдгорликлар тилида кенг истеъмолда бўлиб, ўтган замон феъли функциясида ҳам қўлланган. Бу сифатдош ўтган замон феъли функциясида XIII-XIV асрларга оид ёдгорликлардан «Тафсир»да ҳам қўлланган бўлиб, унга кўпинча *туур* ҳолат феъли қўшилиб келган: *Мунда айтур қылдым теб, валекин қылмадуқ туур*. Ҳеч коз андағ көрмәдук туурлар, ҳеч көнгүл аның-дек санмадуқ болур.

-ган/-гән// -кан/-кән аффиксли ўтган замон сифатдошининг ўтган замон функциясида қўлланиши асосан XIII-XIV асрлардан бошлаб кузатилади: *Тақы ҳақиқатда мен қорқутган-мен* (*Тафсир*). Ақл-у жсан аламыга ишқ отыны салған-сен (*Лутфий*).

-б(-ыб/-иб/-уб/-уб) аффиксли равишидош асосида ясалган ўтган замон феъли. Бу феъл шакли эски ўзбек тилида қуидагича уч хил қолипда қўлланган:

а) *барыб туур-мен*. Бу форма асосан XV асргача қўлланган бўлиб, баъзан XV асрга оид ёдгорликларда ҳам учрайди: *Ибраҳим тевәдин инмәккә ант ичиб туур-мен, теди* (*КР*). Қачан көрсәләр аны ким, ваъда қылыб туурлар (*Тафсир*);

б) *барыбтур-мен/барыбдур-мен*. Унинг қўлланиши XIV асрнинг иккинчи ярмидан бошлаб кузатилади: *Болубтур-мен бу кун беганалар-дек* (*Атоий*). Учгалы пар чықарыбтур көнгум (*Мунис*).

в) *барыб-мен* типидаги форма XV асрдан бошлаб кенг қўлланган: *Базайат көнгумизни шад этиб-сен* (*Навоий ФШ*). Сиз ҳам туна кун урушуб бастуруб-сиз (*БН*).

Ўтган замон феълининг аналитик формалари.

Эски ўзбек тилида ўтган замон феъли аналитик формаларининг қуидаги турлари қўлланган:

-мыши/-миши эрди. Бу форма эски ўзбек тилида XV асрга қадар кенг қўлланган бўлиб, кейинги даврларда кам учрайди: *Мениң ҳар не ҳалымны билмиши эрдиң* (*Мунис*). Бир кун *Исмайл авқа бармыш эрди, Ибрәҳимны көрэ келди* (*КР*).

-ған/-ғән// -қан/-қән эрди. Бу форма XIV асрдан бошлаб кузатилади: *Қыйнаған* эрдүк анларны, күфр келтүрдиләр (*Тафсир*). Астрәбәдда айтқан икки матлаи түгәнмәй қалған эрди (*Навоий МН*).

-ды/-ди// -ты/-ти эрди. Бу форма қадимги ёдгорликлар тилида кенг қўлланган, эски ўзбек тилида XV асрга қадар кенг истеъмолда бўлган: *Йусуфны отағда қойдуқ* эрди, биз келгинчә *Йусуфны бөри йемиши* (*КР*). *Анлар қачтылар* эрди, малик *Дақиёнус йāрын билди қачмышларыны* (*Тафсир*).

-дук/-дук эрди. Бу форма XIII-XIV асрларга оид ёдгорликлардан «Тафсир»да анча кенг қўлланган: *Мен бутларны көрмәдук* эрдим, *турдум, Маккага бардым, көрдум.*

-б турур эрди формаси XIII-XIV асрларда кенг қўлланган бўлиб, кейинги даврларда учрамайди: *Сизгэ назара қылыб турур* эрдим (*КР*). *Тақы анда ким, сиз кизлениб турур* эрдиңиз (*Тафсир*).

-а/-ә(й)турур эрди, -а/-ә(й)дур эрди. Бу формалар бир фонеманинг икки хил кўриниши билан фарқланади, холос.

-а/-ә(й) турур эрди формаси XIII-XIV аср ёдгорликларида қўлланган: *Ләшкәрниң соңыда келә турур ердим* (*Ш.тар.*).

XIII-XIV аср ёдгорликларида бу формада -а/-ә(й) аффикси билан бирга, -у/-ү, -йу/-йү, -ай/-әй аффикси ҳам иштирок этган: *Бир оғлан билә келү турур ердим* (*Раб.*). ...*йылқылар кутәйә турур ерди* (*ҮН*).

-а/-ә(й)дур эрди формасининг қўлланиши XV асрдан бошлаб кузатилади: *Умрумизда мунча фарāгат қылмайдур* эдук (*БН*). *Бу фурсатта ким, «Мубайин»ни назм қыладур едим* (*БН*).

-р(-ар/-әр// -ур/-үр) эрди. Бу форма -р(-ар/-әр// -ур/-үр) аффиксли ҳозирги-келаси замон феълига эрди тўлиқсиз феъли қўшилиши билан ҳосил бўлган: *Башларын қуёйи салыб келурлэр* эрди (*БН*). *Йана төрт йуз қул бирлә сатығ қылурлар* эрди (*КР*).

-ғай/-ғәй// -қай/-қәй эрди формаси ҳам эски ўзбек тилида кенг қўлланган: *Бизниң күчумиз йетсә, бу тевәни өлтүргәй* эрдук (*КР*). Агар бурунрақ айттылмыши болса эрди, фақыр ҳаргэз өз матлаимни айтмагай эрдим (*Навоий, МН*).

*Ҳозирги замон феъли.* Ҳозирги замон маъносини ифодаловчи формалар ва уларнинг ясалиш усуллари бўйича эски ўзбек тили билан ҳозирги ўзбек тили ўртасида маълум ўзгачаликлар мавжуд. Ҳозирги ўзбек тилидаги -яп, -ётир, -ётиб аффикслари эски ўзбек тилида қўлланмаган. -моқда аффикси айрим ёдгорликларда учрайди.

Эски ўзбек тилида ҳозирги замон феъли маъноси асосан -а/-ә(й) аффиксли равишдош асосида ясалган формалар билан ифодаланган.

*Бара турур мен қолипидаги* форма XIII-XIV асрларда кенг қўлланган бўлиб, баъзан XV асрга оид ёдгорликларда ҳам учрайди: *Сорды: бу не ун турур? Айттылар: Омайя құлы Биләлга азаб қыла турур* (*Тафсир*). Ул вакътдын та бу күнгәгчә барча туркмәнләр ул китабның масалаларыга амал қыла турурлар (*Ш.тар.*).

*Барадур-мен қолипидаги форма эски ўзбек тилида кенг қўлланган бўлиб, XIV асрлардан бошлаб кузатилади: Бу йуртта хабар келди ким, Мансурның қызы Йусуф зайнүй мәлы билә келадур (БН).*

*Бара-мен формаси асосан XV асрдан бошлаб кузатилади: Муңа не учун рухсат берә-сиз? Бизни аз көрүб, қызылбашга қошула маққа бара туурур (Ш.турк).*

-мақда/-мәкдә аффиксли форма ёзма ёдгорликларнинг айримларида учрайди: *Айни инайатыңдын ҳалымга қыл назара//өлмәкдә-мен ғамыңдын, дардымга эйлә чара* (*Мунис*).

*Хозирги-келаси замон феъли.* Хозирги –келаси замон феъли эски ўзбек тилида -r(ундошдан кейин: -ар/-әр//ур/-үр) аффикси билан ҳосил қилинган. Шахс-сон аффиксларининг тўла варианти қўшилган: *барур-мен, келур-сен* каби. Лекин I шахс формаларини ҳосил қилишда шахс-сон аффиксларининг қисқа вариантлари ҳам қўшилган: *Қашы учун жāн берурәм достлар// тағ қопарыңыз йасағанда мāзāр* (*Лутфий*).

Унли билан тугаган феъллардан ҳозирги-келаси замон феъли –ур/-үр аффикси орқали ҳосил қилинган: *Сен-му бизгә бу сөзни сөзләйур-сен?* (*КР*).

*Келаси замон феъллари.* Эски ўзбек тилида келаси замон феълининг қуидаги формалари қўлланган:

-гу/-гү//-қу/-қү. Эски ўзбек тилида келаси замон феълини ҳосил қилувчи асосий форма ҳисобланган: *Бу китабны оқуғучы ва тыңлағучы, албатта, түрк болғусы туурур* (*Ш.тар.*). *Омар билди ким, Расулга барыб, андын шикайт қылғусы туурур* (*КР*).

-асы/-әси. XIII-XIV асрларга оид айрим ёдгорликларда учрайди: *Бу шаҳарга бир пайғамбар ҳижрат қыласы туурур, йаъны келәси туурур* (*Тағсир*).

-гай/-гәй//-қай/-қәй. Бу форма XI аср ёдгорликлари ва қадимги уйғур тили ёдгорликларида ҳам кенг қўлланган: *Муқаррар болды ким, таңласы болган нокар-у сардар, мāл-у жиҳаты билән чықыб, қорғанни ташургай* (*БН*).

*Феъл нисбатлари.* Эски ўзбек тилида ҳам феъл нисбатларининг қуидаги турлари мавжуд: *аниқлик, ўзлик, мажхұл, бирғалик, орттирма нисбатлар*.

*Аниқлик нисбати* учун эски ўзбек тилида ҳам маҳсус аффикслар қўшилмайди.

*Ўзлик нисбат* –н(ундошдан кейин: -ын/-ин//ун/-үн) аффикси билан ҳосил қилинган: *Куйди, ортәнди ғам отында ичим ташым мениң* (*Атоий*). *Оғуз хāнга бақынмады* (*Ш.тар.*).

Ўзлик нисбат маъноси баъзан мажхұл нисбат аффикси –л(-ыл/-ил//ул/-үл) билан ҳам ифодаланади: *Бу васила билә ҳайāл қылылды ким,..* (*Навоий, МН*).

*Мажхұл нисбат* –л(-ыл/-ил//ул/-үл) аффикси билан ясалади: *Қуллуқ арзадаит йэкишанба куни битилди* (*Навоий, МН*).

*Бирғалик нисбат* –и( ундошдан кейин: -ыш/-ии//уш/-үш) аффикси билан ясалади: *Икки қāши бāши бир қылыб, билмән, нэ сөз сөзләшиштиләр* (*Лутфий*). *Бир-икки қатла ул тараф бу тарафдын қылыч алыштылар* (*БН*).

*Орттирма нисбат* куйидаги аффикслар билан ясалган:

*-т(-ыт/-ит// -ут/-үт): Охшатты құкаматыңға санавбарны бāгбан (Навоий, МН).*

*-р(-ур/-үр// -ар/-әр): Кечүргәй уибұ дарийадын мени (Атоий). Шайдалыққа баш чықарур (Навоий, МК).*

*-тур/-түр// -дур/-дүр: Ҳажер оты бу күн ичимни күйдүрүр (Саккокий). Алтун уйны тиктүрди (Ш.тар.).*

*-гур/-гүр// -қур/-қүр// -қар/-қәр: Нә мунча йазғурадур шайхи парсā бизни (Атоий). Инсāфсыз адувны йаманлықдын өткәрүр (Навоий, МК).*

*-гуз/-гүз// -қаз/-қәз: Аллыда бир нечәни тургузды (ШН). Мени откәзиңизләр, теб,..(Ш.тар.).*

*-ыз/-из: тамызды, ақызды (Санглоҳ).*

*-сәт: Кемәни нечук йасарын көрсәтти (Ш.тар.).*

### *Савол ва топшириқлар:*

1. Ўтган замон феълининг содда формалари қандай ҳосил қилинганды?
2. Ўтган замон феълининг аналитик формаларига мисоллар келтириң.
3. Ҳозирги замон феълларининг ифодаланиши жиҳатидан ҳозирги ўзбек тили билан эски ўзбек тили ўртасида қандай тафовутлар бор?
4. Келаси замон феъл формаларига мисол келтириң.

### **Таянч тушунчалар**

**Ўтган замон феъллари** – нутқ моментига нисбатан олдин юз берган (юз бермаган) иш-харакатни англатади.

**Ҳозирги замон феъллари** – нутқ моментида юз берган (юз бермаган) иш-харакатни билдиради.

**Ҳозирги-келаси замон феъллари** – нутқ моментида юз берган ва ундан кейин амалга ошириладиган иш-харакатни англатади.

**Келаси замон феъллари** – нутқ моментидан кейин амалга ошириладиган иш-харакатни англатади.

**Феъл нисбатлари** – иш-харакатнинг субъекти ва объекти муносабатларини билдиради.

### **Равиш**

#### *Режса:*

1. Равиш ҳақида умумий маълумот.

2. Равиш ясалиши.
3. Равишининг маъно турлари.

Эски ўзбек тилида ҳам равиш категорияси сўз ўзгартирувчи аффикслар қабул қиласлиги билан характерланади. Бу ҳол равиш туркумининг бошқа мустақил сўз туркumlаридан фарқловчи ўзига хос белгисини ташкил этади. Гапда равишилар бошқа сўзлар билан битишив йўли билан боғланади. Айрим равишиларнинг таркибидаги келишик аффикслари эса ўзининг грамматик хусусиятини йўқотиб, сўзнинг таркибий қисмига айланиб қолган.

Эски ўзбек тилида истеъмолда бўлган равишиларнинг ва равиш маъносида қўлланувчи сўзларнинг маълум қисми бошқа системадаги тилларда ўзлаштирилган. Бундай сўзларнинг кўпчилиги эрон тилларига, айримлари араб тилига мансуб: *Аҳиста айтдуқымызын ҳам эшитур* (*Тафсир*). Мэн ҳаргиз алмыйшым йоқ (*КР*). ёчрэди наттҳу рақиби (*Лутфий*). *Даймā масту бэхабар көрүнур* (*Атоий*). Эски ўзбек тилида истеъмолда бўлган равишиларнинг асосий қисми ясама сўзлардан иборат бўлиб, улар морфологик ва синтактик усувлар билан ҳосил бўлган.

Асли ўзбекча туб равишилар жуда кам сонни ташкил этади. Булардан қуидагиларни қўрсатиш мумкин: *Бизниң аталарымыз ким, аину өлдилар*, (*Тафсир*). *Бат бол, башиң ал, қач* (*Атоий*). Эски ўзбек тилида туб сўз сифатида тасаввур қилинган айрим равишилар аслида ясама равиш бўлган. Масалан, *нару* (нари), *бэрү* (бери) равишилари узоқликни англатувчи *на* ва яқинликни англатувчи *бэ* сўзларига қадимги жўналиш келишиги аффикси – *ру* қўшилиши билан ҳосил бўлган.

Эски ўзбек тилида қуидаги аффикслар билан турли сўз туркumlаридан равиш ясалган:

–ча/-чә аффикси билан ясалган равиш иш-харакатнинг ҳолати, миқдори, даражаси каби маъноларни ифодалайди ёки бирор ҳаракат белгисининг бошқа ҳаракат белгисига ўхшашлигини қўрсатади. Бу аффикс турли сўзларга қўшилиб равиш ясади:

1. Отга қўшилади: *Алар ҳам туркчә айтурлар* (*Навоий МЛ*).
2. Кишилик ва кўрсатиш олмошларига қўшилади: *Дунйада бар-му экён мэнчә йаман* (*ШН*). Ҳеч кимгә сэнчә бермәди, *аййар*, *қаш-у* коз (*Лутфий*).

3. Сифатга қўшилади: *Падшайхзадаларның улуғина улуғча ва кичигина кичикча берди* (*Ш.тар.*).

–гача/-гәчә/-қача/-кәчә аффикси жўналиш келишигига –ча/-чә аффикси қўшилиши билан ҳосил бўлган қўшма аффикс бўлиб, от, сифат, олмош, равиш туркумидаги сўзлардан равиш ясади: *Тунгәчә урмақ эди көксига таш* (*Навоий, МК*). *Ушибу ҳафтагача йоқ* эрди *хабар* (*ШН*).

-тэк/-дэк аффикси ўхшатиш, қиёслаш каби маъноларни ифодаловчи равиш ясади: *Саккакий коз йашын йаз йамгуры-тэк йагдуур* (*Саккокий*). *Көрмәгән бир сен-дке аҳли розгәр* (*Навоий*).

-ла/-лә аффикси пайт маъносидаги отларга, асосан, *таң*, тун сўзларига кўшилиб пайт равиши ясайди: *Тұнлә-оқ йәтти ошул қорғанға (ШН)*. Эмди *таңла* бу сөз Абид хәнға йетәр (Ш.турк).

-ана аффикси отга қўшилиб, ўхшатиш, қиёслаш маъносидаги равиши ясайди. Ўзбек тилига бу форма эрон тилларидан ўзлаштирилган: *Сени мен өлтүрүр-мен, тәб айтты туркāна (Саккокий)*. Хэйли мардāна иигит эди (БН).

-ан аффикси эски ўзбек тилида кам истеъмолда бўлган: *Улуғлығы тахминан он қары болгай (БН)*.

*Синтактик* усул билан равиши ясалиши бўйича эски ўзбек тили билан ҳозирги ўзбек тили ўртасида деярли фарқ йўқ. Кўшма равишилар қўйидаги сўзлар иштирокида ҳосил бўлади:

1. *Бир* сўзига пайт, макон, ва шунга ўхшаш маъноларни билдирувчи сўзларни қўшиш билан: *Бир лаҳза сенсиз сабр йоқ (Лутфий)*. *Мени бир йердә муқим эткүсидур (ШН)*.

2. *Ҳар* белгилаш олмошига пайт ёки макон билдирувчи сўзларни қўшиш билан: *Ҳар кун саламға барур эрдим (Тафсир)*. *Ҳар йердә барсаңыз қуллугда болур-сиз (БН)*.

3. *Ул, бу, ошал* каби олмошларга пайт ёки макон билдирувчи сўзларни қўшиш билан: *Көңлум ул йāн тартадур (Лутфий)*. *Бу қыш қāр бисийāр улуг тушибу әрди (БН)*.

4. *Ҳеч, қай* олмошларига пайт ёки макон билдирувчи сўзларни қўшиш билан: *Ҳеч замāнда ҳеч ким эшишткән вә көргән йоқтур (Ш.тар.)*.

Эски ўзбек тилидаги равишиларни ҳам маъно жихатдан қўйидагича тасниф қилиш мумкин:

1. *Ҳолат равишилари*: ҳәиста, равāн, ҳсāн, ҳгāх, түркчә, ҳшықāна.
2. *Пайт равишилари*: тұнлә, ҳаргиз, нāгāх, ҳамиша, дамāдам, дамбадам, ҳар дам, ҳар лаҳза, аввал, ҳāлā.
3. *Үрин равишилари*: ҳар сары, бу йер, бунда, анда.
4. *Дараҗа-миқдор равишилари*: аз, көп, бүргүтчә, менчә, улуғча, ғāйат, бағāйат.
5. *Чегаралов равишилари*: ҳафтағача, көккәчә, Ғазнығача, ахшāмғача, хусусан, батахсис.
6. *Ўхшатиш равишилари*: лāладек, бурунғыдек, ынанғудек, йегүтек, паритек.

*Жуфт равишилар*. Эски ўзбек тилидаги жуфт равишиларнинг кўпчилик қисми от туркумидаги сўзларнинг равишига кўчишидан ҳосил бўлган: *Йана тун-кун бардылар (Тафсир)*. *Қазар эрди арығны кеча-кундуз (Навоий, ФШ)*.

### *Савол ва топшириқлар:*

1. Эрон тилларидан ўзлашган равишиларга мисол ёзинг.
2. Араб тилидан ўзлашган равишиларга мисол ёзинг.
3. Равиши ясовчи қўшимчаларни сананг.

4. Равишининг маъно турларини санаб беринг ва манбалардан мисоллар келтиринг.

### Таянч тушунчалар:

**Равиш** – ҳаракатнинг (ҳолатнинг) белгисини ифодаловчи сўз туркуми.

**Ясама равишилар** – бошқа сўз туркumlаридан турли воситаларда равиш ясалишидир.

**Равишининг маъно турлари** – равишининг ҳолат, пайт, ўрин, даражамикдор, чегаралов, ўхшатиш маъноларини ифодалашидир.

*Ёрдамчи сўз туркумлари.*

### Режса:

1. Эски ўзбек тилида кўмакчилар.
2. Боғловчилар.
3. Юкламалар.
4. Модал сўзлар.

**Кўмакчилар.** Эски ўзбек тилида қўлланишда бўлган кўмакчилар худди ҳозирги ўзбек тилидагидек, икки гурухга бўлинади: *a) соф кўмакчилар; б) функционал кўмакчилар.*

**Соф кўмакчилар.** Эски ўзбек тилида қўйидаги соф кўмакчилар истеъмолда бўлган:

**ёчун.** Бу кўмакчи бош келишиқдаги сўзлар билан қўлланган. Қўйидаги маъноларни ифодалайди:

а) аталганликни билдиради: *Бу ҳикайат эл учундур бары// бу ривайат эл учундур бары (ШН);*

б) сабабни билдиради: *Ҳиндустандын өзгә йэрдә болмас учун муны тақрыйб билә зикр қылдым (БН);*

в) мақсадни билдиради: *Илм таҳсили учун шаҳрга келибтур (Навоий, МН).*

**Бирлә (бирлән // билә // билән).** Бу кўмакчи дастлаб бирлә формасида қўлланган бўлиб, қолган формалари кейинчалик вужудга келган. Қўйидаги маъноларни билдиради:

а) биргалик маъносини: *Бэши йуз эр бирлә атланур болды (КР).*

б) восита маъносини: *Бутларына найзаның уни бирлән санчдылар (Ш.тар.)*

в) ҳолат, сабаб маъносини: *Йэтмиши йыл болды нэъмат бирлә умр кечурдум (КР)*

г) пайт маъносини: *Бир манзилга тунлә бирлә йэттиләр (Тафсир).*

*Киби/кәби.* Бу кўмакчи ўхшатиш, қиёслаш маъноларини ифодалайди: *Қылай Мажсунун киби көңгумни хали* (*Навоий ФШ*). *Өзгә хәнлар киби мажслис қурмас* (*ШН*).

*Бикин.* Бу кўмакчи XIV-XV асрларга оид ёдгорликларда учрайди. Юқоридаги кўмакчи каби ўхшатиш, қиёслаш маъноларини ифодалайди: *Төкулгәй әхирин андын қан йэр үзрә сув бикин қаным* (*Лутфий*).

*Йаңлығ (йаңлық).* Бу кўмакчи ҳам ўхшатиш, қиёслаш маъноларин ифодалайди: *Ғунча йаңлығ чак болмаган гирибән қалмады* (*Саккокий*).

*Узрә (узә).* Асосан шеърий асарларда қўлланган. Иш-ҳаракатнинг бирор нарса-предмет устида, юзасида бўлишини кўрсатади: *Сунбул гул узә сайа салыбдур-му йâхуд// ҳар йан ачылыбдур-му йўзүң узә кулла?* (*Мунис*).

*Ичрэ* кўмакчиси иш-ҳаракатнинг бирор нарса-предмет ичиди содир бўлишини кўрсатади: *Чара будур ки, көхисарп ичрэ// ватан эткәй қарангу гар ичрэ* (*Навоий СС*).

*Сары* кўмакчисининг ёзма манбаларда акс этиши XIII-XIV асрлардан бошлаб кузатилади. Бу кўмакчи иш-ҳаракатнинг йўналишини кўрсатади: *Аның-дэк урди йуз шаҳзада сары//ки сарсар савсаны әзада сары* (*Навоий ФШ*).

*Таба, табару.* Бу кўмакчи XV асргача истеъмолда бўлган, иш-ҳаракатнинг йўналишини билдиради: *Фаластин таба барур болдылар эрсә, йолда ажайибатлар көрдиләр* (*КР*).

*Теги* кўмакчиси XV асргача бўлган ёдгорликларда учрайди, иш-ҳаракатнинг пайт ёки ўринга нисбатан чегарасини билдиради: *Қыйаматқа теги әрәм қылгай* (*Хисрав ва Ширин*).

*Тегру (дегру)* кўмакчиси ҳам иш-ҳаракатнинг пайтга ёки ўринга нисбатан чегарасини билдиради: *Уч йылга тегру таҳсил қылдым* (*Фурқат*).

*Сайы//сайын* кўмакчиси иш-ҳаракатнинг давомийлигини кўрсатади: *Сени көргән сайын алләҳ дер-мэн* (*Лутфий*).

*Функционал кўмакчилар.* Функционал кўмакчилар ҳам худди ҳозирги ўзбек тилидагидек, уч гурухга бўлинади: а) от-кўмакчилар; б) равиши-кўмакчилар; в) феъл-кўмакчилар.

Эски ўзбек тилида қуйидаги от-кўмакчилар истеъмолда бўлган:

*Алд:* Тошни аның алдында қойдылар (*Ш.тар.*).

*Йан:* Йана Самарқандның қуьы йаныда Бағи Шамал ва Бағи Бэҳишттур (*БН*).

*Қат:* Чықыбан бэгләр аның қатыдын// йэтдиләр Қара көлгэ илғар (*ШН*).

*Қаш:* Чун бу сөз хан қашыда айтылды (*ШН*).

*Оң:* Фатима тақы тэkmәләри онында бирәр этмәк қойды (*Хисрав ва Ширин*).

*Ич:* Шах Малик эл ичигэ келди (*Ш.тар.*).

*Орта:* Балық анда тирилди, сув ортасына кирди (*Тафсир*).

*Ара:* Йаман катиб манзили қаламданы-дек чাখ ара болсун (*Навоий, МК*).

*Уст:* Андын соң Кашмир устигэ йўрди (*Ш.тар.*).

*Баш:* Чах башыда қойды бир кишини (Навоий, СС).

*Аст:* Меним қудратым астында қалғай-сиз (Тафсир).

*Туб:* Бирәгү ул там түбиндә кәчәрдә ул қавушдын тонына сув тамды (КР).

*Бабыда:* Самарқанддын қачыб келгән киши бабыда сөзләр битилиб эрди (Навоий, МШ).

Шу билан бирга, эски ўзбек тилида ҳақида, тараф, тегра, тогры, арт, кет, йуз, барасыда, хусусыда, васфыда, жыҳатыдын, хизмат каби от туркумига оид сўзлар функционал кўмакчи вазифасини бажарган. Айниқса, хизмат сўзининг семантикаси ўзига хос бўлган, яъни ўзбек тилидаги олд кўмакчиси ифодалаган маънони ифода қилган: *Бу байтны Абдураҳмән Жамий хизматыда оқубдур* (БН).

*Равиши-кўмакчилар* асосан чиқиш келишигидаги сўзлар билан қўлланиб, пайт маъносини ифодалайди. Эски ўзбек тилида қуйидаги равиши-кўмакчилар истеъмолда бўлган:

*Бурун:* Аны көргәч, фығаны жандын бурун чыққай (Навоий, МН).

*Илгәри/илгәру:* Бу китабны айтқандын он йетти йыл илгәри бизгэ йা�ғы болуб эрди (Ш.тар.).

*Ашну, оң. Илгәру, илгәри* кўмакчисига синонимdir: *Адамны йаратмазда ашну йер йўзингә халифа йаратур-мен* (Рабг.). *Фатима атаңга бу кундин өң емгәк тегмәгәй* (Нажҳ. Ф.).

*Кейин:* Ёч-төрт кундин кейин захм билә-ок барды (БН).

*Соң:* Зулайҳа Йусуфны зиндәнга салмыштан соң зиндән қапузына барур эрди (КР).

*Соңра:* Йана бир нечә қадам барғандын соңра шайх муридга йана айтты (Навоий, МК).

*Бери:* Андын бери бу бадийаны «Хадарвеш» дерләр (БН).

*Нары/нару:* Ул вақтда түркмэндин нары тарафында отурган элләр көп эрди (Ш.тар.).

*Отру:* Бу маънидын отру алаийхиссаламқа Мустафā ат берилди (Нажҳ. Ф.).

*Ташқары:* Шаҳруҳийадын ташқары Ҳайдар бэг салган бағда ханга мулазамат қылдым (БН).

Шунингдек, эски ўзбек тилида башика, өзгә, гайры равиши-кўмакчилари, XIII-XIV асрдаги манбаларда азын кўмакчиси ҳам қўлланган.

*Айру:* Сендин айру не керәк бизгә (ШН).

*Феъл-кўмакчилар.* Эски ўзбек тилида -а/-ә аффиксли равишдош формасидаги феъллар қўлланиш ўрнига қараб кўмакчи функциясини ҳам бажарган. Улар қуйидагилар:

*Көрә:* Ва аның қыйматы жавҳарыга көрә зâхир болур (Навоий, МК).

*Йараша:* Мәскәнигә йараша тушиб нур//ҳимматыга йараша тапты ҳузур (ШН).

*Бақа:* Ул даманадын көчуб, гарбқа бақа йўруб, сувсыз көлдә тушулди (БН).

*Боғловчилар.* Эски ўзбек тилида ҳам боғловчилар вазифасига кўра икки гурӯхга бўлинади: а)тeng боғловчилар; б) эргаштирувчи боғловчилар.

*Тенг боғловчилар* маъно ва вазифасига кўра қуидаги турларга бўлинади: а) бириктирув боғловчилари; б) зидлов боғловчилари; в) айирув боғловчилари; г) инкор боғловчилари.

Қуидаги бириктирув боғловчилари истеъмолда бўлган:

-у (-йу,-ву) боғловчиси форс тилига мансуб бўлиб, эски ўзбек тилида кенг қўлланган: *Жаҳāнда тапмагай ҳаргиз киши нāм-у нишāным (Саккокий). Тинмәдиләр сув ичиндә тун-у кун (ШН).*

Ва боғловчиси араб тилига мансуб бўлиб, эски ўзбек тилида кенг қўлланган: *Жоғы хāн өлди ва йурт оғлы Сайы хāнга қалды (Ш.тар.) Франсузча ва алманча хат ва лисāн билурни өзләригэ лāзим билурлэр (Фурқат).*

Ҳам боғловчиси уюшган бўлаклар ёки қўшма гап таркибидаги содда гаплар олдидан такрорланиб келган: *Мавлāнā Али Шихāб ҳам равān, ҳам пухта айтур экэндур (Навоий, МН).*

*Тақы/дағы* боғловчиси қадимги ёдгорликлар тили учун характерли бўлиб, эски ўзбек тилида ҳам кенг қўлланган: *Тағны эритур аҳым, асар қылгусы бир кун/көнлум нечə ким болса темур таш дағы полад (Лутфий).*

*Йэмə, ма XIII-XIV асрларгача* бўлган ёдномаларда учрайди: *Бу қисса йэмə тугэл шарҳ қылынмыши туурур (КР).*

*Айирув боғловчилари.* Қуидаги айирув боғловчилари қўлланган:

*Йā.* Уюшган бўлакларнинг ёки қўшма гап таркибидаги содда гаплар нинг бирини иккинчисидан ажратиб кўрсатиш учун қўлланган: *Шакардор ул ағыз йā писта, билмəн (Лутфий).*

*Йāхуд.* Қўлланиши ва маъноси бўйича *йā* боғловчисига ўхшайди: *Сунбул гул узə сайа салыбдур-му йāхуд//ҳар йан ачылыбдур-му йузүң узрə кулāла (Мунис ).*

*Гāх.* Бу боғловчи кўпроқ такрорланиб қўлланади: *Гāх сачын силэр эди, гāх йузин// гāх қашын сайлар эди, гāх көзин (ШН).*

*Зидлов боғловчилар.* Улар қуидагича бўлган:

*Аммā: Хоб айтиб эди, аммā мен рāзи болмадым (БН).*

*Лекин:* Атланыб йол сары майил болды// лекин ул шахр черикидин толды (ШН).

*Лек:* Йардын өзгэ ҳарна деб мāни//эшитиб, лек аңламай аны (Навоий, СС).

*Валекин:* Сениң ишқында Xāразмий йоқалды// валекин йер йузиндэ аты қалды (МН).

*Валек:* Қазар-мен уйла ки Фарҳāд дард-у ғам тāғын// валек тырнағым олды қазарда тэшə маңа (Мунис).

*Вале:* Барча тапылур бизгэ, вале йар тапылмас (Лутфий).

Эски ўзбек тилида ҳам нэ инкор юкламаси қўлланган: *Нэ кейин йаныб, нэ илгәри йўруб, сөзни бир йергэ қойалмай келурлэр (БН).*

*Эргаштирувчи боғловчилар.* Эски ўзбек тилида қуидаги эргаштирувчи боғловчилар қўлланган:

*Ким:* Ул тағларда расмурким, ташларда айъат битиб казурлар (БН).  
*Хан ҳукм қылдыким,* ҳеч ким мендин қалмасун теб (Ш.тар.).

*Ки:* Андақ хатун не йердин тапылурки, келиб анаңың орнын тутқай (Ш.тар.).

*Агар:* Агар киши падшах йасағлықдур, иши илгәри баруры инайатқа бағлықдур (Навоий, МК).

*Агарчи:* Факир аны агарчи көрмәй-мен, аммā Мавлānā Мухаммад Бадаҳшāнийдин эшитмиш-мен (Навоий, МН).

*Агарчанд, гарчанд:* Кайу шахридаким болса ҳунарманд// ҳама келди, йырақ эрди гарчанд (Фурқат).

*Ҳарчанд:* Ҳарчанд саъй қылдыким, Астрāбадны инисигэ бермәккә ризā болмады (БН).

*Чун, чу:* Умид улким, чун дарвиш киши эрди, баъзи мустажаб болмыш болгай (Навоий, МН).

*Чунким, чунки:* Васли ҳажрын қыссасын бир кун саңа шарҳ эйләгэй// чунки вāқифдур мениң йахшы-йаманымдын көнүл (Атоий).

*Тā:* Йахшыларыны тутуб өлтүрсүн, тā йаманлары ҳукмга бойун қойфай теди (Ш.тар.).

*Тāки:* Болдылар душман аның ханыға// тāки киргэйлэр аның қаныға (ШН).

*Теб/деб:* Ул оғлан ағач ичиндә туғды теб, атын қыпчак қойдылар (Ш.тар.).

*Юкламалар.* Эски ўзбек тилида қуидаги юкламалар қўлланишда бўлган:

-му: Шайх жанаби муридға айттыким, сенда ҳеч маълум бар-му? (Навоий, МК).

-оқ: Сахар-оқ қалъа узә миндилэр (ШН).

-ла: Тойны ташлаб келәдур-ла оғлун// ғамны ташлаб келәдүр-ла оғлун (ШН).

-ғына/-гинә: Буғына масалны йахшығына бағлаған учун умид улким... (Навоий, МН).

*Модал сўзлар.* Маълумки, модал сўзлар сўзловчининг айтилаётган фикрга турли қўшимча муносабатини ифодалайди. Эски ўзбек тилида қуидаги модал сўзлар қўлланган:

*Магар:* Магар эл аны майпараст эткәй// разини аңлағай чу маст эткәй (Навоий, СС).

*Қāшики:* Йэргэ кирсәм кāшки, чун йэтмәс ул айға элик (Лутфий).

*Шайад:* Шайад уйқу көзимгә майл эткәй// андын āсайышы маңа йеткәй (Навоий, СС).

*Балки (балким):* Дерләрким, шеърға андақ машъуфдурким, күндэ он газал, балки артуқ айтур эрмиш (Навоий, МН).

Мабāдā: Ки анда Авлийā хāжа мабāдā, отырган болса, қылма ашкāрā  
(Фурқат).

Башарти: Хеч бир сормасму-ды, нāкāм даврānlар өтэр// қуллары ичрэ  
башарти еътыбарым бар ерди (Муқ.).

Бāвужуди: Бāвужуди, бу жāмал истэр вафāсындын көнүл (Атоий).

Шунингдек, мавжуд, лозимлик, номавжудлик ва ҳоказоларни билдирувчи *бар*, *йоқ*, *лāзымы*, *керәк*, *даркāр*, *демәк* ва бошқа модал сўзлар ҳам фаол қўлланган.

### *Савол ва топшириқлар:*

1. Хозирги ўзбек тили ва эски ўзбек тилидаги қўмакчиларни қиёслаб чиқинг, улардаги фонетик ўзгаришларни изоҳланг.
2. Боғловчиларни санаб кўрсатинг, уларнинг қўлланиш хусусиятларига эътибор беринг.
3. Юкламалар ва модал сўзларнинг маъно ва вазифаларини изоҳлаб беринг.

### *Таянч тушунчалар:*

**Кўмакчилар** – от ёки отлашган сўзнинг феълга тобелигини таъминлайдиган сўз туркуми.

**Соф кўмакчилар** – айнан кўмакчилардир.

**Функционал кўмакчилар** – аслида бошқа сўз туркумiga оид бўлиб, функционал жихатдан кўмакчиларга транспозициялашган сўзлардир.

**Боғловчилар** – гап ва гап бўлакларини боғлашда қатнашадиган ёрдамчи сўз туркумидир.

**Юкламалар** – аташ вазифаси, лекин воқеликни (модал) ифода қиласадиган ёрдамчи сўз туркумидир.

**Модал сўзлар** – сўзловчининг ўз фикрига муносабатини ҳамда фикри тасдиқлаш, инкор этишни ифодалайдиган ёрдамчи сўзлардир.

### *Синтаксис*

#### *Режа:*

1. Тарихий синтаксис ҳақида маълумот.
2. Сўз бирикмаси.
3. Гап бўлаклари.

Қадимги туркий тил ва сўнгги даврлар тилининг синтактик тузилиши билан ҳозирги замон тили синтактик тузилишини қиёслар эканмиз, ўзбек тили синтаксисида ҳам жиддий ўзгаришлар бўлганини кўриш мумкин.

Шуниси характерлики, синтаксисдаги ўзгаришлар кўпинча морфология ва лексикада бўлган ўзгаришлар туфайли рўй берган. Масалан, восита келишигининг истеъмолдан чиқиши сўзларнинг бошқарув муносабатини ўзгартиради ва ҳол доирасини кенгайтиради. Синтаксис тараққиётидаги иккинчи омил- бошқа тилларнинг таъсири сезиларли бўлган. Бу тилнинг таъсири билан янги сўз бирикмалари, эргаш гаплар вужудга келди.

Маълумки, сўз бирикмалари иккига бўлинади: тобе бирикмалар, тенг бирикмалар. Тенг бирикмаларда сўзлар ўзаро тенг муносабатга киришса, тобе бирикмаларда сўзлар ўзаро тобе-ҳоким муносабати орқали боғланади.

Тобе бирикма таркибидаги бош ва эргаш сўзлар қандай воситалар билан боғланишига қараб, уч турга бўлинади: бошқарув, мослашув, битишув.

Бошқарув муносабатида эргаш сўз бош сўзнинг талаби билан бирор грамматик формада шаклланади. Бошқарувнинг икки тури мавжуд: келишикли бошқарув ва кўмакчили бошқарув. Келишикли бошқарувда бош сўз ва эргаш сўз ўзаро тушум, жўналиш, ўрин-пайт ва чиқиши келишиги ёрдамида боғланади. Кўмакчили бошқарувда бош сўз билан эргаш сўз кўмакчилар ёрдамида муносабатга киришади: *Вәҳм билә уйғаныб, қাখинләрни тиләб, бу түшниң тәъбирини тиләди* (Навоий НМ). *Вә бир аз фурсатдын соңра мәлики Райян ҳам әlamдын чықты* (Навоий НМ).

Мослашувли бирикмада бош сўз билан эргаш сўз шахс-сонда ўзаро мос бўлади. Улар ўзаро қаратқич келишиги ёрдамида боғланади: ...ул наваҳинин черики билә..(БН). Мениң ғанимим қорғандада эди (БН).

Битишув муносабатига кирган сўзлар фақат оҳанг ёрдами билан боғланади. Бундай муносабат сифат билан от, сон билан от, олмош билан от ўртасида бўлади: Бу түшүкни тешиб, ул сувни ичәдурләр (БН). Оттыз-қырқ бәрг шәхының учидә бир йердин-оқ ирикәк пәнжә урадур (БН).

**Изофа.** Изофа икки отнинг аниқловчилик муносабатига киришувидир. Изофа араб ва форс тилларига хос бўлиб, туркий тиллардаги мослашувли бирикманинг ўзидир. Ўзбек тили лексикасининг жуда катта қисмини араб ва форс сўзлари ташкил этгани учун бу тиллардан изофиий бирикмалар ҳам жуда кўплаб ўзлашган. Мисоллар: *Ҳаки пай, аби ҳайван* (Лутфий), *гунчайи хандан, булбули бостан* (Хоразмий), *шайхул ислом, Вә ҳазрат Шайхның «Маҳзанул асрар»ига жаваб айтывтур* (Навоий, МН). Араб ва форс тилларидаги аниқловчи-аниқланмишнинг жойлашуви билан ўзбек тилидаги аниқловчи-аниқланмишнинг ўринлашуви ўртасида жиддий фарқ мавжуд. Араб ва форс тилларида аввал аниқланмиш кейин аниқловчи келса, ўзбек тилида аввал аниқловчи сўнг аниқланмиш келади.

**Гап бўлаклари.** Маълумки, гап бўлаклари гапни ташкил қилувчи сўз шакллари, бирикмалари ва бошқа синтактик бирликларнинг таркибий ва маъно хусусиятларига кўра фарқланади. Бунда таркибий хусусият тушунчаси гап бўлакларининг ифодаланиши, уларнинг гапдаги бошқа синтактик ҳодисалар билан боғланишива синтактик мавқе тушунчаларини ўзида бирлаштиради, улар маълум бир маънони ташишга хизмат қиласди.

*Бош бўлаклар.* Маълумки, эга фикр обьектини, нутқ предметини кўрсатувчи бош бўлакдир. Анъанавий тилшуносликда гапнинг ҳоким бўлаги эга деб эътироф этилади. «Эга икки составли гапнинг бош бўлакларидан биридир: у ҳоким составнинг грамматик маркази, шу составдаги бўлакларга, шунингдек, тобе составдаги бош бўлакка – кесимга ҳам ҳокимдир. Эга абсолют ҳоким ҳолатдаги бўлакдир. У гапдаги фикр, хукм ўзига қаратилган предметнинг – нутқ предметининг номидир. Эга ҳаракатни бажарувчи ё қабул қилувчи шахсdir ёки кесим ифодалаган ҳолат, ё белги қарашли предмет» (Ғуломова А., Асқарова М. Ҳозирги замон ўзбек адабий тили. Синтаксис. Т., 1987, 77).

Кейинги йилларда гапнинг шаклий томони билан бир қаторда, унинг мазмуний томонини ўрганишга ҳам жиддий эътибор берилмоқда, яъни тилшуносликда мазмуний синтаксис деган янги йўналиш юзага келди. Бу борада А.Бердиалиев, Р.Сайфуллаева, А.Нурмонов, Н.Маҳмудов, А.Ахмедов, С.Солихўжаева, М.Абузалова ва бошқаларнинг тадқиқотларини кўрсатиб ўтиш жоиз. Бу тадқиқотларда гапнинг бош бўлаклари хусусида ҳам янгича қарашлар пайдо бўлди. Бу, айниқса, Н.Маҳмудов, А.Нурмонов, М.Абузаловаларнинг ишларида ўз ифодасини топди. Бу қараш бўйича ўзида предикативликни акс эттирадиган, гапни ўюштирувчи ва шакллантирувчи бўлак кесимдир. Кесим гапнинг марказий бўлаги бўлганлигидан бутун тавсифи – грамматик категориялари: тасдиқ-инкорлик, шахс, замон, коммуникатив мақсад ва ҳоказолар кесимга қараб белгиланади. Кесим гап қурилишида ўюштирувчилик ролини ўйнайди. Тўғри, кесим ҳақидаги бундай фикр-мулоҳазалар анъанавий тилшуносликда ҳам бор. Жумладан, А.Ғуломов шундай ёзади: «Кесим эга билан ўзаро боғланган бўлиб, гапнинг ўюштирувчи марказларидан биридир: у ҳукмни ифодаловчи, гапликнинг асосий белгиларини (модаллик, замон ва шахсни) – предикативликни кўрсатувчи энг муҳим бўлак бўлганлигидан гапнинг мазмунини, структурасини, характеристини белгилашда катта роль ўйнайди, эга нутқ предметини-темани (гапнинг нима тўғрисида боришинигина) билдиради, шу ҳақда нима дейилишини, хабарни, характеристикани кесим билдиради» (Ғуломов А., Асқарова М. Ҳозирги замон ўзбек тили. Синтаксис. Т., 1987, 84). Олим ҳатто кесимнинг гапдаги энг зарурий бўлак эканлигини эътироф этади. Гапнинг шаклланишида кесим муҳим роль ўйнашини айтади: «Гапни майдонга келтириш, фикрни ифодалаш жиҳатидан кесимнинг гапдаги ахамияти жуда каттадир: у коммуникацияда (алоқа – аралашув, хабар беришда) асосий вазифани бажаради. Гапда кесимнинг айрим бўлак сифатида ифодаланмай қолиши кучли сезилиб туради. Демак, гап тушунчаси кесим тушунчаси билан жуда зич боғлангандир. Предикатив алоқанинг кўрсаткичлари, одатда, кесимда бўлади» (Ғуломов А., Асқарова М., юқоридаги асар, 1987, 84).

Маълумки, гапнинг ҳарактерли белгиларидан бири предикативликдир. Демак, кесим предикатив алоқанинг муҳим кўрсаткичи, гап тушунчаси билан жуда зич боғланган экан, у гапда ҳоким бўлак ҳисобланishi керак.

Эга қуйидаги маъно хусусиятларини билдиради:

1. Ҳаракат, ҳолат ва белгини билдиради: *Ҳамул беш-он күнде абтар девәнаны бозаханада йана бир өзидек абтар бойныны чапыб өлдүрди* (*Навоий, XM*).
2. Иш-ҳаракат объектини билдиради: *Вазырга бу хабар иетиши* (*Навоий, ТМА*).
3. Иш-ҳаракатнинг ўрнини билдиради: *Вә ул ҳазратның мубарак мурқади Жам вилайатыда Харжуд қасабасынадур* (*Навоий, МН*).
4. Иш-ҳаракат ёки белгининг пайтини билдиради: *Вә Йалашиның замани беш йылдын жузвий өксүкдүр* (*Навоий, ТМА*).

Таркибиға кўра эга *содда* ва *мураккаб* турларга бўлинади. Содда эга бир сўз шакли билан ифодаланади: *Саҳават* инсанийат бағының барвар шаҗарибур (*Навоий, МК*). *Мири* мажслисдағы аҳли мажслисқа муттафық болды (*Навоий, МН*).

*Мураккаб* эга бир неча сўзлар бирикмасидан иборат бўлади: *Бу шеърга ҳазрат Маҳдуми Нуран* жаваб айтывтурлар (*Навоий, МН*).

Кесим гап таркибида муҳим ўрин тутадиган бош бўлакдир, шунинг учун ҳам у *содда* гапларда эганинг қўлланишига нисбатан муқимдир (Кесим ҳақидаги янгича қарашлар юқорида айтиб ўтилгани учун қайтариб ўтирумаймиз). Кесим ҳам худди эга каби *содда* ва *мураккаб* турларга бўлинади.

*Содда* кесим бир сўз шакли билан ифодаланади. Содда кесимлар қайси сўз туркуми билан ифодаланишига қараб *содда феъл* кесим ва *содда от* кесимларга бўлинади. Содда феъл кесимлар феъл, унинг сифатдош ва равишдош шакллари билан ифодаланади: *Ва салтанатының заманын ҳам мухталиф битибтурлэр* (*Навоий, ТМА*). *Достлар достлар вафасын асрагайлар* (*Навоий, НМ*).

*Содда от* кесимлар феълдан бошқа сўз туркумлари билан ифодаланади: *Йалған айтқучы гафлатадур* (*Навоий, МК*). Ул ҳам *Андыжандындор* (*Навоий, МН*).

*Мураккаб* кесимлар бир неча сўзлардан иборат бўлади. Улар ҳам *содда* кесимлар каби *мураккаб* феъл кесим ва *мураккаб* от кесимларга бўлинади.

*Мураккаб* феъл кесим адабиётларда *составли кесим* деб ҳам юритилади. *Мураккаб* феъл кесимлар асосан кўмакчи феълли сўз қўшилмасидан иборат бўлади: *Ул дагы башқара алмады* (*Навоий, ТМА*). Бундан ташқари, мустақил феъл+тўлиқсиз феъл қўшилмасидан ҳам *мураккаб* феъл кесимлар ҳосил қилинган: *Секиз мың шаҳ ва шаҳзада хыдматын қылур эрди* (*Навоий, ТМА*).

*Мураккаб от* кесимлар от+феъл ва от+боғлама қўшилмаларидан иборат бўлади: *Ва Шамда аларга көп муридлар пайдадорлар* (*Навоий, Нас.муҳ.*). *Жамиъ дарвешлар ҳазыр эрдилар* (*Навоий, Нас.муҳ.*).

Эски ўзбек тилида ҳам худди ҳозирги ўзбек тилидагидек, от кесимлар таркибида *-тур*, *-мен*, *-сиз*, *-биз* каби қўшимча- боғламалар, *эрди*, *эрмииш*, *бол*, *барур* ва форс-тожик тилидаги ҳаст боғламасидан нусха кўчириш асосида вужудга келган *бор* сўз боғламалари кенг қўлланган.

*Тўлдирувчи*. Тўлдирувчи гапнинг узвий бўлакларидан бўлган иккинчи даражали бўлакдир. Тўлдирувчи учун асосан от ва олмош туркуми ифода

ашёси бўлиб хизмат қилади. У *воситасиз* ва *воситали* каби икки турга бўлинади.

Воситасиз тўлдирувчи тушум келишигидаги сўз билан ифодаланади. Улар қуидагича ифода ашёсига эга бўлади:

1. От билан ифодаланган: *Бу залимлар мулкни барбад бергучидўрлэр* (*Навоий, МК*).
2. Отлашган сифат билан: *Ақыл бу тарықны шиар қылмас ва йахшийаманни ҳақ йаратқандын артуқ-өксүк билмәс* (*Навоий, МК*).
3. Олмош билан: *Жамикә аны көрдиләр* (*Навоий, МК*).
4. Феълнинг амалий шакллари билан: *Ишләри талай алғанны таламақ* (*Навоий, МК*).

Воситали тўлдирувчилар ҳаракат ўзига бевосита ўтган предметни эмас, балки ҳаракатга бошқа бирор йўл билан боғланган предметни кўрсатади ва улар келишикли ва кўмакчили сўз шакллари билан ифодаланади. Воситали тўлдирувчилар қуидаги сўз туркумлари билан ифодаланади:

1. От билан: *Рустамга жаҳан палванлығ лақабы бериб, сипаҳсалар қылды* (*Навоий, ТМА*).
2. Олмош билан: *ўләрдә бу ҳасад даим бар эрди* (*Навоий, ТМА*).
3. Отлашган сифат билан: *Туркий вә фарсийда табъи йахши тасаррүф қылур* (*Навоий, МН*).
4. Сон билан: *Агарчи бу маъни иккәлэсигэ қабиҳдур, амма эрэнләрғә көпрақ мужиби тафзиҳдур* (*Навоий, МК*)

Кўмакчили сўз шакллари билан ифодаланган тўлдирувчилар ҳам эски ўзбек тилида кенг қўлланган: *Көпрақ авқат Жайҳун қырагында болуб, атрак билә урушуб йўрүр эрди* (*Навоий, ТМА*).

*Аниқловчи.* Аниқловчилар ҳам маъно хусусиятига қўра икки турухга бўлинади: *сифатловчи аниқловчи ва қаратқич аниқловчи*.

Сифатловчи аниқловчилар бирор бўлакнинг белгисини билдириб, қуидагича ифодаланади:

1. Сифат билан: *Бу сўлук билә куллий мақсадга йетибтурлар* (*Навоий, МК*).
2. Олмош билан: *Ақыл бу тарықны шиар қылмас* (*Навоий, МК*).
3. От билан: *Ва ул Маний мусавирны ва атбायн ҳужжат билә тақfir қылыйб, жазаларыга йеткўрди* (*Навоий, ТМА*).
4. Сифатдош билан: *Ва ул төрт ай мулк сурды ва барур мулкни өзгәләргә тапшурды* (*Навоий, ТМА*).
5. Сон билан: *Падишах ансыз бир айағ ичмәс эрди* (*Навоий, ТМА*).
6. Равиш билан: *Парвиз Мадайин таҳтыга олтурууб, көп мәмәликни ҳийта тасаррүфига кийўрди* (*Навоий, ТМА*).

Қаратқич аниқловчилар қуидагича ифодаланган:

1. От билан: *Паҳлаваһ Кәтиб ҳам ул ҳазратның ашъару мусаннафатын китабат қылур* (*Навоий, МН*).
2. Олмош билан: *Ва аның васийатнамаларыны муталаа ққылыйб, ул дастур билә амал қылурга муртәкиб болды* (*Навоий, ТМА*).

3. Ҳаракат номи билан: *Йана ишқ атварыда ким, ашқ ва йыгламақ муқабаласыда аху ысығ дам умдадур* (*Навоий, МЛ*).
4. Сифатдош билан: *Ва алар мәзкүр болғанларның көпин түркча айтурлар* (*МЛ*).

Эски ўзбек тилида ҳам қаратқич аниқловчилар белгисиз қўлланган. Белгисиз қаратқич, асосан, от ва олмошлар билан ифодаланган: *Ва эл файзы учун вазн силкиғә назм бермәк* (*МК*). *Муаммā фаныда ҳам рисāла битибдур* (*Навоий, МН*).

*Ҳол.* Ҳол ҳам гапнинг таркибий ва узвий бўлакларидан бўлган иккинчи даражали бўлакdir. Ҳозирги ўзбек тили синтаксисига оид ишларда ҳолнинг маъно турларини белгилашда турлича таснифлар мавжуд. Ф.Убаева ўрин, сабаб, пайт, мақсад, натижа, миқдор, тартиб, биргалик-ёлғизлик, равиш, ўхшатиш, шарт, тўсиқсизлик, инкор ҳолларини фарқлайди (*Убаева Ф. Ҳол категорияси.Т., 1971, 19-б*). Бу таснифдаги натижа ҳоли сабаб ҳолининг бир маъно гурухи, тартиб ва биргалик, ўхшатиш ҳоллари эса равиш ҳолининг бир маъно гурухи эканлигини ҳисобга олинса, анъанавий ҳолнинг маъно таснифи ўзининг илмий қимматини йўқотмаганлигини сезиш қийин эмас.

Эски ўзбек тилида ҳам ҳолнинг қуйидаги маъно турлари қўлланган:

*Ўрин ҳоли.* Ўрин ҳоли ҳозирги ўзбек тилидагидек, келишикли ва кўмакчили шакллар билан ифода қилинган: *Қубāд Румга черик тартыб, музaffer ва мансур йанды* (*Навоий, ТМА*). *Ул Табаристāн сары тартыб урушимады* (*Навоий, ТМА*).

*Пайт ҳоли.* Пайт ҳоллари асосан пайт равишлари билан ифодаланган: *Эмди сөзниң аслыга шуруъ қылалы* (*Навоий, МК*). *Ва ҳамеша фақыр мусаҳыб эрди* (*Навоий, МН*).

*Равиши ҳоли.* Бу бўлак учун ҳолат равиши морфологик ашёдир: *Гайыбāна шатранжны хуб ойнар* (*Навоий, МН*). *Ва қасиданы пухта айтур* (*МН*).

Худди ҳозирги ўзбек тилидагидек, сифат билан ҳам ифодаланади: *Қағийасыны йахши айтмайдур эрди* (*МН*).

*Сабаб ҳоли.* Сабаб ҳоли учун маҳsusлашган сўз туркуми йўқ. Бундай ҳоллар иш-ҳаракатнинг, кенгроқ маънода белгининг мавқеъига нисбатан бошқа сўз шакларининг тутган мавқеъидан, яъни предикатга нисбатан сабаб муносабатини билдирган сўз шакли ва ибораларнинг мавқеъидан белгиланади. Сабаб ҳоли ҳам келишикли ва кўмакчили шакллар билан ифода килинади: *Алар ваҳҳымдын ул тифлни бир қыйматый нимәгә чирмәб, ул чāҳ башида қойуб қачтылар* (*Навоий, ТМА*). *Ул халайық таажжусуб йузидин андын ул ҳāл кәйфийётин сорубтурлар* (*Навоий, НМ*).

*Мақсад ҳоли.* Мақсад ҳолларининг ҳам келишикли ва кўмакчили шакллари мавжуд: *Шикайатга бу фақыр қашыға келдиләр* (*МН*). *Илм таҳсили учун шаҳрга келибтур* (*МН*).

*Даржас-миқдор ҳоли.* Маълумки, бундай ҳол учун даража-миқдор равиши ифода ашёси бўлиб хизмат қиласи, лекин сифат ва бошқа сўз

туркумлари ҳам даража-микдор ҳоли мавқеъида келган: *Табъи асру* хуб вәкъеъ болубтур (МН). *Ғазал көпрәк айтур* (МН).

Хулоса қилиб айтиш мумкинки, гап бўлакларининг таркибий ва маъно хусусиятларида ҳозирги ўзбек адбий тилига ўхшаш ва яқин турадиган ўринлар анчагина. Бу, ўз навбатида, ҳозирги ўзбек адбий тили синтаксиси эски ўзбек тили синтаксисининг бевосита давоми эканлигини қўрсатиб туради.

### *Савол ва топшириқлар*

1. Тенг ва тобе бирикмаларга Алишер Навоий асарларидан 10 та мисол ёзинг.
2. Гап бўлакларининг ҳар бирига учтадан мисол ёзинг.
3. Эски ўзбек тили синтаксиси билан ҳозирги ўзбек тили синтаксиси ўртасида қандай фарқли томонлар мавжуд?

### *Таянч тушунчалар:*

**Синтаксис** – гап, гап бўлаклари, сўз бирикмалари ҳақидаги билимларни акс эттирувчи грамматиканинг бир бўлими.

**Гап** – предикативлик ва интонацион жиҳатдан шаклланган нутқ ва тил бирлиги.

**Сўз бирикмаси** – камида иккита мустақил сўзнинг грамматик алоқасини орқали мураккаб мазмунни ифодаловчи синтактик ҳодиса.

### *Бир бош бўлакли гаплар*

#### *Режса:*

1. Бир бош бўлакли гаплар бўйича назарий маълумот.
2. Эски ўзбек тилида бир бош бўлакли гапларниң қўлланилиши.

Бир бош бўлакли гаплар икки бош бўлакли гаплардан кўра нутқий тежамли синтактик тузилмадир. Бундай гаплар бирон ҳодиса ёки ўта ахамиятли бўлган ахборот (ҳаракат, ҳолат, белги, предмет ва ҳодисалар)ни актуаллаштиради. Бу эса икки бош бўлакли гаплар сингари таркибий ва маъно хусусиятларни ифода қилишда тилда тенг хизмат қила олишини қўрсатади.

Туркий тилшуносликда ҳам бир бош бўлакли гаплар тил тараққиётининг барча даврларига хос бўлган синтактик ҳодисадир. Бунга туркий халқларининг энг қадимги ёдгорлиги бўлган «Кул тигин» битигтошидан кўплаб мисол келтириш мумкин: «... илгәрү күн тоғсиққа, биргәрү күн ортусынғару, қурығару күн батысына, йырғару тун ортусынғару, анта ичрәки будуны қоп

м(анча кәрүр, анч)а будун қон этдим». Бундай гаплар ёдгорликларда кўп учрайди.

Бир бош бўлакли гаплар туркий тилшуносликда анча мукаммал тадқиқ қилинган, лекин уларнинг ички таснифида ҳар хилликлар учрайди. В.Н.Хангельдин бир бош бўлакли гапларни эгали гап, эгасиз гап, инфинитив гап, предикативли гап, атов гап, сўз–гап каби турларга ажратса (Хангельдин В.Н., 1959), М.З.Закиев бир бош бўлакли гаплар бош бўлагининг қайси сўз туркуми билан ифодаланишига қараб феълли, отли ва сўз – гапларга ажратади (Закиев М.З., 1963, 39-52). И.Жакипов эса эгасиз гап, эгасиз шахсли гап, шахси ноаниқ эгасиз гап, шахси умумлашган эгасиз гап каби турларга ажратади (Жакыпов И, 1959, 246), лекин қозоқ тилшунослари бир бош бўлакли гаплар сирасида шахси аниқ гапни санаб ўтмайдилар ва *шахси ноаниқ гап ҳамда шахссиз гапларнигина қайд қиласидар*, шунингдек, *атов гап, ундов гап* типларини бир бош бўлакли гап сифатида қарамайдилар (Қаранг: Қозоқ тилининг грамматикаси, 1967, 126).

Ўзбек тилшунослигига ҳам F.Абдураҳмонов, А.Ғуломов, Асқарова М, А.Сафоев, А.Х.Сулаймонов, С.Усмонов, Э.Шодмонов, Б.Ўринбоев, Х.Фофуров, И.Расуловларнинг тадқиқотларида бир бош бўлакли гаплар ва уларнинг назарий асослари ёритиб берилган. Айниқса, И.Расулов бир бош бўлакли гапларни шаклий жиҳатдан чуқур таҳлил қилиб берган.

Эски ўзбек тилида ҳам бир бош бўлакли гапларнинг қуидаги турлари қўлланган:

**Шахси аниқ гаплар.** Маълумки, шахси аниқ гапларнинг кесими орқали унинг грамматик эгасини тиклаш мумкин. Кесим орқали эганинг қайси шахс ва сонда эканлиги аниқ кўринади. Баъзи адабиётларда бундай гаплар кесим орқали эга англашилиб турганлиги учун икки составли гапларга, баъзи адабиётларда эса тўлиқсиз гапларга ҳам киритилади. Лекин аксарият адабиётларда шахси аниқ гаплар сифатида эътироф этилади. F.Абдураҳмонов ҳам бу тип гапларни бир бош бўлакли гапларнинг бир тури сифатида қарамайди (Абдураҳмонов F., 1996).

Аксарият адабиётларда шахси аниқ гапларнинг кесими биринчи ва иккинчи шахс шаклида бўлади, учинчи шахс шаклидаги кесимлар эса шахси номаълум гапларга хос дейилади. А.Ғуломов шундай ёзади: «шахси аниқ бир составли гап учун кесимнинг биринчи ва иккинчи шахс формасида келиши кўп учрайди» (Ғуломов А., Асқарова М., 1987, 135).

Маълумки, биринчи, иккинчи ва учинчи шахс олмошлари ўз маъноси билан бир-биридан фарқ қиласиди. Биринчи ва иккинчи шахс олмошлари инсонни кўзда тутади, учинчи шахс олмоши эса конкрет учинчи шахсдан ташқари, ҳар қандай шахс ёки предметни ифода қилиши маълум. Шундай экан, учинчи шахс олмоши конкрет шахсни ифодалаганда, биринчи, иккинчи шахс олмошлари билан умумийликка эга бўлади. Бу вазифада у олмоши *мен, сен* олмошлари сирасида қаралиши лозим. Шу маънода у олмошининг гапда қўлланмаслиги *мен, сен* олмошларининг қўлланмаслиги каби синтактик норма бўлади. Шунинг учун бу тип гаплар эски ўзбек тилида:

I шахсда ҳам: *Икки күндин соңра йана алар хизматыға йеттим* (Навоий, ҲМ 57). Ул ҳазрат қашыда астагына оқудум (Навоий, ҲМ 18). *Барур кишидин ул ғазалға татаббуъ қылыб, нāма иибәриб эрдим* (Навоий, ҲМ 32).

II шахсда ҳам: *Хабар болғунча салāматтығ билә азимат қылыб эрмиш-сиз* (Навоий, МШ 114). *Ахбāб, иигитликни ғанимат тутуңуз* (Навоий, МҚ 81).

III шахсда ҳам: *Ва сұлтāни саҳибқұрāн астāнасыда болур эрди* (Навоий, МН 26). *Ҳәжәжси мубāрак сафарыға барыб, сайр расми билә Ҳинд сары мұтаважжих болды* (Навоий, МН 12) кенг қўлланган.

**Шахси номаълум гаплар.** Бундай гапларнинг кесими учинчи шахс кўплиқда ифодаланади. Бу жиҳатдан улар кўплик шаклидаги шахси аниқ гаплар билан синонимияни ҳосил қиласи. Мисоллар: *Ва пāдшāхāна жасин тұзұб, азим ашлар беріб, хатт қāидасын бажā келтүрдиләр* (Навоий, ҲПМ 87). *Йана бир қатла ушибу навъ мадрасада ҳам бу қитъани айтыб эрдиләр* (КМ 21). Бу гап шахси аниқ гап, чунки матнда аниқ шахс (Паҳлавон Маҳмуд) ҳақида сўз кетмоқда. Шунга қарамай, шакл ва мазмун жиҳатдан шахси аниқ гаплар билан айнан хусусиятга эга бўлган шахси номаълум гаплар учрайди: *Бу жиҳаттин аны Зул-Актāф дедиләр* (ТМА 214). *Fāyat یұмшағ сөзлигидин аны Йаздижурди Нарм дедиләр* (ТМА 221).

Шахси номаълум гапларнинг кесими феълнинг *-r(-ap,-ər,-ur,-yr)* қўшимчали сифатдош шаклидан ҳосил қилинган ва аксарият гапларда кесим вазифасида *дерләр, айтурлар* феъллари қатнашган: *Ва қымызын вә сузмәни вә бозаны туркчә айтурлар* (МЛ 16). *Вә көкәлтәшини туркчә тил билә дерләр* (МЛ 15).

**Шахси умумлашган гаплар.** Бундай гаплар мазмунан ҳар учала шахсга тааллуқли бўлиши барча адабиётларда айтилади. Бундай гаплар иккинчи шахс бирлиқда қўлланилиши билан характерланади: *Мувәшишиҳ ҳабарны чиндур деб достға йеткурмә вә биравның айбы вақеъ болса, йузигә* (Навоий, МҚ). *Қыла алғанча таъзим вә адаб бинасын йықма, вә ҳурмат хилватыдын чықма* (Навоий, МҚ).

**Шахссиз гаплар.** Бундай гапларда ифодаланган иш-харакат ёки бирор ҳолат бажарувчининг фаол иштирокисиз юзага чиқади. Бундай гапларда эга грамматик жиҳатдан ифодаланмайди; шахси номаълум ёки шахси умумлашган гаплардан фарқланган ҳолда бундай гапларнинг эгаларини тиклаб ҳам бўлмайди. Бундай гапларнинг кесимлари мажхул феъллар, мажхул феъл маъносида қўлланинган аниқ феъллар воситасида ифодаланади (Абдураҳмонов F., кўрсатилган асар, 24-бет). Мисоллар: *Вә шавқ йузидин баشتын қадам қылыб, Каъбаи мақсуд азмыға қадам урулды* (МШ 97). *Барча салāхийатын ушибу муаммāсыдын ихсāс қылса болур* (МН 95).

Шахссиз гапларнинг кесими *-мақ/-мәк* формали ҳаракат номи билан ҳам ифодаланиши мумкин: *Ул кишини құттуқ әздин ташқары сурмәк керәк* (МҚ).

**Атов гаплар.** Эски ўзбек тилида атов гапларнинг қўлланиш доираси чекланган. Улар, асосан, бадиий ва дидактик асарлар тилида қўлланиб, асар

сарлавҳаларини ташкил этган: *Муҳаммад Ҳоға бег сифаты* (*Муҳаббатнома*). Ҳикайат. Шэър. (ҚР).

Хозирги ўзбек тилида атов гапларнинг турли типлари келиб чиқди ва қўлланиш доираси кенгайди.

*Савол ва топшириқлар:*

1. Шахси аниқ гапларни мисоллар асосида тушунтириб беринг.
2. Шахси аниқ гаплар билан шахси номаълум гапларнинг қандай фарқли томонлари бор?
3. Шахссиз гапларга хос бўлган хусусиятлар нима?

*16-маъруза*

*Боғланган қўшма гаплар тараққиёти*

*Режса:*

1. Боғланган қўшма гаплар бўйича назарий маълумот.
2. Қиёслаш муносабатини ифодаловчи боғланган қўшма гаплар.
3. Пайт муносабатини иодаловчи боғланган қўшма гаплар.
4. Сабаб-натижа муносабатини ифодаловчи боғланган қўшма гаплар.

*Адабиётлар:*

1. Абдураҳмонов Ғ. Тарихий синтаксис.-Т., 1974.
2. Щербак А.М. Грамматика староузбекского языка.-М.-Л., 1962.
3. Серебринников Б.А., Гаджиева Н.З. Сравнительно-историческая грамматика тюркских языковю Фонетика, морфология, синтаксис.- М., 1986.

Анъанавий тилшуносликда боғланган қўшма гапларнинг маъно жиҳатдан беш тури: 1) қиёслаш муносабати; 2) пайт муносабати; 3) айирув муносабати; 4) сабаб- натижа муносабати; 5) изоҳлаш муносабати санаб ўтилади ва ҳар бир турнинг формал-грамматик томони таҳлил қилинади (Ўзбек тили грамматикаси, 1976). С.Солихўжаева тадқиқотларида эса боғланган қўшма гаплар орасидаги мазмуний муносабатлар ҳақида фикр юритилади (Нурмонов А., Маҳмудов Н., Аҳмедов А., Солихўжаева С., 1992, 120-200).

Рус тилшунослигига боғланган қўшма гаплар таркибидаги боғловчиларнинг иштирокига кўра икки гуруҳга ажратилади: а) очиқ структурали боғланган қўшма гаплар; б) ёпиқ структурали боғланган қўшма гаплар (Белошапкова В.А., 1967, 62-69). С.Солихўжаева тадқиқотларида ҳам ўзбек тилидаги боғланган қўшма гаплар шу тамойил асосида таҳлил

тилдади (Нурмонов А., Маҳмудов Н., Аҳмедов А., Солихўжаева С., 1992, 127).

Алишер Навоий насрий асарларидаги бир бош бўлакли боғланган қўшма гаплар таҳлил этилганда, шу нарса маълум бўлдики, бундай гапларни асосий боғловчи восита *ва* бириктирув боғловчисидир. Маълумки, ва боғловчиси гапнинг уюшиқ бўлакларини ҳам, қўшма гап таркибидаги содда гапларни ҳам бир-бирига боғлайди. Ҳозирги ўзбек тилида бу боғловчи билан «қўшма гап компонентлари сирасини давом эттирганда, биринчи ва иккинчи компонентни боғласа, кейинги компонент бошқа тенг боғловчи орқали ёки интонация орқали боғланади. Бошқача қилиб айтганда, биринчи ва иккинчи компонентларда бир тенг боғловчи грамматик форма сифатида иштирок этса, қолган компонентлар орасида бошқа бир тенг боғловчи грамматик форма сифатида иштирок этади. Бу стилистик жиҳатдан равонликни таъминлайди» (Нурмонов А., Маҳмудов Н., Аҳмедов А., Солихўжаева С., 1992, 127). *Ва* боғловчисининг семантик доираси эски ўзбек тилида, шу жумладан, Алишер Навоий асарлари тилида нисбатан анча кенгдир, у уюшиқ бўлакларда, айниқса қўшма гап кўчимидағи содда гап компонентларининг турли мазмун муносбатларини ифодалашда фаол қатнашган (Аширбоев С., 1990, 295-297).

Алишер Навоий асарлари тилида эса *ва* боғловчиси такоран қўллана беради. Мисол: *Деванлар учун феҳрист битиб эрдиләр ва ҳар бирин мавсум бир исмга қылыб эрдиләр ва бу исмга фақир баис болғаныны дағы изҳыр қылыб эрдиләр* (ХМ 57).

Фикримизча, бунга асосий сабаб *ва* боғловчисининг эски ўзбек тилида қўлланиш имкониятининг кенглигидир. Бу боғловчининг Алишер Навоий даврида уюшиқ бўлакларни боғлаш билан биргаликда янги гапнинг бошланишини кўрсатувчи ишора сифатида қўлланиши F.Абдураҳмонов томонидан тадқиқ этилган (Абдураҳмонов Г., 1960, 21) ва бу фикр бошқа туркийшунос олимлар томонидан ҳам маъқулланган (Мирзазода., 1968, 97). Демак, айнан мана шу ҳолат, яъни, *ва* боғловчисининг янги гапнинг бошланишини кўрсатувчи ишора сифатида ҳам қўлланиши очиқ структурали боғланган қўшма гапларда содда гапларни истаганча давом эттириш имконини берган. Иккинчидан, бу ҳолатни боғловчи шаклий воситаларнинг мавқеи у қадар муҳим эмаслиги билан ҳам изоҳлаш мумкин.

Синтактик конструкциялар семантикаси ҳақида сўз юритилганда *модус* ва *диктум* атамаларига тўхталиб ўтиш лозим. Модус ва диктум гапларнинг семантик хусусиятини белгилаб берувчи тушунчалар ҳисобланади. Бу тушунчалар рус тилшунослари ва ўзбек тилшунослари томонидан ҳам эътироф этилган.

Маълумки, диктум гапда асосий фикр-воқеанинг ифодаловчиси сифатида тушунилса, модус диктум воқеанинг субъектив интерпретацияси (Черемисина М.И., Колосова Т.А., 1987, 34) ҳисобланади. Модус ва диктум содда гапларда ҳам, қўшма гапларда ҳам мавжуд бўлади. Айниқса, қўшма гапларда уларнинг актуаллашуви ўзига хос бўлади.

Маълумки, қўшма гапларда икки ёки ундан ортиқ воқеалар ифодаланади. Мана шу воқеалар семантик хусусиятига кўра 2 хил бўлади:

1. Диктум воқеа.
2. Модус воқеа.

Эргашган қўшма гаплардаги диктум ва модус мазмуннинг ифодаланиши, уларнинг ўзига хос хусусиятлари Н.Махмудовнинг тадқиқотларида кенг ва атрофлича ёритилган (Махмудов Н., Нурмонов А., 1995, 166-218).

Бу хусусда Н.Махмудов шундай ёзади: “Бу ўринда гап маъносидаги икки хил табиатли мазмунни фарқлаш керак бўлади. Мазмуний синтаксиснинг тараққиёти муносабати билан, - деб ёзади В.А.Белошапкова, - жуда кўп тилшунослар томонидан турли вақтларда айтилган гап маъносида бир-биридан принципиал фарқланувчи икки тур мазмун – борлиқни акс эттирувчи холис мазмун ва фикрловчининг ана шу борлиқقا муносабатини акс эттирувчи субъектив мазмун қўшилган, деган фикр алоҳида долзарблик касб этади”. *Ва боғловчили қўшма гапларда турли мазмун муносабатлари ифодаланган. Улар қуидагилар:*

**1. Қиёслаш муносабати.** Бундай гапларда икки денотатив воқеа ўзаро қиёсланади. Мана шу қиёсланиш асосида ҳар иккала денотатив воқеа учун умумий бўлган семантика намоён бўлади. Масалан: *Ҳақ малын кўйдиргэнни девана дерлэр вә йаруқ кундэ шами кәфурий йаққанны ақлдын бегана дерлэр* (МҚ 111-112).

Биринчидан, ушбу гап таркибидаги содда гаплар тенгланиш асосида алоқага киришган, яъни ҳар бир денотатив воқеа якка ҳолда ҳам қўллана олади. Лекин иккинчи томондан, жипс мазмуний боғланиш бор. Аввало, ҳар иккала гапда битта умумий семантика-ақлсизлик изоҳланмоқда. Биринчи денотатив воқеа (*Ҳақ малын кўйдиргэнни девана дерлэр*) асосий воқеа, иккинчи денотатив воқеа (*Йаруқ кундэ шами кәфурий йаққанны ақлдын бегана дерлэр*) изоҳловчи воқеа иккинчи денотатив воқеага қиёсланган ҳолда унинг маъноси янада чукурроқ, кенгроқ изоҳланмоқда.

Ҳақ молини кўйдирган одам кундузида шам ёқиб юрган кишига ўхшатилмоқда. эз-ўзидан маълумки, кундузи шам ёқишига ҳеч қандай ҳожат йўқ. Кундузида шам ёқиб юрган киши, албатта, ҳаммага кулги, масхара бўлади. Ҳақ молини кўйдирганлар айнан шундай кишиларга қиёс қилинмоқда. Бу гап асосида *Ҳақ молин кўйдирган ёруқ кунда шамъи кофурий ёққан билан баробар* деган мазмун ётади.

Қўшма гаплар таркибидаги гапларнинг семантик боғланишида гаплар таркибидаги оппозитив воситалар муҳим роль ўйнайди\*. Бундай оппозитив воситалар ҳар иккала гап таркибида келиб ҳавола бўлаклар (*Ҳавола бўлаклар ҳақида қаранг: Махмудов Н., Нурмонов А., 1995, 172*) каби бир-бiriни талаб этади, семантик муносабатга киришади.

---

\* Биз оппозитив восита атамаси остида өзаро зид маъноли, бир-бирига яшин маъноли со才算лар, соз бирикмалари муносабати хусусида фикр юритамиз.

Юқоридаги мисолда денотатив воқеаларнинг семантик боғланишида ҳақ молин күйдирган - ёруқ кунда шамъи кофурий ёққан, девона – ақлдин бегона оппозитив воситаларнинг оппозитив муносабати муҳим восита сифатида иштирок этмоқда.

**2. Пайт муносабатини ифодалаган.** Анъанавий тилшуносликда *ва* боғловчиси содда гапларни бир-бираига боғлаганды: а) ўзи боғлаган содда гапларда ифода қилинган иш-харакат, воқеа ва ҳодисаларнинг бир вақтда бўлганини; б) иш-харакатнинг кетма-кет бўлганини ифодалаш айтилади (Шоабдураҳмонов Ш., Асқарова М. ва б., 1980, 426).

F.Абдураҳмонов тўғри таъкидлаганидек, бириктирув боғловчили қўшма гапларнинг бошқа маъно турлари ҳам маълум даражада пайт маъноси билан боғланади, аммо уларда ўзига хос маъно етакчи бўлади. Шунингдек, маълум бир пайт билан боғлиқ бўлган қўшма гапларда ҳам қўшимча, бошқа маъно оттенкалари бўлиши мумкин (Абдураҳмонов F.Қўшма гап синтаксиси асослари.-Т., 1958, 73).

Эски ўзбек тилида ҳам пайт мазмуни куйидагича ифодаланган:  
Кўшма гап таркибидаги ҳар икки денотатив воқеа бир пайтда содир бўлади:  
*Батахсис, «Кимйи саадат»дин ва шайх Азизи Насафий... расаилин ҳам таъриф қылурлар эрди ва андын сөзлэр нақл қылурлар эрди* (ҲСҲА 78).  
Денотатлар мазмуний боғланиши **«Кимёи саодат»дин, расаилин-андин** лексик воситалари оппозицияси орқали юзага чиқмоқда. *Андин* лексемаси юқоридаги лексемалар билан семантик муносабатга киришган ҳолда биринчи денотат билан иккинчи денотатнинг мантикий боғланишини таъминламоқда.

Денотатив воқеалар бирин-кетин содир бўлади. Бирин-кетин содир бўлишлик денотатлар таркибидаги айрим лексик воситалар семантикаси орқали реаллашади:

*Aхир* лексемаси орқали: *Көп кишивэр алды вә ахир риҳлат көсин чалды* (ТМА 213).

*Гаҳ* лексемаси орқали: *Вә гаҳ ғурбатда алил ва гарыб элигэ залил болдум вә гаҳ азизлар хизматыдын өзумни баҳраманд вә сөзумни дилписанд таптым* (МҚ 5-6).

**Нечә йил:** *Вә нечә йил алар хизматыга барыб, фақир тарийқын ихтийар қылдылар вә нечә йил алар сұхбат вә мулазаматларыда сулуҳ қылыб, хаақаҳларыда азим арбаинлар чықардылар* (ҲСҲА 83).

**Бир маҳал:** *Хаҳ бир маҳалда бирав учун айтған, хаҳ биравның руқъасыга жаваб йыбарған* (ҲПМ 82).

**Андын сөнрә:** *Сабзаварда қаза мансабыны аңа бергэндүрләр, андын сөнрә Исфараийнда қази болғандур* (МН 58).

**Муддатидурким:** *Вә Кирман вилоятида ҳукумат қылды вә муддатидурким, падшаҳ эшиги дә амарат деваныда муҳр басадур* (МН 184). Ушбу мисолда воқеаларнинг кетма-кет рўй бериши предикатлар орқали ҳам шаклланган. Биринчи денотатнинг предикати ўтган замон феъл шакли билан ифодаланган бўлса, кейинги денотатнинг предикати ҳозирги-келаси замон феъл шакли билан ифодаланган.

### *3. Сабаб-натижа мазмуни ифодаланган.*

Сабаб-натижа муносабати ҳақида гапирап экан, Ф.Абдураҳмонов бундай муносабатнинг юзага келишида факат боғловчилар эмас, балки содда гаплар таркибидаги айрим бўлакларнинг семантикаси роль ўйнашини таъкидлайди (Абдураҳмонов Ф., 1958, 73).

Мисолларга мурожаат қиласайлик: «*Минжоҳун-нажот*» қасидасыда ҳидаят тарийқын тузуб-мен вэ залолат аҳлыга нажат шаҳраҳын көргузуб-мен (МЛ 124).

Ушбу мисолда *Ҳидоят тарийқи – нажот шоҳроҳи* сўз бирикмаси оппозитив муносабатни юзага келтирмоқда. *Ҳидоят тарийқи* сўз бирикмасининг семантикаси *нажот шоҳроҳи* орқали изоҳланмоқда. *Ҳидоят тарийқи* лексик бирикмасининг мазмуни тўғри йўлга етаклаш йўли ёки қоидаси демакдир. *Нажот шоҳроҳи* эса *нажотнинг катта йўлидир*. *Ҳидоят тарийқи – нажот шоҳроҳи* изоҳловчи-изоҳланмиш муносабати орқали сабаб-натижа мазмуни келиб чиқсан. Демак, залолат аҳли учун нажот йўли бу ҳидоят тарийқидир, яъни уни ўрганиш, ундан огоҳ бўлиш. Залолат аҳли ҳидоят тарийқини ўрганиш орқалигина тўғри йўлга чиқиш мумкин.

Маълумки, ҳозирги ўзбек тилида *аммо* грамматик шаклининг ўзаро зид бўлган содда гапларни бир-бирига боғлаши тилшунослар томонидан эътироф этилган. Лекин эски ўзбек тилида бу шакл бир-бирига зид бўлмаган содда гаплар таркибида ҳам қўлланади. *Ва* шакли эса зидлов муносабатли қўшма гаплар таркибида ҳам келган. Бундай ҳолатлар ҳам мазкур шаклларнинг содда гапларни боғлашда асосий восита эканлигига шубҳа уйғотади.

*Аммо* боғловчиси қуйидаги ўринларда учрайди:

1. Зид муносабатли қўшма гапларда: *Хуши барыда йахши айатлар айтыб эрди, амма жунун вақтыда бу байтны көп оқур эрди* (МН 35).

Денотатлар орасидаги зид муносабат *хуши бор-жунун, яхши абёт - бу байт* оппозицияси орқали ифодаланган. *Хуши бор* - функционал бўлмаган предикатив бирикмаси жунун лексемаси билан семантик жиҳатдан ўзаро зид муносабатни юзага келтира олади, яъни аслий зидлик ҳисобланади. *Яхши абётлар* - бу байт сўз бирикмалари, тўғрироғи, *яхши* - бу лексемалари ўзаро зидлик оппозициясини келтириб чиқара олмайди, лекин бу лексемаси мазкур мисолда ёмон лексемасининг субститути сифатида келган бўлиб, контекстуал жиҳатдангина шу лексеманинг семантикасини ўзига олган. Демак, бундай зидликни нисбий зидлик деб аташ мумкин. Мазкур гапни қуйидаги кўчимда ифодалагандан мақсад ойдинлашади. Қиёсланг: *Хуши барыда йахши айатлар айтыб эрди, амма жунун вақтыда йаман байтларын көп оқур эрди йёки йахши байт айтмас эрди*.

2. Семантик жиҳатдан зид бўлмаган қўшма гаплар таркибида. Бундай гапларда *аммо* боғловчиси семантикасида зидлик тушунчаси бўлмайди, балки боғловчилик функцияси сақланиб қолган ҳолда, аммо сўзида таъкид маъноси ҳам бирга англашилади, лекин от ва унинг субститути оппозицияси икки гап семантикасининг бир-бирига

алоқадорлигини таъминлайди. Дағы *Истаҳрны бина қылды, амма көпрек авқат анда болур эрди* (ТМА 185). Шаклий томондан қараганда, зидлов боғловчи иштирок этган, демак, зидлов муносабат шаклланиши керак, лекин бу мисолда зидлаш муносабати йўқ. Денотатлар *Истаҳрни - анда оппозицияси орқали боғланмоқда*. Мазмунан кетма-кет рўй берган икки денотатив воқеа тенг мавқеда, пайт муносабати ифодаланган. Мазкур гапнинг иккинчи компоненти предикатида бўлишилилк семаси акс этган бўлса, «*Дамовадни бино қилди, аммо анда гаҳи бўлур эрди* (ТМА 185)» мисолида предикатда гарчанд бўлишилилк шакли реаллашган бўлса-да, мазмунан бўлишсизликни ифода қиласи. Бир қараашда аммо боғловчиси ўзаро зид мазмун муносабатидаги гапларни боғлагандек кўринади, лекин қўшма гапнинг умумий мазмунида бир компонент мазмунни иккинчи компонент мазмунини инкор этаётгани йўқ, яъни *Дамовадни бино қилганлиги*, унда *гаҳи бўлишига* қарши қўйилаётгани йўқ, бошқача айтганда, иккинчи гап биринчи гап мазмунига зид эмас, лекин гапда зиддияти бўлмаган *Дамовад – анда* от ва олмош (субститут) оппозицияси мавжуд.

*Савол ва топшириқлар:*

1. Кўшма гаплар билан ёйиқ содда гаплар ўртасидаги фарқни тушунтириб беринг.
2. Эски ўзбек тилида боғланган қўшма гаплар қандай боғловчилар ёрдамида боғланган?
3. Боғланган қўшма гапларга 10та мисол ёзинг.

*17-маъруза*

*Эргаш гапли қўшима гаплар*

*Режса:*

1. Эргаш гапли қўшима гаплар хақида назарий маълумот.
2. Эргаш гапли қўшима гаплар таснифи.

*Адабиётлар:*

1. Абдураҳмонов Ф. Тарихий синтаксис.-Т., 1974.
2. Щербак А.М. Грамматика староузбекского языка.-М.-Л., 1962.
3. Серебринников Б.А., Гаджиева Н.З. Сравнительно-историческая грамматика тюркских языковю Фонетика, морфология, синтаксис.-М., 1986.

Маълумки, эргашган қўшма гапларда икки ёки ундан ортиқ содда гаплар ўзаро ҳоким-тобелик муносабати орқали боғланади. Эргаш гап бош гапга тобе боғланиб, бош гапдаги бирор бўлакни изоҳлаб келади. Бош ва эргаш гап грамматик ҳамда мазмунан жипс боғланиб, яхлит бирликни ташкил этади ва умумий бир фикрни ифодалайди. Улар ўзаро феълнинг амалий шаклларининг қўлланиши (турли грамматик воситалар билан бириккан сифатдош, равишдош ва шарт феъли), ёрдамчи сўзлар орқали муносабатга киришиши айтилади (Абдураҳмонов Ф., 1996, 185). Эргашган қўшма гапларнинг гуруҳланиши эргаш гапнинг бош гапдаги қайси бўлакни изоҳлаб келишига қараб белгиланади. Шуни айтиш керакки, эргаш гапларнинг таснифида тилшуносляр ўртасида умумийлик бор. Ўзбек тилшунослигида эргаш гаплар мазмуний – шаклий жиҳатдан 14 турга ажратилади: 1) эга, 2) кесим, 3) тўлдирувчи, 4) аниқловчи, 5) равиш, 6) ўлчов- даражা, 7) чоғиштириш-ўхшатиш, 8) сабаб, 9) мақсад, 10) пайт, 11) ўрин, 12) шарт, 13) тўсиқсиз, 14) натижа эргаш гаплар (Ғуломов А., Аскарова М., 1987, 187). Н.Маҳмудов ҳам эргашган қўшма гаплар семантикасини айни шу тасниф асосида таҳлил этади (Нурмонов А., Маҳмудов Н., Аҳмедов А., Солихўжаева С., 1992, 243). Ф.Абдураҳмонов эса уларни қўйидаги турларга ажратади: 1) аниқловчи, 2) тўлдирувчи, 3) эга, 4) кесим, 5) пайт, 6) сабаб, 7) шарт, 8) мақсад, 9) тўсиқсиз, 10) натижа, 11) равиш, 12) қиёс, 13) умумлаштирувчи-изоҳ эргаш гаплар (Абдураҳмонов Ф., 1996, 191-216). Унинг бу таснифида юқоридаги барча қўшма гаплар акс этган бўлса-да, қиёс ва умумлаштирувчи эргаш гаплар асосиз майдалаштирилиб юборилган. Масалан, умумлаштирувчи-изоҳ эргаш гапли қўшма гаплар табиати ҳақида тўхталар экан, у шундай ёзади: «Эргаш гапларнинг шундай турлари борки, улар бош гапга аналитик-синтетик йўл билан боғланади. Бу ҳолда бош ва эргаш гап ўзаро нисбий олмошлар орқали бирикиб, эргаш гапнинг кесими шарт майли орқали ифодаланади. Демак, бундай эргаш гаплар бош гапга асосан лексик воситалар ва шарт майли орқали боғланади. Бу боғланиш икки томонлама бўлиб, боғловчи лексик воситалар ҳам эргаш гап, ҳам бош гап таркибида қўлланади» (Абдураҳмонов Ф., 1996, 216).

Эски ўзбек тилида ҳам эргаш гапли қўшма гапларнинг юқоридаги турлари қайд қилинади. Қуйида уларни кўриб ўтамиз.

*Эга эргаш гапли қўшма гаплар.* Маълумки, эга эргаш гап бош гапдаги олмош билан ифодаланган эгани изоҳлаб, тўлдириб келади. Эски ўзбек тилида эга эргаш гап бош гапга қўйидагича боғланган:

1. Ҳозирги ўзбек тилидагидек, феълнинг шарт майли формаси ёрдамида: *Ҳар ким падшаҳ болса, йана йаңы хазана йығмақ керәк* (БН). *Ҳар киши тўркичә айтса, бир аяғ ичсүн* (БН).
2. *-р(-ар,-эр,-ур,-үр)* аффиксли сифатдош формаси ёрдамида: *Ул чин сөзни йалғанга қатар, дурры самиинны најласатқа атар* (Навоий МК).

3. Феълнинг аниқлик майли формаси ёрдамида: *Ҳар киши ким тириклик манзылыға келибтур, ахыр дунйа ғамханасыдын кечкүсидүр* (БН).
4. –кэ,-ким боғловчиси орқали: *Сөңрә маълум болды ким, мужсавырларның тазвыры экәндүр* (БН).

Эски ўзбек тилида ҳам эга эргаш гап бош гапда ифодаланмаган эгани изоҳлаб келган: *Ҳар кимкә вафа қылса, вафа тапқусыдүр//Ҳар кимкә жафа қылса, жафа тапқусыдүр* (БН)

*Кесим эргаши гапли қўшима гаплар.* Кесим эргаш гап бош гапнинг олмош орқали ифодаланган кесимини изоҳлаб, бош гапга ҳозирги ўзбек тилидагидек, –кэ,-ким боғловчиси орқали боғланган. Бош гапнинг кесими вазифасида ҳозирги ўзбек тилида шу олмоши келади. Эски ўзбек тилида эса кўпроқ бу, булар, ул кўрсатиш олмошлари қўлланган. Мисоллар: *Ҳимматы вә ғаразы ул эдиким, ул ишини камалга тегүргәй* (БН). Умид андақдурким, уибу күн таң-ла *Хисравшаҳның жамиъ навкар вә савдары келиб, падшаҳ қуллуғын қабул қылгайлар* (БН).

*Тўлдирувчи эргаши гапли қўшима гаплар.* Маълумки, тўлдирувчи эргаш гаплар бош гаплардаги тўлдирувчи синтактик вазиятидаги лексеманинг маъносини тўлдириб келади ва бош гапга –ки // -ким шаклий воситаси орқали боғланади: *Ақибат ача қарап тапты ким, салтанат тажсын икки ач арслан арасида қойгайлар* ( Навоий ТМА ). *Иши ача йетти ким, бизниң эл хандақ йақасығача барыб, қул вә дадак келтүрүрләр* эди (БН).

Ҳозирги ўзбек тилида тўлдирувчи эргаш гаплар бош гапга феълнинг шарт майли шакли, *деб* ёрдамчиси, *-ми,-чи,* *-ку* юкламалари ва –ки боғловчиси ёрдамида боғланади. Эски ўзбек тилида эса асосан –кэ,-ким воситасида боғланган.

*Аниқловчи эргаши гапли қўшима гаплар.* Маълумки, аниқловчи эргаш гап бош гапдаги аниқловчи вазифасида қўлланган, айрим сўзларнинг маъносини конкретлаштириб келади ёки бош гапдаги предметнинг аниқловчиси вазифасини бажаради. Аниқловчи эргаш гап қўпинча бош гапдаги предмет белгисини унинг ҳаракати ёки ҳолатига кўра аниқлади. Аниқловчи эргаш гап бош гапдаги от орқали ифодаланган турли бўлакларни изоҳлаб келади.

Аниқловчи эргаш гапнинг тарихий тараққиётига назар ташласак, уни узок тарихга эга эканини кўрамиз. Аниқловчи эргаш гапли қўшима гаплар қадимги туркий тилда, шунингдек, эски ўзбек тилида ҳам кенг қўлланган.

Ҳозирги ўзбек тилида аниқловчи эргаш гаплар бош гапга –ки боғловчиси ҳамда шарт майли формаси ёрдамида боғланади. Эски ўзбек тилида ҳам шундай ҳолни кузатиш мумкин: *Ҳажса фаланга дағы ҳукм болса ким, алар ишидин хабардар болуб, аларга мададкарлығыда тақсир қылмаса* (Навоий МШ ). Судурға ҳукм болса ким, *вилайат авқафыдын хабардар болсалар* (Навоий МШ). *Андақ ривайат қылдылар ким, чумчуқ беизгәк болғандур* (БН)

Баъзан аниқланаётган бўлак шаклан ифодаланмаслиги ҳам мумкин. Лекин мазмунан у тўлиқ англашинаверади: *Андоқ эшишилдиким,*

*Астрободда оламдин ўтубтур* (Навоий МН). Мазкур мисолда бош гап таркибидаги аниқланаётган бўлак (*хабар*) шаклан ифодаланмаган. Аниқловчи эргаш гап бош гапдаги айнан ана шу ифодаланмаган субъектни аниқлаб, изоҳлаб келган. Имплицит субъект *андоқ* ҳавола бўлаги орқали англашилиб турибди.

*Сабаб эргаш гапли қўшма гаплар.* Бундай гапларнинг мазмуни сабаб муносабатидан иборат. Эргаш гап сабаб воқеани, бош гап ундан келиб чиқадиган натижани ифодалайди. Бундай эргаш гапларда содда гапларнинг семантик муносабатида *ул жиҳаттин, бу жиҳаттин* лексик бирикмаларининг семантикаси муҳим аҳамиятга эга. Бу воситалар бош гапнинг бошида келиб, сабаб ҳоли семантик вазиятини эгаллади. Сабаб воқеа ана шу воситалар ёрдамида натижа воқеанинг ичига киради. Сабаб воқеа, яъни, шарт эргаш гап олдин, ундан сўнг бош гап келади. Чунки сабаб воқеа ифодалангандан сўнг *ул жиҳаттин, бу жиҳаттин* воситалари билан асосий денотатнинг юзага чиқиш сабаби изоҳланади. Шунинг учун эргаш гапнинг бош гапдан олдин ўринлашуви мантиқан тўғри.

Мисоллар: *Бард лафзыдын аччығы келур эрди, бу жиҳаттын ача ташвииш берурлэр эрди* (Навоий МН). Чун сизниң табуғызызда давлатхаҳлыг сөзини айтурга маъмурмен, *ул жиҳаттын густаҳлыг билә арзадашт битилди* (Навоий МШ ).

Юқорида таъкидланганидек, чун лексемаси сабаб эргаш гапли қўшма гапларда ҳам қўлланиб, улар ўртасидаги семантик муносабатни реаллаштирган. Бунда ҳам эргаш гап бош гапдан олдин келган: *Ул хазратга чун равшан болуб эрди, инаор қыла алмадым* (Навоий МН).

Ушбу мисолда ҳам пайт муносабатлари ифодаланганди. Яъни, қачон инкор қила олмади, дейиш мумкин ёки нима сабабдан, деган савол қўйиш мумкин. Лекин гапда пайт маъносига нисбатан сабаб мазмуни кучли. Чунки асосий гапнинг бажарилишидаги пайт эмас, балки сабаб биринчи планга чиқарилмоқда, инкор қила олмаслик сабаби алоҳида таъкидланмоқда.

Энди қўйидаги мисолни кўрайлик: *Ва қатл истидаъсы қылды эрсә, қатл буйурды* (ТМА 231). Ушбу гапнинг ҳам мазмунини сабаб-натижа муносабати ташкил этади. Юқорида таъкидланганидек, *ижро майлидаги феъл+тўлиқсиз феъл* шакли пайт эргаш гапли қўшма гаплардаги содда гапларни ўзаро муносабатини таъминлайди. Лекин шуни таъкидлаш жоизки, бундай қўшма гапларда пайт мазмуни ҳам, сабаб мазмуни ҳам ифодаланади.

Сабаб эргаш гап бош гапга *-ки*, *ким* воситасида ҳам боғланиши мумкин. Бундай қўшма гапларда бош гап эргаш гапдан олдин жойлашади: *Мавт маразыда тажсны аның қарныга қойды ким, Дарабқа ҳамила эрди* (Навоий ТМА).

Хозирги ўзбек тилида ҳам сабаб эргаш гаплар бош гапга баъзан *-ки* шаклий воситасида боғланади. Лекин юқоридаги мисолдан фарқли равишда, эргаш гап бош гапдан аввал жойлашади: *Аёл борки, олам мунаввар. Сен борсанки, шодман ҳаётдан каби.*

Юқорида таъкидланганидек, Алишер Навоий асарлари тилида бош гап эргаш гапдан олдин жойлашади. Демак, бош гап (*Тожни анинг қорнига қўйиш*) нинг юзага келишига эргаш гап (*Доробға ҳомила эрди*) сабаб бўлмоқда. Нутқ талабига кўра эргаш гапни бош гапдан олдинга ўтказиш мумкин: *Даробқа ҳомила эрди, шунинг учун мавт маразида тожни анинг қорнига қўйди*, каби. Бундан шундай хулоса қилиш мумкинки, бундай боғланишда бош ва эргаш гапларнинг ўринлашуви эркин бўлади. Қайси гап таъкидли ифодага эга бўлса, сўзловчи учун муҳим бўлса, ўша денотат аввал жойлашади. Мисолдаги асосий воқеа (*Тожни анинг қорнига қўйди*) сўзловчи учун муҳим, шунинг учун уни биринчи планга кўйган.

Шу билан бирга, сабаб эргаш гап бош гапга яна қуидаги воситалар ёрдамида боғланиши мумкин:

*Негәким боғловчиси ёрдамида: Бу фурсатда Бажурны шаҳ Мир Ҳусайнга инайат қылыб, Ҳажса Калани тиләб эрдүк, негәким Ҳажса Калан мусаҳыб эрди (БН).*

Ўтган замон сифатдошига учинчи шахс эгалик аффиксининг қўшилиши, сўнгра учун кўмакчисини келтириш билан: *Қабулның дарамад вә ҳасылыны билмәй мундақ тахмил болғаны учун, вилайат хили хараб болды (БН)*. Баъзан сифатдош таркибидаги эгалик аффикси тушиб қолган: *Атасы вилайатқа кириб, нечә маҳал саллаҳлық қылған учун, Қанбар Али саллаҳ дер эрдиләр (БН)*.

-б(-иб,-ыб// -уб,-ұб) аффиксли равищдош воситасида: *Бу вақеа андын йад бериб, черик элигэ ваҳима ғалыб болды (БН)*.

*Шарт эргаш гапли қўшма гаплар*. Ҳозирги ўзбек тилида шарт эргаш гаплар бош гап билан феълнинг шарт майли шакли, ўрин-пайт келишигидаги сифатдош шакли, келаси замон сифатдоши ҳамда тўлиқсиз феъл, равищдошнинг бўлишсиз шакли, ўрин-пайт келишигига сифатдош ҳамда тўлиқсиз феъл шакллари орқали бирикади.

Бундай қўшма гаплар мазмунини шарт муносабати ташкил этади. Икки ёки ундан ортиқ денотатив гап шартланганлик муносабатига киришади. Шаклий функционал жиҳатдан эргаш гап бош гапнинг синтактик қурилишида шарт ҳоли ўринини эгаллайди: *Дост висалын тиләр болсаң, ашиқ бол (Навоий МК)*.

Эргаш гапнинг предикати бўлишсиз феъл шакли билан ифодаланиши мумкин. Бунинг натижасида шарт воқеа бир қадар таъкидли ифодага эга бўлади: *Ҳар вафаға йуз жафа тартмасаң, гунаҳқар-сен (Навоий МК)*.

Эски ўзбек тилида *агар* боғловчиси шарт эргаш гапли қўшма гаплар таркибида кенг қўлланган бўлиб, у шарт мазмунини кучайтириб келган: *Агар шабихун барсақ, қарангю кечадә киши көрмәс (БН)*.

*Агар* ёрдамчиси XI асрлардан бошлаб форс-тожик тилидан ўзлашган бўлиб, то ҳозирги кунгача қўлланиб келаётган шарт боғловчисидир. XI-XII-XIII аср адабий тилида оз микдорда кўзга ташланиб, XIV-XVI асрлардан бошлаб кенг қўлланган. Бу боғловчи *ар* шаклида ҳам қўлланган: *Маъзур тут ар васлыңа кечрәк йетсәм//нечара қылай азғына маниъ бардур (БН)*.

Эргаш гапнинг ўрни, чегараси ва унинг формал шаклланишида ўзига хослик ҳам қўзга ташланади. Маълумки, ҳозирги ўзбек тилида аввал шарт эргаш гап, сўнгра бош гапнинг келиши доимий қонуният. Лекин эски ўзбек тилида бош гапнинг эргаш гапдан олдин келиши ҳолати ҳам кузатилади: *Зеридастларга нафъ йеткур, агар тиләсәң кэ, забардастлардан зарар көрмәгәй-сен*(Навоий МК). Ушбу гапни қуидагича трансформация қилиш мумкин: *Агар забардастлардан зарар кўрмасликни тиласанг, зеридастларга нафъ еткур.*

Энди қуидаги гапларни таҳлил қилиб кўрайлик: *Десәң кэ, таамың зайд болмагай – йедур; Тиләсаң кэ, либасың эскирмәгәй – кийдур* (Навоий МК). Шаклий жиҳатдан олиб қаралганда, *десангки, тиласангки* сўзлари кириш сўз вазифасида қўллангандек кўринади. Чунки зое бўлмагай, эскирмагай келаси замон феъл шакллари кесим вазифасида келган. Лекин мазмунан олиб қаралганда, *десангки, тиласангки* лексемалари эргаш гаплар предикатининг бир қисми ҳисобланади. Қиёсланг: *таоминг зое бўлмагай – едур ёки либосинг эскирмагай – кийдур*, деб олсан, маъно чалалиги юзага келади, шартланганлик муносабати тўла реаллашмайди. Бу гапларни қуидагича трансформация қилиш мумкин: *Таоминг зое бўлмасин десанг, едур ёки либосинг эскирмасликни тиласанг, кийдур.* Фикримизча, бундай конструкциялар эски ўзбек тилига форс-тожик тилидан ўзлашган.

Шарт эргаш гапнинг кесими буйруқ майлидаги феъл шакли билан ифодаланади. Бош гап билан *-ки (-ким)* воситасида шаклий синтагматик муносабатда бўлади: *Мазлумга баҳшайши көргуз кэ, залимдын асайши көргәй-сен* (Навоий МК). Бундай шаклий восита орқали бирикиш ҳозирги ўзбек тилида кузатилмайди.

Шарт эргаш гап бош гапга *-са эрди* шаклий воситасида ҳам бирикиши мумкин. Бунда шарт воқеа тахмин, гумон маъно оттенкаларига эга бўлади: *Андақ кэ, бир аз нимә бевуқуфрақ киши қашыда оқуса эрди, көп йаҳшилыққа өткәрур эрди* (Навоий ҲМ).

*Тўсиқсиз эргаш гапли қўшма гаплар.* Маълумки, ҳозирги ўзбек тилида тўсиқсиз эргаш гаплар бош гапга *-са ҳам, -ганда ҳам, -са+да, -гани билан, қарамай* каби шаклий воситалар ёрдами билан боғланади. Эски ўзбек тилида эса шарт эргаш гапнинг предикатлари ижро майлидаги феъл шаклида бўлади. Тўсиқсизлик маъноларини ифодалашда эргаш гап таркибидаги *агар, агарчи* лексемалари катта роль ўйнайди. Шу билан бирга, денотатлар таркибидаги айрим лексик воситалар ҳам аҳамиятли ҳисобланади. Бундай гапларда бир пайтнинг ўзида икки хил муносабат, яъни, ҳам шарт муносабати, ҳам тўсиқсизлик муносабати мавжуд бўлади. Чунки «тўсиқсизлик» деганда, муайян шартнинг тегишли воқеанинг юзага келишида тўсиқ бўлмаслиги назарда тутилади. Бунда шарт муносабати бевосита эмас, балки билвосита иштирок этади, бошқача қилиб айтганда, шарт муносабати гапда тагбилим сифатида мавжуд бўлади. Агар тагбилим сифатида шарт муносабати иштирок этмас экан, тўсиқсизлик муносабатининг юзага келиши мумкин эмас. Мисол: *Вә қамчыны агар тазйана дерлар, булдургасын вә чубургасын туркча айтурлар* (Навоий МЛ).

Ушбу мисолда «қамчи тозёна дейилса, булдурғаси ва чубурғаси ҳам форсча аталиши керак» деган шарт муносабатидаги тағбилим мавжуд. Ана шу шарт меъёрининг бузилиши тўсиқсизликни юзага келтиради: *Вә қамчыны тазайана десәләр ҳам, булдурғасыны ва чубурғасыны туркча айтурлар.*

Тўсиқсиз эргаш гапларда бош гап эргаш гапдаги шарт мазмунига зид бўлган ҳаракат, воқеаларни ифодалайди: *Агарчи бир нечә вақт биззарурат улум қасбиға иштиғал көргузубтүрләр, амма ҳеч вақт назм айыныдын ҳали эмәс экәндүрләр* (Навоий ХМ).

Баъзан *агарчи, гарчи* боғловчилари иштирок этган тўсиқсиз эргаш гапли қўшма гапларнинг кейинги компоненти- бош гап олдида вэле зидлов боғловчиси келиб, у компонентлардаги зидликнинг ортиқ эканлигини кўрсатади: *Агарчи мундын бурун хабарны бир пыйада келтуруб эрди, вэле севинчига ек Вайс бир айда келди* (БН).

Маълумки, *агар, агарчи* боғловчилари эрагаш гап таркибида келиб, эрагаш гаплар доимо бош гапдан олдин келади. Лекин эски ўзбек тилида бундай тўсиқсиз эргаш гаплар бош гапдан кейин ҳам келган: *Йазлар йахши ҳавасы бар, агарчи Қабулча йоқтур* (БН).

*Пайт эргаш гапли қўшма гаплар.* Маълумки, пайт эргаш гапли қўшма гапларда, асосан, икки денотатив воқеа ифодаланиб, уларнинг бири иккинчисининг ичига пайт билдирувчи узв сифатида киради. Шунинг учун ҳам икки денотатив воқеа ўртасидаги муносабат пайт муносабати сифатида реаллашади ва бу муносабат ифодаланган қўшма гап пайт эргаш гапли қўшма гап сифатида баҳоланади.

Хозирги ўзбек тилида пайт эргаш гаплар бош гапга феъл шакллари, қўмакчилар ва айрим юкламалар ёрдами билан бирикади.

Эски ўзбек тилида пайт эргаш гаплар бош гапга қуйидагича боғланади:

1. Эргаш гапнинг предикати бош гапга равишдош шакли воситасида боғланади. Бундай гапларда эргаш гапда ифодаланган воқеа-ходиса бўлиб ўтганидан сўнг бош гапдаги воқеа бошланади: *Вә умриниң ахырыда Нөширәвәнни өз орныда олтуртыб, өзи гөшә тутты* (ТМА 224).

2. Чун шаклий воситаси ёрдами билан шаклланади. Маълумки, чун лексемаси ҳозирги ўзбек тилидаги: 1) чунки, *шу сабабдан*; 2) *агар*; 3) қачонки маъноларига мувофиқ келади (Навоий асарларининг қисқача луғати, 1993, 319). Шу сабабли ҳам чун лексемаси эски ўзбек тилида пайт, сабаб, шарт эргаш гапларнинг бош гапга боғланишини таъминловчи воситалардан бири саналган. Чун эргаш гапнинг таркибида келган, эргаш гапнинг предикати феълнинг аналитик ёки синтетик шакллари билан ифодаланган. Бундай гапларда ҳам асосий денотатив воқеа эргаш гапдаги воқеадан кейин содир бўлади: *Чун таъзиб шиддатыдын ҳардайлар, ул мажмуъдын судраб чықардылар* (МК 38). Чун атфал ташыдын туйар эрди, қачыб гулханга йуз қойар эрди (МК 87).

Шу билан бирга, Алишер Навоий асарлари тилида *-ғач* (-ғәч, -қач, -қәч), *-р(-ур)да* шаклий воситалари ҳам эргаш гапни бош гапга боғлашда фаол кўлланганлигини кўрамиз. *-ғач* (-ғәч, -қач, -қәч) шаклий воситаси билан

боғланган қўшма гапларда асосий денотатив воқеа эргаш гапдаги воқеа содир бўлгандан сўнг бошланади.

Мисоллар: *Кайфийатин маълум қылгач, таскин таптылар ва Фируз Ҳурмузга таън қылдылар* (ТМА 234). *Тафаҳҳус қылгач, ул иши кайфийатин маълум қилди* (ТМА 209).

Юқорида таъкидланганидек, мисоллардан асосий денотатлар (*Таскин таптылар ва Фируз Ҳурмузга таън қылдылар – ул иши кайфийатин маълум қылды*) тобе денотатив воқеалар (*Кайфийатин маълум қылгач – Тафаҳҳус қылгач*)дан сўнг содир бўлмоқда. Ушбу пайт муносабатини –ғач (-ғәч, -қач, -қәч) шаклий воситасининг семантикаси реаллаштироқда.

- *p (ур)да* шаклий воситаси билан боғланган пайт эргаш гапли қўшма гапларда эргаш гапдаги денотатив воқеа билан асосий денотатив воқеа бир пайтда рўй беради, чунки, - *p (ур)да* шаклий воситасининг семантикаси ишҳаракатининг тугалланмаганлигини ифодалайди: *Вə қошиқун салурда, тениб ахир қылды* (ТМА 220).

Хозирги ўзбек тилида бундай мазмунли қўшма гапларни боглашда -*ган* сифатдоши кенг қўлланилади (Абдураҳмонов F., 1958, 142-146). Эргаш гапнинг предикати ижро майлидаги феълнинг эрсə шакли орқали ифодаланиб, бош гапга боғланиши мумкин. Бунда асосий денотатив воқеа эргаш гапдаги воқеа тугаганидан сўнг бошланади: *Ул ишини ача захир қылды эрсə, қабул қылыб, йалғыз барыб, ул тилни өлдүрди* (ТМА 220).

## 18-маъруза

### *Боғловчисиз қўшма гаплар*

*Режса:*

1. Боғловчисиз қўшма гаплар бўйича назарий маълумот.
2. Пайт муносабатини ифодаловчи боғловчисиз қўшма гаплар.
3. Қиёслаш муносабатини ифодаловчи боғловчисиз қўшма гаплар.
4. Изоҳлаш муносабатини ифодаловчи богоччисиз қўшма гаплар.

*Адабиётлар:*

4. Абдураҳмонов F. Тарихий синтаксис.-Т., 1974.
5. Щербак А.М. Грамматика староузбекского языка.-М.-Л., 1962.

6. Серебринников Б.А., Гаджиева Н.З. Сравнительно-историческая грамматика тюркских языков. Фонетика, морфология, синтаксис.- М., 1986.

Боғловчи воситаларсиз бириккан қўшма гапларга мавжуд адабиётларда бир хил таъриф берилади: икки ёки ундан ортиқ содда гапларнинг ўзаро грамматик боғловчилар ёрдамисиз бирикувидан тузилган қўшма гаплар боғловчисиз қўшма гаплар бўлади (Ўзбек тили грамматикаси, 1976, 300). Яна бундай гапларнинг табиати тўғрисида шундай дейилади: «... бундай содда гапларнинг структураси лексик, морфологик, синтактик параллеллик бўлади. Бу ҳол гапда эга ва кесимларнинг бир хил шаклда бўлишида, антоним эгаларнинг ва бир хил шаклдаги кесимларнинг келишида, антоним аниқловчилар ва бир хил бўлакларнинг такрорланишида кўринади» (Ўзбек тили грамматикаси, 1976, 300).

Шуни таъкидлаш лозимки, икки бош бўлакли қўшма гап сатҳида ёки бир бош бўлакли қўшма гап сатҳида бўлмасин, улар компонентларининг боғловчисиз ҳам ўзаро алоқада бўлиши боғловчиларнинг қўшма гаплардаги роли масаласини қайта кўриб чиқиш муаммосини келтириб чиқаради. Ҳақиқатан ҳам, қўшма гаплар боғловчисиз қўллана олиш имкониятига эга экан ва шундай ҳолатда ҳам мураккаб денотатив воқеаларни акс эттира олар экан, унда боғловчи ва боғловчи воситаларнинг қўшма гапдаги ўрни масаласида тайинли фикрлар билдириш лозимлиги маълум бўлади.

Қадимги туркий тилда ва эски ўзбек тилининг дастлабки тараққиётида қўшма гаплар, асосан, ҳеч қандай боғловчиларсиз ўзаро бириккан (Абдураҳмонов F., 1974, 12). Бунга сабаб у пайтларда ҳали боғловчилар жуда кам бўлган. Бу ҳакда F.Абдураҳмонов шундай ёзади: «Ҳали teng ва тобе боғловчилар бўлмаган ёки жуда кам бўлган даврларга оид бўлган ўрхун ёзувлари ва XI аср ёдномаларида мураккаб фикр содда гапларни ёнма-ён келтириш ҳамда маълум интонация ва бошқа воситалар орқали ифодаланган» (Абдураҳмонов F., 1974, 12). Боғловчисиз қўшма гапларнинг баъзилари ҳозирги замон боғланган қўшма гаплари учун, баъзилари ҳозирги замон эргаш гапли қўшма гаплари учун асос бўлади, айримлари эса, маълум ўзгаришлар билан ҳозир ҳам қўлланади (Абдураҳмонов F., 1974, 12).

Демак, илк даврларда боғловчилар қўлланилмаган экан, шаклий воситаларсиз ҳам содда гаплар ўзаро боғланган экан, кейинги даврларда уларнинг қўшма гап таркибида келиши шаклий равонликни, турли модалликни ифодалаш учун, дейишга асос бор. F.Абдураҳмонов тўғри таъкидлаганидек, боғловчисиз қўшма гапларни ташкил этган қисмлар орасидаги семантик муносабатлар қуйидаги йўллар билан ифодаланган:

1. Турли интонация; пауза;
2. Гап бўлаклари ва гапларнинг ўринлашиши;
3. Айрим гап бўлаклари (асосан, олмош ва феъл билан ифодаланувчи) нинг семантикаси;

4. Айрим гап бўлакларининг такори. Бунда олмошларнинг роли каттадир (такорорланган бўлак гапларни семантик жиҳатдан боғлайди);

5. Қўшма гап қисмлари орасидаги семантик муносабатни конкретлаштириш учун айрим лексик элементлар (*анда, ани, ул фурсатда, ул жиҳатдин*) қўлланади (Абдураҳмонов F., 1974, 13). Бу фикрлар боғловчилар воситасида боғланган қўшма гапларга ҳам тааллуқли эканини юқорида кўриб ўтган эдик. Бундай фикр-мулоҳазаларнинг туғилиши эса «Боғланган қўшма гаплар», «Боғловчисиз қўшма гаплар», «Бириктирув боғловчили қўшма гаплар» каби тушунчаларни, аввал айтганимиздек, қайта кўриб чиқиш лозимлигини яна бир бор тасдиқлади. Чунки бу атамалар бу хил гапларнинг табиатини тўла очиб беролмайди. Шунинг учун уларни соддагина қилиб, А.Нурмонов таклиф қилганидек, «Тенгланишли қўшма гап», «Тобеланишли қўшма гап» деб аташ мақсадга мувофиқ (Нурмонов А., Маҳмудов Н., Аҳмедов А., Солихўжаева С., 1992, 21).

Кўйида боғловчисиз қўшма гапларнинг маъно муносабатига кўра турларини тавсиф қилишга ўтамиз.

*Айни бир пайт муносабатини ифодаловчи боғловчисиз қўшма гаплар.* Бундай қўшма гапларда денотатив воқеалар бир пайтда ёки кетма-кет содир бўлади. Мисолларга мурожаат қиласлик: *Бу төрт деван авазасын рубъи мәскүнгә йеткуруб-мен, «Хамса» панжасыга панжса уруб-мен* (МЛ 120). Мазкур мисолдаги денотатлар бирин-кетин содир бўлмоқда. Биринчи денотат (*бу төрт деван авазасыны рубъи мәскүнгә йеткуруб-мен*)нинг тугаши билан иккинчи денотат (*«Хамса» панжасыга панжса уруб-мен*) содир бўлмоқда. Бу гаплар орасида мустаҳкам ички боғланиш мавжуд. Иккинчи денотатнинг юзага келиши биринчи денотатнинг бажарилиши билан боғлиқ. Гапларнинг позицион жойлашиши ҳам қатъий: биринчи денотатни иккинчи ўринга ўтказиб бўлмайди. Демак, семантик жиҳатдан иккинчи денотат биринчи денотатни ўзига тобелаштириб келмоқда. Биринчи денотат иккинчи денотатнинг бажарилиш пайтини билдирган. Юқорида таъкидланганидек, предикатлар оҳангдошлиги содда гапларнинг боғланишида муҳим восита бўлмоқда.

Яна бир мисол: *Булбул билә Гул ва Шамъ билә Парвана арасыда муназара битибдур, анда көб диққат көргузубтұр* (МН 18). Ушбу мисолда денотатлар ўзаро пайт муносабатидан ташқари, изоҳлаш муносабати орқали ҳам боғланган. Иккинчи денотат биринчи денотатни изоҳлаб ҳам келмоқда, яъни мисолда «Булбул билә Гул» ва «Шам билә Парвана» номли сермазмун, мукаммал асарлар ёзди деган тағбилим мавжуд. Денотатларнинг ўзаро семантик боғланишида баъзи лексик элементларнинг (*мунозара – анда*) ҳам муҳим аҳамияти бор. Биринчи денотат таркибидаги *мунозара* лексик элементи иккинчи денотат таркибидаги *анда* лексик элементи орқали ифодаланган. Уларнинг жойлашиш тартиби ҳам қатъий, ўзаро ўрин алмаштириб бўлмайди, чунки иккинчи денотатнинг юзага келишига биринчи денотат сабаб бўлмоқда.

*Зидланиши муносабатини ифодаловчи боғловчисиз қўшма гаплар.* Денотатлар ўзаро пайт муносабати билан бирга, зидланиш муносабати

орқали ҳам боғланиши мумкин. Мисол: *Ҳар кимгә ким, бир вафа көргүздүм, йуз бевафалыг көрмәгүнчә құтулмадым* (МҚ 85). Мисолдаги зидланиш иккى хил шакл – ҳам лексик, ҳам морфологик шакл орқали ифодаланган. Бириңчи денотатдаги *бир вафо* лексик элементи иккинчи денотатдаги *йуз бевафолыг* лексик элементи билан, предикатлар бўлишли-бўлишсизлик (кўргүздум – құтулмадим) муносабати билан оппозицияга киришган. Денотатларнинг жойлашиши ҳам қатъий, иккинчи денотатнинг бажарилиши бириңчи денотатни тақозо этмоқда. Яна бир мисол: *Бавужудким, Самарқандның аълами уламасы эрди, шеър вә муаммаға дазы майыл эрди* (МН 32).

Ҳар иккала гапнинг предикати шаклан от кесим орқали ифодаланган. Иккала денотатда ҳам субъектга хос бўлган хусусиятлар ифодаланмоқда, яъни бириңчи денотатда субъектнинг мансаби ифодаланаётган бўлса, иккинчи денотатда субъект фаолияти изоҳланмоқда. Денотатларнинг жойлашиши эркин, уларнинг ўрнини алмаштириш мумкин. Уларнинг семантиқ боғланишида *даги* лексик элементи мухим роль ўйнамоқда. *Даги* лексемаси иккинчи денотат билан бириңчи денотатнинг семантиқ алоқасини таъмин этмоқда.

*Даги* лексемаси «Ўзбек тилининг изоҳли луғати»да «такроран, қайтадан, янгидан, яна, бундан ташқари, бунинг устига» каби маъноларни англашиб айтилади (Ўзбек тилининг изоҳли луғати, 1981, 482). Демак, *даги* – яна фикрнинг ҳали тугалланмаганлигини, иккинчи денотат бириңчи денотатнинг мантиқий давоми эканлигини англашиб.

Бундан шундай хулоса чиқариш мумкинки, *даги* лексемаси иштирок этган боғловчисиз қўшма гапларда мустаҳкам семантиқ боғланиш мавжуд бўлади.

Навоий асарларида равишдош шакли мустақил предикат бўлиб кела олган: *Намус дастарын башыдын алыб, бир журъа учун майфуруши айагыга салыб* (МҚ 35). Ушбу мисолда ҳам пайт мазмуни билан бир қаторда, сабабната натижа мазмуни ҳам ифодаланган. Бириңчи денотат (*Намус дастарын башыдын алыб*) сабаб воқеани, иккинчи денотат (*Бир журъа учун майфуруши айагыга салыб*) натижа воқеани ифодалаган. Мантиқан олиб қаралганда, ор-номус, ҳаёни унутган инсон ҳар қандай пасткашликларга, тубанликларга бориб етиши мумкин. Демак, бундай иллатларнинг сабабчиси номуссизлик. Денотатларнинг жойлашиш позицияси ҳам турғун, уларнинг ўрнини алмаштириб бўлмайди.

*Киёслаш муносабатини ифодаловчи боғловчисиз қўшима гаплар*. Бундай қўшма гаплар таркибидаги денотатив воқеалар бир-бирига қиёсланади. Бу қиёсланиш орқали икки денотат ўртасидаги ўхшаш, фарқли томонларни кўрсатиш ёки қўшимча маъно ифодалашdir. Мисол: *Тилаб бергәнни ҳам сахадын йирақ бил, ибрам билә бергәндин бермәгәнни йахширақ бил* (МҚ 112). Мисолдаги икки лексема (*тилаб беришилик ва ибром била беришилик*) семантикаси ўзаро қиёсланмоқда, яъни сўрагандан сўнг беришилик ҳам «ибром» (қистаб туриб олиш билан беришилик) ҳам сахийликдан йироқ бўлган нарсалар. Иккала тушунча ўзаро қиёсланган ҳолда инсон мана

шундай хислатлардан йироқ бўлиши лозимлиги уқтирилади. Бирордан нарса сўраб олинганда ёки қисташ орқали олинганда, турли норозилик, келишмовчилик келиб чиқади. Аввало, сўрагунча бирорга бир нарса бермаслик, хасислик мардлар иши эмас. Демак, ушбу мисол асосида «Доно ҳеч қачон нодон саҳоватига муҳтож бўлмасин» деган тагтаълим мавжуд. Яна бир мисол: *Биртә өтмәкни икки бөлуб йармини бир ачға бергәнни сахий де, өзи йемәй барини муҳтажга бергәнни ахий де* (МҚ 162). Мазкур мисолда ҳам икки денотатив воқеа ўзаро қиёсланмоқда. Гапларнинг семантик боғланишида *ярмини - барини, оч - муҳтожга, сахий - ахий* лексемалари муҳим роль ўйнаган. Бир майизни икки бўлиб, ярмини оч қолган кишига берган инсон сахий, саҳоватли ҳисобланса, ўзи емасдан ҳаммасини муҳтож одамга берган янада сахийроқ, саҳоватли инсон экан. Асосий семантик муносабат *ярмини беришилик - барини беришилик* оппозицияси орқали реаллашган. Демак, мисолда *ярмини беришилик* лексик бирикмаси билан *барини беришилик* лексик бирикмаси ўзаро қиёсланмоқда.

Энди қуйидаги мисолни кўрайлик: *Фасықдын ҳайа тилама, золимдын вафа тилама* (МҚ 80). Ушбу гаплар *фасиқ* – золим, *ҳайа* – вафа лексемалари муносабати орқали боғланган. Шу ўринда бир нарсани айтиб ўтиш жоиз. Маълумки, фосиқ (ёлғон сўзлар айтувчи, фисқ-фасод гаплар қўзғовчи), золим (ўзгаларга зулм ўтказувчи) шахслар салбий характерли тоифага киритилади. Бу лексемалар ҳаё, *вафо* лексемалари билан семантик жиҳатдан боғлана олмайди. Чунки фосиқ одамдан шарм-ҳаё, уят, ибо, золим инсондан меҳр-вафо кутиб бўлмайди. Уларда бу каби хусусиятлар бўлмайди. Шунинг учун ҳам мазкур гапларнинг предикати инкор шаклда ифодаланган.

Куйидаги мисолда ҳам худди шундай ҳолатни кузатиш мумкин: *Тамеъдин кәрәм тилама, гададин дирәм тилама* (МҚ 70). Ушбу мисолда ҳам «Томеъ – таъма қилувчи - гадо» лексемалари ўзаро қиёсланмоқда. Томеъ – тамагирлар бирорга озгина ёрдами, фойдаси тегса, бирор нарса талаб қиласидилар, ҳар бир хатти-харакатини пул, мол-дунё билан ўлчайдилар. Бундай шахслар савоб, одамийлик нуқтаи назаридан яхшилик, саҳоват қилиш керак, деган хаёлни қилмайдилар, шунинг учун улардан саҳоват кутиб бўлмайди. Гадо эса тиланчилик билан, бирорларнинг садақаси эвазига ҳаёт кечиради. Садақа сўровчидан бирор нарса сўраб бўлмайди. Таъмагир шахслар қанчалик бой-бадавлат бўлмасин, инсонларга ёрдам кўрсатмас экан, улар гадодан ҳам баттароқдир. Лекин *томеъ ва гадо* лексемалари унчалик бир-бирига яқин тушунчалар эмас. Чунки *томеъ* лексемаси салбий тоифадаги кишиларга нисбатан қўлланади, *гадо* лексемасида эса салбийлик семаси йўқ. Демак, аввалги мисолда бир-бирига яқин тушунчалар (*фосиқ – золим*) муносабатга киришган бўлса, мазкур мисолда семантик жиҳатдан турлича лексемалар (*томеъ - гадо*) муносабати ифодаланган.

Куйидаги мисол шу жиҳатдан характерлидир: *Маҳаллыда айтур сөзни асрара, айтмас сөз тегрәсига йөләмә* (МҚ 83). Мазкур мисолда бир-бирига зид лексик бирикмалар (*айтур сўз – айтмас сўз*) ўзаро қиёсланмоқда.

Демак, вақти келгандың айтадиган сүзни айтиш керак, айтиш керак бўлмаган сүзни умуман айтмаслик лозим.

*Изоҳлаш муносабатини ифодаловчи боғловчисиз қўшма гаплар.* Бундай қўшма гаплар ҳақида фикр юритар экан, Ф.Абдураҳмонов шундай ёзади: Боғловчисиз қўшма гапларнинг айрим турларида қўшма гапларнинг таркибидаги бир қисмдан англашилган воқеа, ҳодиса иккинчи гапдан англашилган воқеа, ҳодисага боғлиқ бўлади, бир қисм иккинчисини ёки унинг таркибидаги айрим бўлакларни изоҳлаб, тўлдириб келади. Бундай боғловчисиз қўшма гапнинг таркибидаги қисмлар бир-бирига мазмунан боғлиқ бўлиб, ораларидағи мазмун муносабати яқин бўлади. Боғловчисиз қўшма гапларни ташкил этган қисмлар орасидаги мураккаб мазмун муносабати айниқса изоҳлаш муносабатида яққол кўринади (Абдураҳмонов Ф., 1996, 143). Бу фикрлар жуда ўринли, албатта. Лекин мураккаб мазмун муносабати фақат бундай тип гапларда эмас, умуман, ҳар қандай қўшма гапларда ифодаланиши юқорида мисоллар асосида айтиб ўтилди.

Изоҳлаш муносабатини ифодаловчи боғловчисиз қўшма гапларда қўйидаги мазмун муносабатлари ифодаланган:

1. Шарт-натижа муносабати: *Ҳар кимгәки бир хизмат қылдың – он шиддатга муҳайя турмақ керәк* (МҚ 49). Ушбу мисолда биринчи денотатив шарт воқеани ифодалаган, иккинчи денотатга семантик жиҳатдан тобе ҳисобланади. Бу гап –са шаклий воситали шарт эргаш гапли қўшма гапга синоним бўла олади. *Ҳар кимгәки бир хизмат қылдың – он шиддатга муҳайя турмақ керәк – ҳар кимгәки бир хизмат қылсаң, он шиддатга муҳайя турмақ керәк.* Худди шу ҳолат ҳам содда гапларни боғловчи шаклий воситалар иккиламчи эканлигини кўрсатади. Бундай гаплар ҳақида айтилган қўйидаги фикрлар ҳам мазкур мулоҳазамизни тасдиқлайди: «Биринчи, иккинчи, учинчи, тўртинчи ва бешинчи қўшма гап таркибидаги содда гаплар бирикиш муносабатини; олтинчи, еттинчи ва саккизинчи қўшма гап таркибидаги содда гаплар зидлов муносабатини ифодаловчи воқеа-ҳодисани билдирган. Шунинг учун олдинги тўртта қўшма гап таркибидаги содда гаплар орасига бириктирув боғловчисини, кейинги учта қўшма гап орасига зидлов боғловчисини қўйиб ишлатиш мумкин» (Аскарова М., Абдуллаев Й., Омилхонова М., 1997, 151). Эргашган қўшма гаплар хусусида ҳам шундай фикрлар айтилади: «Келтирилган мисолларнинг биринчи, учинчи ва бешинчисида сабаб мазмуни ифодалангани учун чунки, шунинг учун боғовчиларини қўллаб, сабаб эргаш гапли қўшма гап ҳосил қилиш мумкин. Иккинчи ва еттинчи гапда эса ўхшатиш мазмуни ифодаланганидан гўё ёрдамчисини қўллаб, ўхшатиш эргаш гапли қўшма гапни ҳосил қилиш мумкин» (Аскарова М., Абдуллаев Й., Омилхонова М., 1997, 172).

Демак, боғловчи воситаларини ишлатиб ҳам, олиб ташлаб ҳам боғловчисиз қўшма гапларни қўллаш мумкин экан, уларнинг гапдаги тутган ўрни унчалик муҳим эмас.

2. Сабаб-натижа муносабати: *Тилиң билә көңулни бир тут, көңли вә тили бир киши айтқан сөзгә бут* (МҚ 163). Ушбу мисолда биринчи денотат

сабаб воқеани иккинчи денотат натижа воқеани ифодаламоқда. Гапларнинг ўзаро мазмуний боғланишини *тил*, *көңүл*, *бир* лексик элементлари таъминламоқда. Мазкур содда гаплар орасига ҳам чунки шаклий воситасини кўйиш мумкин.

3. Ўхшатиш муносабати: *Нафсни тақва ријазаты билә зеридаст қылдылар – шайтанны залыллық билә йергә паст қылдылар* (МҚ 81). Мисолда «*Нафсни тақво риёзати била зеридаст қилишилик*» «*Шайтонни залиллик била ерга паст қилиши*»га ўхшатилмоқда. Денотатлар таркибидағи лексик элементлар оппозицияси (*нафсни – шайтонни, тақво риёзат била – залиллик била, зеридаст қилдилар – ерга паст қилдилар*) зич мазмуний боғланишни таъминлаган.

## **МУНДАРИЖА**

Кириш . . . . .	3
Фонетика . . . . .	7
Эски ўзбек тилида унли ва ундошлар тараққиёти . . . . .	10
Морфология. От сўз туркуми . . . . .	15
Кеклишик категорияси . . . . .	17
Сифат . . . . .	21
Сон . . . . .	26
Олмош . . . . .	31
Феъл . . . . .	41
Эски ўзбек тилида майл ва замон формалари . . . . .	50
Равиш . . . . .	59
Ёрдамчи сўз туркуми . . . . .	62
Синтаксис . . . . .	67
Бир бош бўлакли гаплар . . . . .	73
Боғланган қўшма гаплар . . . . .	76
Эргаш гапли қўшма гаплар . . . . .	81
Боғловчисиз қўшма гаплар . . . . .	88

96,1,94,3,92,5,90,7,88,9,86,11,84,13,82,15,80,17,78,19,76,21,74,23,72,25,70,27,68,  
,29,66,31,64,33,62,35,60,37,58,39,56,41,54,43,52,45,50,47,  
48,49,46,51,44,53,42,55,40,57,30,59,36,61,34,63,32,65,30,67,28,69,26,71,24,73,2  
2,75,20,77,18,79,16,81,14,83,12,85,10,87,8,89,6,91,4,93,2,95

